

CF 136



STILLMAN DRAKE

MELCHIORIS INCHOFER
E SOCIETATE IESV
AVSTRIACI,
TRACTATVS SYLLEPTICVS,

In quo,

QVID DE TERRAE, SOLISQ. MOTV, VEL STATIONE,
secundum S. Scripturam, & Sanctos Patres sentiendum,
quaue certitudine alterutra sententia tenenda sit,
breuiter ostenditur,



ROMÆ,
Excudebat Ludouicus Grignanus MDCXXXIII.
SUPERIORVM PERMISSV.

EXEMPLUM BIBLIOTHECÆ

MEMORANDUM

THE SOCIETY

OF THE

TRAVELLERS

OF THE

OF THE

OF THE

OF THE



R. C. M. A.

THE SOCIETY

OF THE

OF THE

MVTIVS VITELLESQVS,
SOCIETATIS IESV
Præpositus Generalis.

CVM TRACTATVM SYLLEPTICVM, DE
TERRÆ, SOLISQ. MOTV, vel STATIONE, &c.
P. MELCHIORIS INCHOFER, nostræ Societatis Theologi;
Tres eiusdem Societatis Theologi, quibus id commisi-
mus, recognouerint; ac in lucem edi posse probauerint;
facultatem concedimus, vt Typis mandetur, si ita Re-
uerendissimo Domino Viceſgerenti, & Reuerendissimo
P. Magistro Sacri Palatij videbitur. In cuius rei Fidem
has literas, manu nostra subscriptas, & Sigillo nostro
munitas dedimus, Romæ XVIII. Augusti MDCXXXIII.

Mutius Vitellescus

Imprimatur,

Si videbitur Reuerendiss. P. Magistro Sacri Palatij Apostolici.

A. Torniellus Vicefg.

EX commissione Reuerendiss. P. Mag. Sac. Pal. Apost. Vidi, & cum voluptate perlegi TRACTATVM SYLLEPTICVM, DE TERRAE, SOLISQ. MOTV, vel STATIONE, secundum Sacrae Scripturae, & Sanctorum Patrum sententiam, Authore R. P. MELCHIORE INCHOFER Societatis Iesu Theologo; & placuit valde Argumentum, hoc praesertim tempore, in quo quidam prurientes auribus à simplici candore, & sacra Veritate diuinæ Scripturae auditum auertunt, & ad fabulas conuertuntur. Hos Pythagoræos Christianè refellit hic Theologus, & doctè demonstrat, Mathesim, aliasq; humanas scientias, ad Sacrae Scripturae regulas esse reducendas, non verò, vt periculosè hoc nostro seculo in nimiam abiit licentiam, pro cuiusq; captu, aut arbitratu interpretandum, aut potius adulterandum diuinum eloquium, vt humanis famuletur figmentis. Iudico proinde vilem hunc fore Tractatum, & Typis euulgandum, praesertim cum nihil in eo praeter sanam doctrinam contineri perspexerim. Datum Romæ ad Aram Cæli die XXII. Augusti MDCXXXIII.

*Fr. Lucas VVaddingus Ordinis Minorum
V. Commissarius Generalis Curiae Romanae.*

Imprimatur,

Fr. Nicolaus Riccardius Sacri Pal. Apostolici Magist. Ord. Præd.

MAGNO DOMINO.

Qui fecit illum *(Solem)* & in sermonibus
eius festinavit iter *(Ecclesiastici 43.)*

Qui fundavit Terram super
stabilitatem suam *(Psal. 103.)*

&

Omnibus Christianæ, Catholicæq;
Philosophiæ amantibus.

D. D.

LECTORI.



AMICE LECTOR. In hoc scripturienti seculo, multorum manus scribendo pruriunt; neque solum nouis inueniendis argumentis, sed uetustis etiam reuocandis lassantur homines ingeniosi, nescio quam bene feriat, dum proscripta & proscribenda perinde scribunt. Tale est hoc genus de Motu Terræ, & Statione Solis, quod nunquam robuste inueteratum, ac tantum à Pythagoræ manu ductum, in Christiana quoque secula tacitius irrepsit primum, sed mox à sanctiore Philosophia pressum, obscure & languide se aluit in libris; quoad rursum apud Imaginarios quosdam opinionem inuenisset; qui hodie Tribunitij inter suos facti, sine lege philosophantur. Istis modò, pro S. Scripturæ, Sanctorumq; Patrum, ac Theologorum decretis occurrimus; verum Sylleptica tantum velitatione; ut hinc maiora maneant, quæ vel alij iam operosè instructi, propediem Mathesti dabunt; vel si redimere hanc breuitatem oporteat, nos quoque partem alijs lucubrationibus detractam, huic curæ addituri sumus, cum te præsertim quaecunque hoc studium nostrum probauisse nouerimus. Quamquam hanc operam, ab alijs maiori cum laude occupandam, sicut non nescimus, ita omnes tanquam Religionis Classarios, hoc sublato signo conciemus: par quippè est omnes, quibus Christianè pectus sapit, pro cana Fide, & Veritate fortiter agere, idq; siue Theologicè, siue Mathematicè, & Philosophicè decernendum sit, unice prestare; ne fabulis, & peregrinis doctrinis abducti honorum sensus, Religioni intercedant. Quod dum apud te quoque præstinatum, mi Lector, velimus, hæc pauca damus in antecessam; ipse plurima ne in longum diem reposueris da operam; memor dicti Sapientis, Super faciem Scribæ imponet honorem suum. Vale.



TRACTATUS SYLLEPTICVS.

IN QVO QUID DE TERRAE SOLISQ. MOTV
vel Statione secundum S. Scripturam & Sanctos Patres
sentiendum, quae certitudine alterutra sententia
tenenda sit, breuiter ostenditur.

MOTVM hunc tractatum XIII. Capitibus absoluemus.
Primo, Afferemus praecipua S. Scripturae loca, quae
motum Terrae videntur adstruere. *Secundo*, Quid de
eadem re Sancti Patres videntur sensisse. *Tertio*, Quae loca
S. Scripturae militent pro quiete Terrae. *Quarto*, Quid item
Sancti Patres senserint de eadem quiete. *Quinto*, Ostendemus
eiusdem loci S. Scripturae, plures esse sensus literales. *Sexto*, Quo-
tuplex sit sensus literalis huius propositionis, *Terra in aeternum
stat*. *Septimo*, Quis ex praedictis sensibus videatur principaliter
intentus. *Octauo*, Solem moueri esse vnanimem Sanctorum Pa-
trum sententiam. *Nono*, Solem moueri & quidem Circulariter,
esse de Fide. *Decimo*, An sit de Fide Terra non esse Centrum vni-
uersi. *Vndecimo*, Quo pacto sunt de Fide propositiones hacten-
us affirmatae. *Duodecimo*, Posito quod Terrae quies sit de Fide,
an, & quatenus liceat de contrario disputare. *Decimotertio*, Pro-
ponemus & soluemus obiecta, quatenus ad S. Scripturam &
Sanctorum Patrum institutum spectant.

*Vnde præcipuè videatur adstrui posse
ex S. Scriptura motus Terræ.*

CAPVT PRIMVM.

PLVRA sunt eiusmodi loca, sed pleraq; figuratè sunt intelligenda, ut interdum Terra pro habitatoribus Terræ accipiatur, qui si aliqua de causa commouètur in bellorum factiones, aut potius si statum vitæ quocunque modo mutant, ut quodammodo alteri fiant à seipsis, Terra ipsa dicitur commoueri. Testatur id S. August. in *Enarrat. in Psal. 98.* Quo etiam pacto sumendum est illud *Psal. 96. Illuxerunt fulgura eius Orbi Terræ, vidit, & commota est Terra.* Amos 8. *Nunquid super isto non commouebitur Terra, & lugebit omnis habitator eius.* Ierem. 50. *Vt exterreat Terram & commoueat habitatores Babylonis.* 1. Machab. 9. *Commota est Terra à facie exercituum;* quamuis hic locus & per hyperbolem explicetur. Et idem dicendum de plerisque alijs locis, quibus Deus asseritur commouisse aut conturbasse Terram, ut legenti S. August. in *Psal. 17. 58. 67. 74. 113. Conc. 1.* euident est: & sanè vix quicquam adeò frequens est S. Augustino, quam Terram in S. Scriptura sumi pro hominibus ipsis. Vide *Lib. 1. & 2. locut. de Exod. De Ciuit. lib. 20. cap. 23.*

Interdum verò Scriptura notat potentiam Dei, & maiestatem, à cuius nutu videlicet vniuersa pendent, iuxta *Eccles. 16. Ecce Calum, & cali calorum, abyssus, & vniuersa terra, & quæ in eis sunt, in conspectu eius commouebuntur, montes simul, & colles, cum conspexerit illa Deus, tremore concutientur.* Et Iob 26. *Columnæ Cali contremiscunt, & pauent ad nutum eius.*

Denique interdum innuit Scriptura miraculosam Terræ in parte commotionem. Velut 1. *Reg. 14. Conturbata est Terra, & accidit quasi miraculum à Deo;* siue, ut Hebræus legit, *Fuit in trepidationem Dei,* hoc est, in prodigiosam, & longè maximam commotionem. Quamquam & hic locus de incolis Terræ, ex sensu capiatur; nam & Septuaginta sic vertunt, ut stuporem potius, quam motum videantur significare; stupor autem in homines cadit. Probabile tamen est Terram ipsam verè fuisse commotam miraculosè, præsertim, si, quod aduertunt nonnulli, Terra sumitur, sepè quidem pro incolis, sed potius in Prophetis quam in Historicis libris, cuiusmodi sunt libri Regum. Atque

Atque iuxta hanc opinionem admitti etiam potest de vero Terræ motu, quod dicitur. 2. Reg. 22. *Commota est & contremuit Terra, & fundamenta montium concussa sunt & conuassata, quoniam iratus est eis.* quod totidem fere verbis repetitur in Psal. 17.

Ex his tamen omnibus, & si quid aliud est huiusmodi, non potest inferri conuersio Terræ, siue annua, siue diurna, de qua hic nobis est sermo, sicut neque ex Terræ motibus & concussionibus, qui frequenter à causis naturalibus proueniunt, rectè quippiam concluditur.

Vnus est locus quem nonnulli ad institutum magni faciunt. Iob 9. *Qui commouet Terram de loco suo, & columna eius concutiuntur.* Cui Didacus Stunica tantum efficaciam tribuit ad asserendum Terræ motum, nullus ut in reliqua Scriptura locus reperitur, qui in contrarium tam apertè prodat Terram non moueri, atque iste adstruit moueri. Idipsum verò illustrari posse putat ex placitis Pythagoræorum, Terram natura sua moueri existimantium. Quò etiam referunt aliqui translationem montium, de qua ibidem est sermo. *Qui transtulit montes & nescierunt quos subuertit in furore suo.* Quam translationem existimant cum motu conuersionis apprimè consentire: & alioqui nimis mirabile foret, Terram montibus prægrauatam adeò celeriter circumferri, nisi id instituto primæ creationis accepisset.

Sed reuera ex his locis nihil euincitur. Quoad primum, rectè notant Scriptores, eo, potius immobilitatem Terræ significari, quòd columnæ appellatio firmam quandam fixamq; notet stabilitatem; commotio verò, Dei designet vindictam, & irritatæ potentie vim per tempestates & concussiones Terræ sruientem, quod longè alienum est à quotidiana & imperceptibili conuersione, quam sui authores depingunt. Idem rectè deducunt ex genuina significatione vocis Hebrææ, quæ quidem non motum naturalem, sed ex metu, vel ira, vel alia quauis perturbatione ortam commotionem videtur innuere.

De posteriori loco, idem planè est sentiendum, ut perperam censetur ea translatio cum motu circulari Terræ congruere; quid enim opus furore & subuersione, ad huiusmodi translationem motu circulari perficiendam, qui cum ad utilitatem mortaliū in terris ordinatus sit, à subuersione longè esse debet. Loquitur ergò Scriptura de translationibus montium de loco in locum, interdum ad castigandos populos diuinitus factis, idq; non semel, nec vna in regione accidisse & Historiæ, & Traditiones gentium docent. Quamquã & alio fine translatos miraculosè mōtes ad preces Sanctorum & fidem populorum augendā, certius est quam ut dubitari queat, nec tamen in hoc euentu quemadmodum in primo, obrutas aut penitus subuersas cū habitatoribus Vrbes, cōstat.

*Quid habeatur ex Sanctis Patribus
de motu Terræ.*

CAPVT SECVNDVM.

NON inueni vllum Sanctorum Patrum, qui disertè, & quod dicitur positiuè afferuerit Terrā moueri. Ex quibusdam tamen indirectè nonnihil deduci potest, quod huc facere videatur. S. Ambr. verba illa *Psal. 118. Fundasti Terrā & permanet* (ex quibus alij immobilitatem colligunt) expendens, post nonnulla, subdit. *Hunc locum pulchrè nobis aperuit Ecclesiastes, spiritualem esse non materiale, dicens. Quæ abundantia homini in omni labore suo, quod laborat sub Sole, Generatio vadit, & Generatio venit, Terra autem stat in seculum.* Quare si sensus Verborum spiritualis potius est quàm literalis, non rectè inde inferitur Terram permanere, hoc est non moueri circulariter, sed ad summum non mutari localiter secundum totum, vel quod magis ad mentem S. Ambrosij facit, Terram permanere tanquam subiectum generationis & interitus sublunarium, ipsam verò nec generari nec interire in toto.

Huc referri possunt, *Theodoret. Haim. S. Brun.* qui hæc etiam alia loca, nimirum *Psal. 92. Etenim firmavit Orbem Terræ, qui non commouebitur: Et Eccles. 1. Terra in æternum stat;* ex quibus præcipuè videtur probari statio Terræ, in sensu morali accipiunt. Et *Dionys. Carthusian.* eadem verba *Psal. 92.* Congruentiùs intelligit de confirmatione Ecclesiæ, quàm de quiete Terræ.

Accedunt, qui negant Cælum esse sphericum; hinc enim continuò quis inferat, nec Terram stare immotam in medio Vniuersi tanquam Centrum, circa quod Cælum conuertatur, quomodò enim id fiat, si Cælum sphericam figuram repudiet?

In his videtur esse S. Iustinus Martyr *ad Orthodox. q. 59.* Quærebatur enim si Sol noctu occultatur, quomodò Cælum non probatur globus esse: Proinde cùm aliam eius occultationis causam afferat, quàm quòd Cælum sit globosum & rotundum, vt patet in responsione, ab hac sententia non putabitur alienus, præsertim qui plerunque Aristoteli est contrarius.

Lactantius *in lib. 3. de falsa sapient. cap. 24.* Disputans contrà assertores Antipodum, & qui id propter, Cælum rotundum & Terram

in medio sinu eius inclusam, globo etiam similem esse dixerunt: tandem subiungit. *Ego multis argumentis probare possem, nullo modo fieri posse, ut Cælum Terra sit inferius; facile etiam dicturus Terram non gerere Centri vicem, nec necessario expertem esse motus.*

S. Augustinus *lib. 2. de Gen. ad lit. cap. 9.* In eam sententiam inclinat, quæ Cælum sicut pellem extendit, iuxta *Psal. 105.* Et dubitat, certis rationibus probari posse Cælum sphaeræ figura vndiq; esse conuexum, *Quod (inquit) humanum est fortè figmentum.* Quare nec Terram asseret in medio Vniuersi constitutam, & instar Centri motu omni priuatam.

Denique ut plures mittam, Procopius *in cap. 1. Gen.* negat Cælum esse Sphaericum vel Hemisphericum, idq; probat ex *Gen. 19. Sol egressus est super Terram. Non (inquit) ascendit, quod meritò diceret, si cæli forma Sphaerica esset;* Plura alia colligit. Ex *Psal. 18. Matth. 24. Ad Hebræos 8.* Ex quibus manifestè confutari ait opinionem eorum, tanquam Scripturæ contrariam, qui Cælum Sphaericæ figuræ esse contendunt.

Iam si Cælum Sphaericum non sit, neque habebit pro Centro Terram motus expertem; nam si Centrum esse nequit, neque motu omni carente potest, quemadmodum deducit Card. Cusanus *lib. 2. de docta Ignorantia cap. 11.* Qui post multa, Terram moueri se demonstrasse, putat, nec pauca ponit quæ ceteris paradoxa videntur, cuiusmodi est inter alia, mundum nec habere centrum nec circumferentiam, in quo, ex parte conuenit cum Procopio. Et *cap. 12.* asserit Terram in veritate moueri, licet nobis hoc non appareat, cum non apprehendamus motum nisi per quandam comparationem ad fixum.

Sed dum hoc loco antiquorum duntaxat Patrum inuestigamus sententias, præterimus illos, qui secundum Philosophos Gentiles, quorum meminit Plutarchus *in lib. 3. de Placitis, cap. 13.* in Christianis seculis eandem de motu Terræ imaginationem reuocarunt; quos inter post Franciscum Ferrariensem, agmen ducit Nicolaus Copernicus, eumq; sequitur Cælius Calcagninus, Andreas Cisalpinus, Gilibertus Anglus, nec pauci alij recentiores & recentissimi, qui Terram moueri, planè ut rem demonstratam accipiunt.

Ex dictis porrò inferunt nonnulli, quòd sicut ex eo, quòd interdum Scriptura nominat Orbem vel Gyrum Terræ. *Isai. 40. Psal. 92. & 93. &c.* non licet deducere Cælum, & Terram esse corpora Sphaerica & rotunda: ita neque ex eo quòd interdum adstruere videatur Terræ Stationem, inferendam esse absolutam immobilitatem, quando præsertim eiusmodi locutiones commodè etiam alium sensum recipiunt.

Cete-

Ceterum, hæc in loco refellentur commodius. Interim aduerte, illa Patrum tempestate, non fuisse adhuc clarè demonstratum, Cælum esse figuræ sphericæ, quod tamen si factum fuisset, fatetur S. Augustinus suum de pelle dictum nō fore contrarium veris illis rationibus, alioqui pugnaturum etiam cum alibi à se dictis; dixerat enim Cælum esse velut Camera suspensum, & Camera figuram cum sphericæ figura stare posse, quatenus si Cælum sphaera est, vndiq; Camera est, pluraque disputat in hunc sensum, etiam ad figuratas locutiones à pellis & Camera significatione descendens. Hodie porrò cū demonstratum sit clarè videatur, Cælum esse rotundum instar globi, vè videre est apud omnes, qui de Sphæra tractant, consequens est aliter esse tam de Terræ situ alijsq; accidentibus, quàm de Cælorum motibus secundum veritatem sentiendum. Sumitur autem huius demon-

strationis argumentū, à necessitate potissimum quæ omnem aliam Cæli figuram excludit, deinde ex eadem semper inter se fixarum in motu distantia, eademque ad aspectum nostrum propinquitate, denique ex phænomenis & instrumentis Mathematicis, quæ nequaquam inuicem congruerent, si Cælum sphaericum non esset.

Quæ omnia supponenda à nobis sunt hoc loco, non examinanda.



Vnde ex S. Scriptura adstruatur Quies
& Statio Terræ.

C A P V T T E R T I V M.

HÆC in primis deduci potest ex ijs locis, quæ Terræ quietam quandam & immotam fixationem tribuunt. *Isai. 66. Hæc dicit Deus Cælum sedes mea, Terra autem scabellum pedum meorum.* Quæ verba repetuntur *Aët. 7.* Sicut autem per Cælum quod Sedes Dei dicitur, intelligitur maximè Empyreum, quod est immotum, ex *Clem. Alex. lib. 4. Stromat.* Alberto Magno, *de quatuor coelis, quest. 4. art. 15.* & quàm plurimis alijs; ita etiam Terra, quando scabellum vocatur, pro re quadam immota & consistente usurpatur, eòq; magis, quòd interdum & Sedes Dei appellatur. *Isai. 40. Qui sedet super gyrum Terræ.* Vt rectè nonnulli senserint, motum reliquorum Cælorum non solum exigere esse juxta Centrum immobile, sed etiam intra continens immobile, hoc est Cælum Empyreum. S. Bonavent. *in 1. dist. 2. art. 1. q. 1.* Quod ipsum videtur innuere Picus *in Heptaplo* ex sententia Hebræorum. Et antè istum. Dionys. Richel. *in Opusc. de rerum product. cap. 58.* Et *Opusc. de creat. rerum ad Deum consid. Theol. cap. 58.* Cælum Empyreum per Sanctos Patres assertum ostendit. Et *art. 6. in Genes.* non solum tribuit Bedæ, & Scraboni, (quod pleriq; faciunt), sed etiam S. Basilio, vt de hoc solo intelligatur, primum illud, *In principio Deus creauit Cælum & Terram:* quasi duas res, supremam & infimam in sua stabilitate permanentes, sedem videlicet Dei & scabellum pedum eius. Nec obstat quòd sedes interdum spiritualiter aut etiam literaliter in alio sensu accipiatur, quod inter alios aduertit *Galat. lib. 7. de Arcan. cap. ult.* Trita enim est doctrina apud Sanctos Patres & Scripturæ interpretes, Verba S. Scripturæ præter literalem & Historicum, alios plerunque sensus admittere. Immo verò, & literæ non vnâ interdum esse significationem, in loco ostendemus.

Alia sunt loca quæ hoc ipsum clarius videntur asserere. *Psal. 74. Ego confirmaui columnas eius. Psal. 92. Etenim firmavit Orbem Terræ qui non commouebitur. Psal. 95. Etenim correxit Orbem Terræ qui non commouebitur. Psal. 103. Qui fundasti Terram super stabilitatem suam, non inclinabitur in seculum seculi. Psal. 118.*

Fundasti Terram & permanet . 1. Paralip. 16. Ipse enim fundauit Orbem immobilem . Isai. 44. Ego sum Dominus faciens omnia, extendens calos, stabiliens Terram, & nullus mecum . Quæ loca etsi fortasse ita queant accipi, vt vel opponantur commotioni & quasi trepidationi totius Orbis Terreni, vel mutationi de loco in locum, non autem diurnæ, annuæque conuersioni in eodem loco circa proprium axem; Vel stabilem quandam durationem significant, generationi & corruptioni secundum rationem totius oppositam; Vel denique immensam Dei potentiam; absque fulcris & basibus ingentem hanc machinam sustentis, manifestent; iuxta illud *Iob 26. Appendit Terram super nihilum. Et cap. 38. Super quo bases eius solidate sunt, aut quis demisit lapidem angularem eius?* stupentibus interea mortalibus, nec penetrantibus rationem huiusmodi appensionis & fixationis: Etsi (inquam) ita queant explicari; si tamen princeps literæ sensus vndique attendatur, iunctis etiam alijs Scripturæ locis, quibus Cælum, sursum, Terra deorsum esse affirmatur, Sol oriri & occidere, gyrare per Meridiem, reuerti ad Aquilonem, & id genus alia; cùm interea nihil simile de Terra prædicetur, sed vbique potius eius immobilitas & stabilitas insinuetur; si etiam consideretur, eam in creatione datam esse Terræ primam qualitatem, vt ceteris elementis grauior esset, atque inde rationem Centri fortiretur; denique si ipsa significatio Stationis Terræ suo etiam sensu considerata, quatenus Scriptura vtrumque coniungit, animaduertatur; omnino concludendum est, omnem cuiusuis conuersionis rationem à Terra excludi; idque inter alia non obscure indicant illa apud Isaiam verba. *Cap. 44. Ego sum Dominus faciens omnia, extendens Calos stabiliens terram;* quasi extenso cælo instar campi ad motum syderum expediendum, Terram contraria quiete stabilivisset: Et adhuc clarius illa *Psal. 103. Qui fundasti Terram super stabilitatem suam, non inclinabitur in seculum seculi.* Sanè si Terra moueretur aliqua conuersione, non rectè diceretur, ita stabilita & fundata, idq; permanendo, vt nullo modo inclinaretur, quando eiusmodi qualiscunque conuersio absque inclinatione fieri non possit.

Et profectò mirum est, cùm in Scriptura toties dicantur moueri, vel Cælum vel luminaria, nullam vnquam de simili Terræ motu fieri mentionem, quod tamen necessarium erat ad cognoscendam magis Diuinam omnipotentiam, & ad rapiendos in admirationem Dei, mortalium animos, qui hoc insensibili motu circumuecti, nullum inde incommodum, sed omnia ad votum succedentia erant accepturi. Ceterum posito hoc rerum ordine, siue dicamus Terram aquis innatare, quod

quod aliqui ex Sanctis Patribus asseruerunt ex illo *Psal. 135. Qui firmavit Terram super aquas*: siue fundatam iuxta aquas, vt alij Sâcti quoque Patres senserunt; fieri nullo modo potest, quin ex tali conuerfione infinita mortalibus incommoda, nisi aquæ nouis miraculis coërceantur, consequantur.

Quibus positis & attentè consideratis, rectè Authores, si vnquam ex alijs S. Scripturæ locis, ex illo *Eccles. 1. Generatio præterit, Generatio aduenit, Terra autem in æternum stat*, non solum asseruerunt præfinitam eius durationem, verum etiam omnis generis motum ab ea excluderunt. Primum quidem colligitur ex Arabica lectione, *Terra in æternum durat, seu durabit*, ita vt originale verbum, opponatur verbo, quod inconstantiam, & velut ex infirmitate nutationem quandam indicat, significetq; firmitatem, & fixam constantiam, instar Columnæ immobiliter in vno loco stantis: quem sensum, verbum standi non semel in Scriptura exhibet, velut cùm dicitur *Iosue 10. Stetit Sol in medio Cali, & Ierem. 15. Si steterint Moyses, & Samuel coram me*, hoc est quasi fixi & immoti in oratione persequentes.

Alterum verò manifestè deducitur. Primò ex immediata oppositione motus Solis quam subdit Scriptura, *Oritur Sol, & occidit, & ad locum suum reuertitur ibiq; renascens gyrat per Meridiem, & fleuitur ad Aquilonem*. Quæ sanè verba, eodem modo de Terra dici poterant, si quæ diurna, vel annua conuersio illicompeteret, nec erat asserendum, *Terra in æternum stat*, vt huic Stationi velut continuo opponeretur motus ille Solis, quasi non alteri corpori conueniens, quem hætenus & sensus obseruauit, & ratio probauit. Vt ideo qui hoc dictum iuxta humanum quætaxat sensum, aut secundum apparentiam assertum putant, tanquam de cetero motus eiusmodi non Solis, sed Terræ esset, temerariè loquantur, & vim Scripturæ inferant, contra omnium Sanctorum Patrum sententias mox assignandas: Et alioqui si ita loqui liceat, vacillabit in plerisq; sensus literalis Scripturæ, tolleturq; fides rerum sperandarum, humanis euerfa imaginationibus.

Secundò deducitur ex ipso verbo Standi. Significat enim Terram initio creationis consecutam esse natura, vt grauitate sua & pondere ad imum Vniuersi inclinaret, motus omnis expers, & quietis tantum pro Centri munere appetens. Quid enim alioqui erat necesse tanto pondere eam onerare, si circumuolui oportebat, & non potius in medio consistere, vt circum eam Cælestis sphaera ambiens verteretur? Centrum natura sua stabilitatem significat, idq; vox originalis Centrum a radice Cun, quod est firmiter stabilire, clarè demonstrat, quia sci-

licet Centrum est basis, & quies fixa omnis motus, iecirco in Scriptura Iob 34. vocabulo *fundamenti* appellatum. Ita interpretatur S. Basilii *Incap. 13. Isaia*, vbi paulò ante explicans illa verba loco Iob citato, *Vbi eras quando ponebam fundamenta Terræ, Quin etiam* (inquit) *iuxta opinionem externæ disciplinæ professorum Dominus iecit fundamenta Terræ in Centro Sphæræ, operosam mundi molem complectentis, ut à Cælo æquali libramine nulla non in parte distans tutò descenderet, & neutrobi deuergens solidè, & stabiliter suffalciretur.*

Hac de causa Antiqui & inter alios Plato in Timæo, Terram velut proprio symbolo, Cubo repræsentarunt; Ea enim figura præditus est Cubus, ut quocunque vertatur, semper hæreat immotus, idq; ex ipsa vocis Hebrææ, *Erets*, quæ Terram significat, origine, tanquam aliquid mysticum elicuerunt, quod cum ex geminis punctorum Tereim ternarijs constet, Cubum ex triangularibus præferat, siue ijs collectim in se ductis primus exeat Cubus, siue seorsim putatis secundus, siue demum progressionè sexcupla tertius, quem etiam terna puncta singulatim in se ducta, & secundo Cubo superaddita conficiunt. Ut omnis huiusmodi figura geometricè spectata, motui corporis sit minimè apta, eumq; profus impediat.

Id. si habetur ex numeris, rectè etiam spectatur in figuris. Quippe Triangulis quatuor rectilineis in vnum compactis, corpus solidum, hoc est Cubus Triagonalis exurgit, qui & primam inter solida pyramidem exhibet, tribus præditam angulis, omnemq; ad motum habilitatem excludens (*Pierius, lib. 38.*) Atqui duo Tereim suis in Triangulum punctis figurata, velut elementa sunt huiusmodi Cubi, nec temerè Terræ vocabulo suffiguntur, ut ex Cubi Triagonalis constitutione, Terræ immobilitatem à naturâ inditam significant. Huc fortasse facit Hieroglyphicum illud, quo simplex Triangulum æqualiterum diuinitatis esse in Ægypte perhibebant. *Ægyptij*, quasi quod æqualis esset, & à deo creatus suis immobilis, hac figurâ essentiam, eius explicarent. Ex quo tamen præterea consequitur, cum Deus rerum omnium creaturarum inuariabile sit Centrum, à quo nimirum omnia eodem tenore fluunt, & rursum in eodem colligantur, quemadmodum videtur interpretari Dionys. *De diu. nom. cap. 5.* si etiam Terra instituto Creationis Centrum est Vniuersi Corporei, (quod in loco ostendemus) in hoc quoque velut architypo, similitudine, quadam Terræ immobilitatem rectè adumbrari. Sicut autem antiqui Terram Cubo repræsentarunt, ita contra Aquæ tribuerunt figuram, Icosæedron, quod propter nimiam, & quaquaversum fluxilem mobilitatem, velut è diametro, Terræ immobilitati opponitur.

Tertiò deduci potest ex eodem originali Terræ vocabulo, ab Hebræis derivatò: hoc enim in S. Scriptura sæpè materiam primam significat, imò verò hanc non alia appellatione Scriptura notat, vt non immeritò multi præstantes Theologi, & Sancti Patres, Terræ nomine non nisi materiam rudem & informem intellexerint; idq; elicitur etiam ex S. August. *lib. 12. Confess. cap. 70. & 21.* Porro cùm materia prima, rerum omnium generabilium mutationibus subiecta sit, ipsa tamen, nullam ne minimùm quidem motus cuiuscunque alterationem suscipiat, rectè per eam in hoc sensu Terra designatur, quòd velut

materia secunda omnium generabilium, multò magis sit
expers motus localis, quàm cuiusvis secundùm totum
alterationis; Ea etiam de causa, quòd cùm om-

nium rerum super ipsam existentium ponderibus prematur, ac vt vocis Hebrææ

alia quædam radix significat, terratur & trudatur, ipsa tamen

immobilis perseveret.

Ceterùm si in

Scriptura non alio

ferè quàm Terræ nomine

materia prima proferatur,

inde est quia in lingua Hebræa non

omnia suis proprijs appellationibus sunt

expressa, alioqui reprehenduntur

à S. Basil. *Hom. 2. in Hexam.*


qui *Gen. 1. & Eccles. 1.*

Terræ nomine ma-

teriam desi-

gnari vo-

lunt.



*Quid Sancti Patres senserint de Statione,
& immobilitate Terræ.*

C A P I T U L U M Q U A R T U M.

CIRCA Sanctos Patres aduertendum, eos supposuisse potius quàm asseruisse Terræ Stationem, iuxta communem Philosophorum sententiam, Vnde Basilus *In cap. 13. Isaia*, secundum opinionem externæ disciplinæ professorum accepit, Terram esse Centrum mundi. Quamquam etiam non multum illis curæ fuit, in ijs locis Scripturæ curiosius expendendis, quæ Mathematicas disputationes concernebant. Hinc idem Basilus *Hom. 1. Hexam.* peculiare Terræ affectiones nolens scrutari, inter alia, *Adde (inquit) etiam, neque ullum opera pretium ad adificationem Ecclesiæ, tale studium negotiumq; conferre.* Et paulò post. *Hæc eadem de Terra vobis ipsis consulimus, ut ne eius substantiam quæ illa sit curiosius perscrutemini, ne vobis ipsos rationationum argutiis deteratis, aut inaniter maceratis in ipso perquirendo subiecto.* Quod in re nostra de motu Terræ, peraptè detorqueri potest in quosdam recentiores, qui operosis, sed vanis imaginationibus, instaurare conantur explosam, ab antiquo Pythagoræorum opinionem, quasi noui aliquid, & inauditi adinuenissent. Similia habet S. Ambros. *In Enarrat. in Psal. 118.* super illa verba, *Fundasti Terram, & permanet.* S. August. *Lib. 2. de Gen. ad lit. cap. 9. & 10.* Isidorus Pelusiotes *in Epist. 273. ad Opheliū Grammaticum.* Et *epist. 100. ad Paulum.* Ex quorum fusè dictis colligitur Sanctos Patres Spiritualibus semper intentos, ut dicit Ambrosius, & vitæ æternæ profutura, vel cognoscere gestiētes vel docere, non magnoperè curasse subtilioris Mathematicæ instituta; quòd quemadmodum innuit Pelusiotes, ea omnia explorata habere, quid ad bene beateque viuendum vtilitatis afferat, haud viderent. Vnde S. August. *Cap. 9. citato.* Multi (inquit) multum disputant de ijs rebus, quas maiore prudentia nostri maiores omiserunt, ad beatam vitam non profuturas discētib; & occupantes quod peius est multum prolixa, & rebus salubribus impendenda temporum spatia. Quid enim ad me pertinet, utrum Cælum sicut sphaera undique concludat Terram, in media Mundi mole libratam, an eam ex vna parte desuper velut discus operiat? Et Pelusiotes. *Quid ad virtutem allaturum est,*

si quis Solis cursum, & Lunæ Orbem, & Stellarum, & Terræ figuram, ac spatium inquirendum suscipiat, aliaq; omnia quæ homines suo iudicio sapientes & eruditi, curiosè indagantes, à veritate quidem exciderunt, in nugis autem & sermonum ineptijs vitam consumpserunt.

Quamvis autem quiescere Terram supponant potius Patres, quàm præter institutum inquirent; nihilominus ubi res urgebat, officio non defuerunt. Itaque S. Basilii loco citato *Homil. 1. Hexam.* non solum supponit Terram stare immotam, sed etiam ex aliorum, & præcipuè Aristotelis sententia, cuius etiam rationes adfert, multis ostendit Terram esse Centrum Vniuersi, ac tandem subdit. *At vniuersi medium, inferum esse locum, nostra iam oratio demonstrauit.* Et paulò post. *Si quid eorum, quæ dicta sunt, probabile tibi videatur, ad Dei sapientiam, quæ res omnes ita instituit atque disposuit, admirationem transferto: non enim admiratio quæ maximas ob res oritur, cum modus, cuius gratia fit aliquid admirabile, fuerit inuentus, imminui solet. Sin hoc: at certè simplicitas fidei rationalibus demonstrationibus plus apud te obtineat.* Hæc eadem de Cæli quoque natura dixerimus. Ita Magnus Basilius longè modestiùs de doctrina Aristotelis hac in parte sentiens, quàm quidam recentiores. Eandem doctrinam *In Cap. 13. Isaie*, paucis coarctat, ne alibi obiter, & non de industria sensibile videatur.

S. Ambrosius, etsi loco citato dicat, non esse curæ Sanctis axem, Cæli & elementorum spatia, philosophico more numerosq; describere; quod tamen huc spectat, non negat, immò asserit, Terram, in medio esse, Centri immobilis vicem obtinere: hoc duntaxat addit, *Stabilitatem non ex eo habere, quòd in medio quasi aqua lance suspendatur, & suis libramētis stabilis perseveret, sed quia Maiestas Dei, voluntate sua, ea lege eam constringit, ut supra instabile & inane, stabilis perseveret, non fundamentis suis & fuleris nixa, sed quia Dominus statuit, & firmamento voluntatis sue continet, quia in manu eius sunt omnes fines Terræ.* In quo sensu non semel loquitur *Lib. 1. Hexam. cap. 6.* Eademq; est sententia Basilij *Hom. 1. in Hexam.* Gregor. Nazianz. *Orat. 34.* Chrysost. super illud *Psal. 102. Fundasti Terram super stabilitatem suam.* Hilarij super *Psal. 135. Fundasti Terram super aquas.* Damasceni *lib. 2. cap. 10.* Qui tamen non excludunt causas naturales, sed duntaxat admirabilem hanc stabilitatis rationem, in primam rerum causam, quæ est voluntas & potentia Creatoris refundunt. Vnde Ambrosius prædicto loco, *Laudent (inquit) alij quòd ideo nusquam decedat Terra, quòd secundum*

naturam in medio regionem possideat suam eoque; necesse sit manere in regione sua, nec in partem alteram inclinari, quando contra naturam non mouetur, sed secundum naturam, &c. Ego tamen qui profundum maiestatis eius; & artis excellentiam non queo comprehendere, non disputationis meae libramentis committo atque mensuris, sed omnia reposita in eius existimo potestate, quod voluntas eius fundamentum sit vniuersorum, & propter eum adhuc mandus hic maneat. Hæc Ambrosius: qui nihilominus ibidem disputat de motibus elementorum secundum naturam, & rectè asserit vnum omnibus motum non esse aptum. Denique quod huc facit, In Enarrat in Psal. 118. antequàm dixisset non esse curam Sanctis axem Cæli, & elementorum spatia philosophicè describere, iam constituerat Terram in medio instar Centri esse. Terra autem (inquit) fundamentum est in quo consistimus licet ipsam in meditullio Cæli esse, & is qui foris est sermo (Peripateticorum) concelebre, & Scriptura significare videatur dicente Iob (Cap. 26.) Suspendens Terram in nihilo. Includitur ergo Orbe Cælesti, & ideo Sol noctibus non videtur, quia gyrando in inferiore inuenitur Orbis parte Cælestis. Quæ Ambrosij verba diligenter hoc loco sunt notanda, quod sententiam Philosophorum Terram in medio constituentium, S. Scripturæ conformem videri, attestentur.

S. Augustinus Lib. 2. de Gen. ad lit. cap. 9. Et si dicat non ad se pertinere de figura Cæli, &c. Addit tamen. Sed quia de Fide agitur Scripturarum, propter illam causam, quam non semel commemoravi, ne quisquam eloquia diuina non intelligens, cum de his rebus tale aliquid vel inuenerit in libris nostris, vel ex illis audierit, quod perceptis assertionibus aduersari videatur, nullo modo eis cetera utilia monentibus credat; breuiter dicendum est de figura Cæli hoc scisse authores nostros, quod veritas habet, sed Spiritum Dei qui per ipsos loquebatur, noluisse ista docere homines, nulli salutis profutura. Hæc Augustinus, multis deinde explicans, quæ in subiecta materia aduersari videbantur. Cuius verba, si ad rem nostram accommodentur, dicere possumus. De Statione Terræ hoc scisse authores nostros, (Apostolos nimirum, & antiquos Patres, Scripturarum interpretes,) quod Veritas habet, sed Spiritum Dei, qui per ipsos loquebatur, noluisse ista docere homines, nulli salutis profutura. Quia tamen exorturi erant aliquando, hodièq; exoriuntur non pauci, instabiles, deprauantes Scripturas, non acquiescentes sermonibus, & quæ secundum pietatem est, doctrinæ, sed sanam doctrinam non sustinentes, ad sua desideria coaceruantes sibi magistros prurientes auribus, & à veritate quidem auditum auertentes, ad fabulas autem conuer-

rentes, & noua Cælorum systemata falso comminiscetes: his quia de fide agitur Scripturarum, ne si inutilia ista non reuincantur, ab utilibus etiam excidant, & paulatim à Fide cum Pythagoræis aberrent, ostendendum est, hanc etiam veritatem ipsis aduersam, haberi in Scripturis, & scisse maiores nostros: Idem porrò Augustinus ad alteram quæstionem de Cæli motu, ita tandem respondet, eludendo rationes opponentium, vt veritatem pro re sua, admissis etiam varijs hypothesibus, semper seruare conetur indemnem.

Nec aliter de Isidoro Pelusiote sentiendum, & si qui sunt alij, qui huiusmodi argumenta non ad se pertinere arbitrati, maluerunt præterire Stationem Terræ, quam inanibus inquisitionibus, quod cerum accipiebant, in dubium reuocare. Id præstitisse videtur ipse Pelusiotus, qui cum aliquot Terræ affectiones enumerasset, de quiete reticuit, tanquam certò eam supponens. Iam verò si ceteros accensere velimus, qui hoc ipsum aut expressè asserunt, aut implicite significant, aut certè eiusmodi doctrinam tradunt, ex qua necesse est id consequi, vereor ne modum huius tractationis excedamus: paucos duntaxat præter istos afferemus.

Clemens Alexand. in *Orat. adhortat. ad Gentes*. Hoc tibi (inquit) & Vniuersum numerosè concinneq; exornauit, & elementorum dissensionem in ordinem redegit consonantiæ, vt ei totus mundus fieret Harmonia. Et Mare quidem dimisit solutum, ei autem vt Terram intraderet prohibuit, Terram autem rursus stabilem, & solidam effesit, qua ferebatur, & ei Mare terminum præfixit. Hæc Clemens. Ex quibus notandum, haud rectè dici Deum elementorum dissensionem in ordinem consonantiæ redegit, si Terra grauissimum, & opacissimum corpus, vel inter Planetas referatur, vel non infimum inter elementa, adeòq; in medio Vniuersi locum sortita sit. Ea quippe Harmonia, qua dissensionem elementorum in ordinem redegit, si in vlla re, maxime in situ spectari debet, qui iuxta qualitates primas & secundas, symbolas & dissymbolas, talis necessariò euasit, qualem Peripatetici posuerunt, idque luculenter intendit Clemens cum subiicit. Iam verò ignis quoque vehementiam aëre emollit, velut Doricam Harmoniam Lydia, hoc est vehementem, & acrem sonum cum mitiori, & molliori attemperans. Quod ipsum de Terra, & aqua inter sese, & singulis denique elementis inuicem temperatis, dici debet, vt extremos velut vniuersorum sonos, ita in se Conditor temperaret, quemadmodum Netæ, hoc est extremæ in Musicis instrumentis chordæ, quæ & grauitate, & acumine reliquas superant, numerosè & concinnè contemperantur. Hinc & Mare solutum dimisit

misit Terram verò stabilitatis, & quieris legi astrinxit, Vnde & hoc alterum venit aduertendum. Stabilitatem Terræ, opponi motui, & liberæ Maris agitationi per varios æstus reciprocanti, vt proinde omnis motus naturalis, circulariter, siue perfectus siue imperfectus, Terræ negandus sit ex sententia Clementis. Quòd autem addit Terram solidam effectam quæ ferebatur, vel loquitur ex ea opinione, quæ Terram aquis sustineri docuit, vel melius ex ea, quæ super aquas firmatam existimauit.

S. Iustinus Martyr *In respon. Quest. 59. Stare* (inquit) *Cælum, & Terram, quia in diuersa nitantur, in primo Cælo, & Terra licet hæc conijcere, quia simul facta sunt, sed in Firmamento, & Terra non iam potest id cogitari. Stabat enim Terra ante Firmamentum, portans vniuersam humidam substantiam, sine retractione Firmamenti, nam post Terram factum est Firmamentum.* Loquitur autem Iustinus de primo Cælo, hoc est Empyreo, cui tanquam immobili, opponit Terram similiter immobilem, ac in diuersa nitentem, hoc est extremè distantem, atque adeò in infimo loco stabilis Centri rationem obtinentem. Quòd verò ad eam *Questionem* de qua supra Capite Primo egimus, si nimirum Sol noctu occultatur, quomodo Cælum non probatur globus esse, aliam responsionem videatur afferre; probabiliter tantum, neque admodum congruè soluit. Denique non negat omnem circumlationem, vnde globositas Cæli deduci queat, vt patet consideranti exempla ab eodem allata, & responsionem cum interrogatione conferenti, quæ hic breuitatis causa omittimus. Ceterum quòd eo situ vellet esse Terram in diuersa nitentem, vt Vniuersam portet humidam substantiam, satis innuit infimo loco esse constitutam, nec villo modo moueri; idem enim est Iustino portare, hoc loco, atque sustinere, alioqui motum de loco ad locum, non enitaret.

Arnobius Afer *Lib. 3. aduers. Gentes.* Affert quorundam antiquorum opinionem, qui diuersis de causis Terram magnam Matrem, Cererem item, denique Vestam eò dixerunt, quòd in Mundo sola staret, ceteris eius partibus mobilitate in perpetua constitutis. Quæ etsi fabulosa sint ea ex parte, qua Terram vt Deam colentes, eo vocabulo appellarint, quia tamen antiquæ, & receptæ veritati de Terræ Statione innituntur, authoritatem habent hoc loco eò maiorem, quòd cum fabulas repudiet Arnobius, stare tamen Terram loco fixam ceteris partibus perpetuò motis non improbet.

S. Athanasius *In orat. cont. Idola.* Videtur quidem sentire Terram ab Aqua portari, expresse tamen nec mel asserit, natura omnium
gta.

grauissimam non subsidere, sed stabiliri, & immobilem consistere: in eoq; inter cetera opponit Aquæ, quòd licet hæc quoque per se, grauis sit, deorsum tamen defluit, cùm interea Terra immobilis consistat, & in medio velut vndeque colligata contineatur. Quæ profectò non rectè dicerentur, si Terra in gyrum verteretur, quomodò enim non deflueret secundum partes circumferentiæ à summo ad imum? aut quomodò in medio quasi colligata contineretur? Addit demum Athanasius *Terram immobilem permanentem fructificare, hominem fingi, & rursus viuere, & mori.*

S Hieronymus in *Psal. 12.* Terram dicit infimam elementorum, quia finis creaturarum Terra est. quòd si infima, ergo non supra Solem. Et in *cap. 13. Ierem.* super illa verba. *Hæc dicit Dominus, si mensurari potuerint Cæli sursum, & inuestigari fundamenta Terræ deorsum, & ego abijciam vniuersum semen Israel, &c.* Quomodò (inquit) Cælum non potest eo quod est, esse sublimius, nec Terra humilior esse eo quod est, sic & genus Israel nequaquã poterit reprobari. Quæ si vera sunt, quomodò Terra ponitur extra Centrum, & supra Solem in Centro quiescentem inter Planetas sydereos? Vbi notanda lectio Septuaginta. *Si eleuatum fuerit Cælum sublimius, & si humiliatum pavementum Terræ deorsum, & ego non reprobabo, genus Israel:* Comparatur enim sublimitas Cæli cum humilitate Terræ, tanquam tectum cum pavimento; quæ sine dubio extremè distant in ædificio Vniuersi, proinde Terra non potest esse nisi in medio, immota quæque versum instar pavimenti, & fundamenti; ita vt quemadmodum deducit Hieronym. sicut impossibile est Cælum sublimius (intellige naturæ viribus) attolli, ita & Terram magis deorsum ferri, & consequenter impossibile moueri; qui sensus facilius elicitur ex lectione Septuaginta, ex qua etiam suum Syllogismum elicit Hieronymus, vt quemadmodum impossibile est mensurari, & cognosci altitudinẽ Cæli; & inuestigari fundamenta Terræ, & extrema eorum ratione comprehendere, sic & vniuersum semen Israel reprobari. At si Terra non esset in medio Vniuersi, in nihilo suspensa, & immota, profectò non esset difficile eius rationem cognoscere, sicut nec Planetarum in liquido errantium cursus deprehendere, difficile verò imò impossibile esset, Solis quiescentis rationem inuestigare, de quo tamen quatenus mouetur plurima scimus.

S. Chrysostomus in *Cap. 1. Genes. Hom. 2.* In illud. *In principio creauit Deus Cælum & Terram.* Attende, ait, nunc, quomodò ex ipso opificij modo, diuinæ naturæ dignitas entescat. Nam Deus præter humanum morem, suum perficiens ædificium, prius Cælum extendit,
D postea

postea & Terram subternit, prius culmen, & postea fundamentum. quis tale quid vidit, quis audiuit? Sanè si Cælum culmen, & Terra fundamentum est, sicut illud in summo, ita hoc in imo est, & sicut fundamentum ædificij non mouetur, ita nec Terra. Idem Homil. 2. in Festo Inuent. S. Crucis, expressè asserit, Terram esse inanimatam, & immobilem, proinde excludit ab ea omnem motum circularem, qui non potest prouenire nisi à forma vel informante, vel assistente, Quippè si anima prædita non est, nulla erit maior ratio, cur in vnam potius quam in alteram partem inclinetur, quod determinare est animæ vel informantis, vel assistentis. Denique Homilia 12. ad Popul. Terra (inquit) fixa est, aquæ verò semper mouentur, neque aqua tantum, sed & nubes, & imbres continui, & successiui, tempore proprio redditi.

S. Isidorus Hispal. Lib. De nat. rerum, cap. 44. Postquam dixisset Terræ positionem sufficienter haberi secundum illud Iob 26. Suspendit Terram in nihilo, citat sententiam Philosophorum, qui aëre denso Terram sultineri opinantur, & supponit ex ea, Terram tanquam spongiam esse immobilem, ex omni parte libratam, nec in alteram partem posse inclinari. Quærit præterea an super Aquam pendeat, ob illud Psal. 135. Firmauit Terrā super aquas, & quomodo æquitatis libram teneat, ne in alteram partem propensa incumbat. Supponit itaque, Isidorus nullo modo moueri Terram circulari conuersione, sicut nec mouetur ea ratione Spongia in aëre, nec corpus vllum in aquis, quod æquitatis libram tenet, ne in alteram partem propendeat. Laudat pro eadem sententia Ambrosium. Quomodo autem id fiat, nulli (inquit) mortalium scire fas est, nec nobis discutere, aut perscrutari licere cuiquam, tanquam diuinæ artis excellentiam, dum constet eam lege Maiestatis Dei, aut super aquas, aut super nubes stabilem permanere.

S. Ioannes Damascen. Lib. 2. de Fide, cap. 10. Terra (inquit) vnum est ex quatuor elementis, siccitate, frigiditate, & grauitate præditum, motusq; expers primo die in ortum productum. Cuiam autem rei insideat, quoue fundamento nitatur, à nemine mortalium dici potuit. Demum vbi varias variorum sententias recenset, in potentiam Dei omnia refert, quemadmodum Ambrosius, & Isidorus, & alij. Quod si Terra moueretur circa Solem, inter cælestes constituta Planetas, vix rectè diceretur, à nemine mortalium dici potuisse, quo fundamento imitatur in suo motu.

Procopius In illud Gen. 1. In principio Deus creauit Cælū, & Terrā. Eadem planè habet, quæ paulò ante ex Chrysostomo retulimus. Et in cap. 13.

cap. 13. *Isaia*, in ea verba, *Super hoc Cælum turbabo, & Terra mouebitur de loco suo*: Vel vt ipse legit, *Cælum inascetur, & Terra mouebitur à fundamentis suis*: Ipsam (inquit) externa disciplina sectatores in ambientis vndique Cæli puncto non dubitāt asserere, aquo enim suspensam libramine, cū pari vndique distet interuallo, immotam esse necesse est. Item In illud cap. 42. *Qui fecit Cælum, & fixit eum, qui firmavit Terram, & quæ in ipsa, &c. Dixit (inquit) Cælum fixum, vt aqua constare secundum Mose sententiam, non igne sicut profana sapientiæ Magistris placet, indicaret: Dixit firmari Terram. Ideo putant nonnulli, quòd in ipso Mundi medio librata permaneat immobilis. Quam sententiam cū non impugnet Procopius, vt alioqui consuevit, supponit tanquam veram, & præterea non obscure insinuat, Philosophos antiquos ex S. Scriptura hausisse suam, de situ & immobilitate Terræ opinionem.*

Theodoretus In Psal. 103. *Qui fundasti Terram super stabilitatem suam, (vt Aquila, & Symmachus legunt, super sedem eius) non inclinabitur in seculum seculi. Cū (inquit) ipsam super seipsam fabricasset, dedit ipsi vt nunquam moueatur, & hoc modo permaneat quatenus ipse voluerit: Sic & alibi (inquit) Suspendens Terram super nihilum. Iob 26. Sentit igitur Theodoretus Terram ex instituto creationis accepisse, vt immota iuxta Creatoris voluntatem permaneat. Rectè verò hinc inferunt aliqui, Terram super seipsam fabricatam, & firmatam esse, hoc est in loco suo naturali constitutam, in quo nata est conseruari, & quiescere, nimirum in Centro mundi, infimo totius Vniuersi loco, proinde non indigere externo fundamento sustentante, cū à sua grauitate tanquam intrinseca virtute conseruante solidetur, & figuretur, perinde atque extremum Cælum, extrinseco termino non clauditur, sed proprio conuexo. Comment. in Damasc. lib. 2. de Fide, cap. 10.*

S. Bernardus In Psal. *Qui habitat, serm. 11. Angelos dicit esse in summo, & in tuto; homines nec in summo, nec in tuto, sed in cauto, denique in solido. id est in Terra habentes locum inum, sed non infernum. Quod si Terra in imò est respectu Cæli, consequens est, vt sit in medio, & ceteris consideratis, Centri immobilis vicem gerat. Cū verò dicit Bernardus. Habentes locum inum, sed non infernum, loquitur ex vulgata sententia, quæ locum damnatorum in Centro Terræ constituit.*

Denique ne in infinitum abeamus, Philo Iudæus, his omnibus antiquior. *Lib. de Confus. Ling. Etiam si, ait, vniuersa Terra partes superstruerentur fundamento modico, aut in vnius columna formam*

attollerentur, tamen longissimo interuallo abessent à Sphæra ætheræa; præsertim iuxta opinionem Philosophorum, qui scrutantur talia, Terram Centrum esse mundi asseuerantium. Hæc Philo. Ex quibus satis liquet, quàm antiquam, & ratam Patres habuerint Philosophorum, opinionem de loco, & immobilitate Terræ: quando id tanquam certum, & probatum prore sua assumpserunt, nihil simile opinantes, nedum sibi persuadentes de Solè in medio constituto.

Huc reuocari possunt omnes illi Sancti Patres, qui Terram in aquis fundatam senserunt, neque enim aut Terram in ijs circumuolui, aut cum Terra aquas rotari vnquam dixerunt. Vide Clem. Rom. *Lib. 8. Recognit.* Athanasium *Oratione contra Idola.* Hilarium *super Psal. 135.* Eusebium *super Psal. 23.* Chrylostomum, Procopium *locis citatis.* Quos tamen verè locutos constat, quatenus vel Terra superior est aquis, vel iuxta aquas. Vide Basilium *Hom. 1. in Hexam.* Augustinum *in Psal. 135.* Rufinum, Euthimium, Cassiodorum, Haymonem, Brunonem *In eundem Psalmum.*

Iam quod ad Patres Scholasticos spectat. Inter alios *S. Thom. Lib. 2. de Calo. Lect. 2.* Terram expressè asserit immobilem, rotundam, & Sphæricam. Et *In op. 10. art. 16.* Docet Angelum *naturali virtute non posse mouere totam Terræ molem, vsque ad globum Lunæ, quia nulla virtus Creatura potest immutare ordinem principalem partium Vniuersi, ad quem pertinet, quòd Terra sit in medio collocata. Videtur tamen mihi contrarium posse tolerari absque Fidei periculo, si tamen referat intentionem suam ad ponderis quantitatem, non ad prædictum Ordinem Vniuersi.* Quæ verba notanda sunt. Sentit enim *S. Thomas* implicite, attento Ordine Vniuersi, quo Terra necessariò sistitur in medio, absque periculo Fidei dici non posse, ipsam esse loco mobilem, proinde nec poni posse in magno Orbe supra Solem. Pergit. *Si autem queratur de motu circulari, per quem dictus ordo non variatur, videtur (inquit) quòd naturaliter Terra quiescat; quasi & hoc negandum sit Angelo, nisi virtutè supra naturam, vel certè violento motu contra Terræ naturam.*

S. Bonauent. In cap. 1. Ecclesiast. Terram similiter stare disertè asserit. Et quamuis loquatur etiam de duratione quoad substantiam, cum tamen dicat Solem peculiari motu moueri, sentit de Statione Terræ quatenus opponitur huic peculiari motui Solis, qui est in Circulum, & per varios flexus, vt ibidem fusè explicat.

Dionysius Carthusian. *In Eccles. cap. 1. Et Iob cap. 9. Et In Psal. 92.* asserit Terram perpetuò permanere fixam in medio, immobilem, tanquam Centrum. Etsi verò videatur loqui de duratione, idem tamen

dicturus fuisset de motu circulari, siue in proprio loco, siue extra, sicut & ceteri, si vnquam talis motus tanquam rationabilis, in mentem illis venisset, exclusis præsertim opinionibus eorum, qui talem motum somniauerant.

Denique huius sententiæ sunt omnes illi Patres, & antiqui Authores, qui Scripturam de Terræ Stabilitate loquentem, in sensu morali accipiunt. *Theodorus, Cassiodorus, Bruno, Remigius, Haymo, Dionysius Carthusianus, & alij in Psal. 92.* Quibus addi potest *Richardus de S. Viêt. part. 1. lib. 1. de Erudit. hominis, cap. 1.* Omnes enim isti supponunt sensum literalem, in quo sensus spiritalis, cuius modi est moralis, fundatur, vt rectè notat. *S. Thom. 1. par. quæst. 1. art. 10. in corp.*

Theodorus



*Ostenditur, eiusdem loci S. Scripturæ plures
esse sensus literales.*

CAPVT QVINTVM.

ID etsi aliqui negent, omnino tamen affirmatiuam veriore[m] esse plures alij sine exceptione, sentiunt cum S. Thoma 1. par. quest. 1. art. 10. hac efficacissima ratione. *Quia cum sensus literalis sit quem Author intendit, Author autem S. Scripturæ Deus est, qui omnia simul intellectu suo comprehendit, non est inconueniens si etiam secundum sensum literalem, in una litera Scripturæ, plures sint sensus.* Quæ ratio elicitur ex S. Augustino Lib. 12. Confess. cap. 18. 19. 20. 24. & 31. Cui etiam occasio fuit, tam fusè disputandi de vero sensu literæ, in eo loco Gen. 1. *In principio creauit Deus Calum, & Terram.* Nam cum multæ à diuersis afferrentur eius dicti interpretationes, nec possent ita distingui, vt altera sensum literalem redderet, altera mysticum; vel omnes mystici sensus dicendi erant, & ita nec falsum, nec verum inferebant, neque enim sensus mystici aliquando adimplentur, cum non eliciantur ex litera, sed potius applicentur à libera voluntate: vel omnes dicendi erant sensus literales, & consequenter à Spiritu sancto intenti; cuiusmodi cum plures afferat S. Augustinus Lib. 12. Confess. si omnes in eum locum quadrant, quia mystici esse nequeunt, nec ullus alterius figuram continet, omnes literales sint necesse est. Atque hæc sententia, cuius oppositam non, nemo temerariam dixit, tanquam vera censenda est.

Quæ vterius ex S. Scripturâ probari potest. Nam illud Exodi 12. *Et Num. 9. Nec os illius confringetis.* Vel: *Et os eius non confringent:* de agno Paschali dicitur ad literam; & nihilominus ad literam intelligitur etiam de Christo. Ioan. 19. quia vtrunque intendit per ipsam literam significare Author eius, & vtrunque est adimpletum, illud quidem singulis annis, hoc autem in Passione Christi, quod expressè fatetur Ioannes. *Facta sunt enim hæc, vt Scriptura impleretur. Os non comminuetis ex eo.* non potest autem adimpleri nisi sensus literalis.

Item 1. Paralip. cap. 22. *Ipse erit mihi in filium, & ego ero ei in Patrem,* ad literam intelligitur de Salomone: Et tamen de Christo allegat Paulus Ad Hebr. 1. in sensu nimirum literali, & non allegorico,

ifico, quia alioqui non posset induci ad probationem, cum sensus mystici nihil probent, nisi quando sensus mysticus efficitur literalis, velut *Ad Galat. 4.* per duas Vxores Abraham, intelliguntur duo Testamenta; & per Ierusalem Ciuitatem, Ierusalem quæ sursum est libera, id est Patria beatæ vitæ æternæ. Rarius tamen accidit, vt vnus sensus transeat in alium.

Rursum, illud *Psal. 2. Dominus dixit ad me filius meus es tu, ego hodie genui te*: exponitur de æterna generatione ex Patris substantia, *Ad Hebr. 1.* quod notat S. Augustinus in eundem *Psal.* Et tamen de gloriosa Christi Resurrectione accipitur *Actor. 13.* De Christo ad Sacerdotium promotum *Ad Hebr. 5.* Vt iam non duplicem solum, sed triplicem ferat literæ sensum.

Sic, *Illud Ioan. 11. Expedit vt vnus homo moriatur pro populo*: In vno sensu proutit Caiphas, in alio accepit Ioannes à Spiritu sancto edoctus, vt legenti pateret. Quod item dicitur *Danielis 9. Et erit in Tēplo desolatio abominations*, Christus euēturum prædixit *Matth. 24.* & tamē impletū esse in Antiocho Epiphane colligitur ex *1. Machab. 1.* Præterea illud *Isaie 53. Verè lāguores nostros ipse portauit, Matth. 8.* allegatur pro morbis corporalibus: At S. Petrus *Epist. 1. cap. 2.* refert ad peccata, quem sensum habent etiam Septuaginta.

Denique *Habacuc 2.* de primo Christi aduentu dicitur. *Quia adhuc visus procul, & apparebit in finem, & non mentietur*: Et tamen Paulus *Ad Hebr. 10.* interpretatur de secundo aduentu. Sic de pluribus alijs S. Scripturæ locis est intelligendum, vt verum sit quod dicit S. Augustinus *Lib. 3 de Doct. Christ. cap. 27. Quid in diuinis eloquijs largius, & vberius potuit diuinitus provideri, quàm vt eadem verba pluribus intelligantur modis, quos alia non minus diuina contestantia faciunt approbatum.*

Toties porro intelligitur multiplex sensus literalis, quoties accidit multiplicitas aliqua æquiocationis, amphiboliæ, compositionis, diuisionis; vt occurrit in nostro proposito, vbi Terram in æternum, stare, intelligi potest de Statione opposita motui locali & circulari, & de stabilitate secundum durationem. Licet autem sensus literalis semper sit determinatus, & sicut litera vnica est, ita non possit, ex ea elici nisi vnicus sensus; si tamen non attendatur conditio literæ, sed mens Authoris, qui plura per eandem literam voluit significare, ab Authore prouenit plures esse sensus literales, qui tamen constare debent ex alio loco Scripturæ, & præterea debent esse determinati, non confusi, velut ex supra positis exemplis liquet: alioquin non poterunt intelligi per eandem literam plures sensus: proinde siue vnicus

fit sensus literalis, siue plures, semper est sensus determinatus, quatenus ex litera potest haberi, & non alio modo. Et quia si plures sunt sensus literales, vna etiam sunt determinati, ideò sciri potest quando Scriptura vel nullo modo est impleta, vel impleta in vno tantum, & non in alio, vel demum quando in omnibus; ita tamen vt si plures sint sensus qui videantur æquè principales, tum dicantur verificari sensus literales, quando omnes verificantur: Vel si non possunt esse plures æquè principales, vt quidam putant, tunc litera dicatur impleri quando præcipuus eorum verificatur. Itaque in exemplo supra posito, *Os non comminuetis ex eo*, singulis annis in Paschate verificabatur, & nihilominus expectabatur complenda; vel si principalior sensus est, qui de Christo loquitur, tum præcipuè litera est verificata, quando in morte Christi euentus præstitus est: Idem dico de dictis *Daniel. 9.* Et *Abacuc. 2.*

Vnum hic aduerte. Quod diximus superiùs, ratione æquiocationis oriri multiplicitatem sensus literalis, non esse accipiendum de propria æquiocatione, quæ ad Sophisticam pertinet, & propriè fallacia dictionis dicitur, soletq; tum propriè euenire, cum enunciatio in vno sensu est vera, in altero falsa, ex quo præbetur occasio errandi:

sed loquimur de æquiocatione, in qua cum plures sensus

veri, ac determinati sunt, intellectus tamen aut

ignorat omnes esse veros, aut si nouit,

dubius tamen est, quis sit

magis ad mentem

dicentis.



*Sensus literalis huius propositionis
Terra in æternum stat.*

C A P V T S E X T V M .

HIVUS propositionis sensus integer, continet plures partiales Veritates. Ex quibus una est *Terram stare*. Hoc est nullo modo moveri secundum totum, vel quod idem est non moveri de loco ad locum, mutando situm & ordinem, siue secundum se, siue per aliud, & quocunque tandem motu imaginabili. Patet. Quia verba quibus S. Scriptura vtitur, *Esse fundatam, firmatam, confirmatam, consistentem, non commouendam, firmatam super stabilitatem seu sedem suam, denique stantem & fixam, non mouendam à fundamento seu loco suo; id verè significant, quod est esse omnino immobilem secundum totum.* Adde quod hæc propositio *Terra in æternum stat*, in Hebræo hunc sensum facit *Terra in æternum fixa, & consistens est*, proinde significat statum motui locali oppositum, Et verbum primitivum quo effertur, verè firmitatem & permanentiam quandam dicit, qualis solet esse columnæ erectæ & fixæ, ædificium immobiliter sustentantis.

Atque hic sensus est simplex sensus, secundum proprietatem vocum acceptus sine vilo inconuenienti, vt non sit necessarium ad vllum sensum Metaphoricum recurrere; immò verò ita congruens diuersis locis Scripturæ, vt non repugnent inuicem, sed potiùs mutuò sese explicent, quod signum est, esse sensum intentum à Spiritu sancto, sicut contra, non posset dici intentus, si repugnaret alteri loco Scripturæ. Verum enim Vero non repugnat. Vide S. Thom. *Quæst. 4. de Potentia, art. 1.* Quam causam puto esse cur huiusmodi motus localis, vix aliquis Patrum disertè meminerit, tanquam si nihil dubij præ se ferret. Omnia porro dicta Scripturæ, quæ motum Terræ videntur affirmare, commodè, nec alia ratione debent explicari, quàm de motu prodigioso ac præter naturam: nec enim vnquam huiusmodi commotionem Scriptura producit, nisi in signum diuinæ omnipotentia, aut indignationis, & interdum comminando. Vide 2. *Reg. 22.* Et *Psal. 17.* Idem colligitur ex proprietate verbi Hebræi, quo in id genus commotionibus exprimendis, sacer textus ferè vti consuevit, quemadmodum videri potest *Deuteron. 28. Prou. 30. Iob 26. Ioan. 14.*

Ierem. 51. Joel 2. Licet interdum & reuerentiam creaturarum denotet respectu Creatoris *Psal. 103. Ecclesiast. 16. Isaia 41.* Hinc Philastrius *Lib. de Hæresib.* appellat Hæreticos & vanos Philosophos illos, qui Terræ motum, rerum & elementorum naturam adscribunt, non Dei peculiari iussioni & indignationi. Sed quod huc spectat, ponderandum est quod elicitur ex doctrina S. Thomæ *Opus. 10. art. 16.* absque periculo fidei non posse tolerari, Terram loco suo esse mobilem, si attendatur ordo Vniuersi, qui Terram requirit esse in medio collocatam.

Ex hoc porro sensu immediatè colligitur, Terram neque posse moveri ad motum Orbis magni circa Solem, neque motu conuersionis in seipsam, versus eandem partem cum Orbe magno, nec denique alia vertigine in contrarium circa proprium Centrum, & axem quacunq; & quomodocunq; inclinatum, Omnes enim isti motus constituunt Terram secundum totum, extra locum suum naturalem, modò in vno, & modò in alio Cardine Vniuersi; denique eueniret si moueretur infixâ dicto Orbi, & per accidens abique proprio motu; proinde omnes sunt apertè contra hunc sensum literalem, & contra manifesta loca S. Scripturæ ex quibus is sensus elicitur.

Alius sensus seu partialis veritas est, *Terram stare*, hoc est non moueri motu circulari in loco suo circa proprium centrum & axem, qualiscunq; tandem sit huiusmodi motus, etsi situm & ordinem Vniuersi minia è variet, minimèq; mutet locum secundum totum, sed tantum secundum partes & partium differentias, respectu alicuius fixi. Patet. Quia alioqui hoc ipso inclinaretur ad alterutram partem, contra S. Scripturam: *Non inclinabitur in seculum seculi.* Deinde, hanc ob causam Latinus interpres vsus est verbo *standi*, qui omnem motum excluderet, & omnem sensum literalem, qui hic intentus est, cõplecteretur. Verbo enim *standi* intelligitur apud Latinos Authores fixio quædam, quædam & negatio potentia ad quemcunq; motum etiam circularem, quatenus applicatur Terræ, tum iuxta alias dicta Cubum referenti, tum etiam montibus emirètib; alijsq; inæqualitatibus; corpus alioqui sphericum, & ad motum habile impediētib; prægravatæ. Et in hoc sensu vertitur questio, *An Mundo stante Terra vertatur?* Et, *An Mundus Terra stante circumueat?* Tull. *Lib. 2. Acad. Quest.* Seneca *Lib. 7. Nat. Quest. cap. 2.* Et alioqui Latinus interpres, facile potuisset ex Arabica lectione aliud verbum adhibere, nisi eiusmodi immobilitatem intellexisset, qui omnem sensum literalem exhaustiret. Adde quòd cum Terra stare, & oppositione seu comparatione relatiua Sol moueri dicatur, Soli autem tri-

buatur omnis motus in specie, quem Authores sui, Terræ adscribunt, consequens est Terram omni eo motu, qui Soli competit priuatam esse .

Mouetur in primis Sol motu annuo proprio, mouetur & contra, diurno, qui sensus ex hoc loco *Eccles. 1.* clarè eliciuntur; mouetur, & motu conuersionis in seipsum, idq; dupliciter, & motu annuo circa axem fixum, ab occasu in ortum; & contra motu penè mensuræ circa axem obliquum, ab ortu in occasum, quod utrumque demonstrat ex macularum reuersione, macularum primus inuenitur Apelles, habetq; non parum fundamenti in hoc eodem loco, dum dicitur. *In circuitu pergit Spiritus, & in circulos suos reuertitur*, quod postremum, etiam de motu conuersionis in seipsum commodè intelligi potest. Esse autem hanc propositionem, *Terra autem in aeternum stat*, relatiue dictam, non solum respectu sententiæ antecedentis, *Generatio præterit, & Generatio aduenit*, sed etiam respectu sequentis, *Oritur Sol & occidit*, &c. satis liquet ex epitasi illa & repetitione, quam habet Hebræa, Græca, & antiqua Hieronymi lectio, *Et oritur Sol, & occidit Sol*; Indicat enim pendentem à præcedenti dicto sensum, vt cum Terra stare in aeternum dicatur, Sol verò & oriri & occidere, atque adeò totus esse in motu, eodemq; continuo; ijs omnibus modis & moribus opponatur Stationi Terræ, qui ipsi competunt, & competere possint. Denique hunc esse sensum literalem, cum ex eo ostenditur, quòd heiusmodi motus Terræ circularis, nullus sit in natura finis, tum maximè ex eo, quòd positò quocunque motu circulari Terræ, plurima sequuntur manifestè contra. Fidem, vt in loco videbitur.

Tertius sensus est. *Terram in aeternum stare*, hoc est durare, & in suo statu permanere, saltem quatenus opponitur ortui, & interitui rerum. Hoc expressè colligitur ex verbis antecedentibus, *Generatio præterit, & Generatio aduenit*, quibus immediatè subiungitur, *Terra autem in aeternum stat*; Est quippè sensus comparatiuus, quasi dicat Terram secundum se totam nec generari nec corrumpi, sicut cetera; quæ vel ex ipsa, vel super ipsam generantur, loquendo præsertim de humana generatione, de qua explicante Hieronymus, Olympiodorus, Hugo, Albinus, & alijs Vt verum sit quod Hugo hoc loco profert. *Terram stare, ut venientes mittat, pertransseantes portet, discedentes recipiat*. Adde idiplum haberi ex Arabica lectione. *In aeternum durat, seu durabit*.

Dixi Terram in aeternum stare, quatenus saltem opponitur ortui rerum & interitui. Nam de cetero, quod Hieronymus notat, *In secu-*

lum, vel in æternum, sumitur pro longa, sed finita duratione. Itcirco Olympiodorus exponit, in longinquum tempus. Sed S. Augustinus Lib. 2. locut. Exodi. Et 1. Quæst. in Gen. cap. 31. obseruat æternum dici interdum, quod finem nullum habet, interdum quod finem respicit, sed ubi, & quando, nescitur. Ceterum, sicut falsò aliqui ex hoc loco, Ecclesiasten, Mundi æternitatem asseruisse, & credidisse dixerunt, ideòq; huic libro fidem derogarunt; falsò etiam putet Galatin. Lib. 11. de Arcan. cap. 5. iuxta vocem Hebræam, nunquam reperiri in Scriptura æternum propriè dicto æterno: Ita nobis satis est hoc loco æternum cum Authoribus sacris, pro longiori tempore non tamen præscripto accipere; vt intelligi queat Terram saltem in æternum stare, quamdiu homines eam incolentes supererunt. Nec obstat huic Stationi æternæ, quod toties mutari dicatur Iob 24. & passim; sufficit enim mutari secundum eam, quam nunc habet, imaginem; iuxta illud Pauli 1. ad Cor. 7. Præterit figura huius mundi, vt nihilominus sine fine subsistere queat, non alia condenda, sed ista renouanda. Quamquam ad rem nostram satis sit, Hieronymo, Augustino, Olympiodoro, alijsq; eiusdem, vel similis sententiæ subscribere.

Ad has porro veritates, quatenus integrum sensum literalem conficiunt, confirmandas, aduerto ex S. Augustino Lib. 3. de Doct. Christ. cap. 27. *Quando ex eisdem Scripturæ verbis, non unum aliquid, sed duo vel plura sentiuntur, etiã si latet quid senserit ille, qui scripserit, nihil periculi est, si quodlibet eorum congruere veritati, ex alijs locis Sanctarũ Scripturarũ doceri potest: id tamen eo conante, qui diuina scrutatur eloquia, vt ad voluntatem perueniatur Authoris, per quem Scripturam illam sanctus operatus est Spiritus: siue hoc assequatur, siue aliam sententiam de illis verbis, quæ fidei recte non refragantur exculpit, testimonium habens à quocunque alio diuinorum eloquiorum. Ille quippè Author in eisdem verbis, quæ intelligere volumus, & ipsam sententiam forsitan vidit, & certè Dei Spiritus, qui per eum hæc operatus est, etiam ipsam occurrentem lectori, vel auditori sine dubitatione præuidit, immò vt occurreret, quia & ipsa veritate est subnixæ, prouidit. Nam quid in diuinis eloquijs largius, & vberius potuit diuinitus prouideri, quàm vt eadem verba pluribus intelligantur modis, quos alia non minus diuina contestantia faciant approbari. Hæc Augustinus.*

*Qui ex prædictis sensibus videatur
principaliter intentus.*

C A P V T S E P T I M V M .

QVAMQVAM huius dicti *Terra in æternum stat*, si conditio literæ attendatur, sicut ipsa vnica est & determinata, ita non eliciatur ex ea nisi vnicus sensus, qui est immotum esse, siue non mutari; quia tamen subest amphibolia & æquiuocatio, iuxta rationem supra *Cap. 5.* explicatam, vt intelligi queat tam de statu secundum durationem, quam de Statione cuiusque motui opposita; iccirco attenta mente Authoris, omnes ij sensus quos Capite superiori explicauimus, intenduntur atque intelliguntur, omnesq; vt vidimus, ex litera eliciuntur, & ex alia Scriptura probantur; omnes præterea partim impleti sunt, partim adhuc implentur, quatenus siue intrinsecè siue extrinsecè successionem quandam connotant. Verum enim est, & durasse, & nullo ex modis supra censitis, motam esse Terram: Verum item & duraturam in æternum, in sensu de æternitate explicato, nec vilo modo mouendam naturaliter, quicquid sit de possibili respectu potentia diuinæ, quæ non destruit veritatem sensus literalis, fidem adstruentis. Nam quòd de Fide sit Cælum & Terram esse creata in principio, non obstat cuius sensui literali, & veritati Fidei, quin possint per potentiam diuinam in nihilum redigi, & negari quòd sint, non autem quòd fuerint: Ita si per eandem potentiam desinat Terra durare vel quiescere, non facit quin sensus literales veri fuerint & determinati, & quin verè affirmari possit, durasse & quieuisse, atque adeo prædictos sensus adimpletos fuisse, etsi post desitionem dici nequeant adimpleri, sicut nec Terram durare, & quiescere. Atque his positis, videndum superest duntaxat, qui ex prædictis sensibus principaliter sit intentus, vt instituto præsentis respondeamus.

Dico verò, per se loquendo omnes prædictos sensus æqualiter esse intentos; per accidens tamen hunc principalius intelligi, qui est Terram non moueri vilo modo. Primum patet. Quia cum omnis sensus literalis debeat esse verus, literæ conformis, traditioni non repugnans, nulli alteri loco Scripturæ contradicens, inmodò per Scripturam explicatus; huic autem propositioni *Terra in æternum stat*, quatenus

præ-

prædictos sensus exhibet, omnes dictæ conditiones, vt vidimus conueniant, necessariò consequitur omnes esse æquè principaliter intentos, tanquam vnā integram veritatem confluantes, Adde eosdem congruere contextui præcedentium & consequentium, non recedere à proprietate sermonis per quem efferuntur, denique re ipsa adimpleri; quæ omnia æqualem arguunt dicentis intentionem.

Secundum patet multis argumentis. *Primò*, Quia pluribus S. Scripturæ locis explicatur Terram nullo modo moueri, quàm durare. *Secundò*, Quia quoad nostrum intelligendi modum, significatio verbi *Standi*, magis accedit ad eam proprietatem vocis, quæ Terram omni motu priuat, quàm quæ secundum durationem permanere innuit. *Tertiò*, Quia nullus vnquam Sanctorum Patrum dixit Terram moueri, aut dubitauit Terram quiescere, licet ex occasione non paucis de ea disputarint, variaq; dubia, etsi faterentur non ad rem suam pertinere, proposuerint & subinde soluerint, nihil interea de Terræ motu differentes; quibus tamen non erant ignotæ Pythagoræ, & sectatorum opiniones, non secus quàm Platonis, Aristotelis, aliorumq; quos in Philolophia sectati sunt, sententiæ; quod signum est eos huiusmodi somnia planè insuper habuisse, & contempsisse. *Quartò*, Quia contrarium non asseritur à Sanctis Patribus, sed ab ijs, qui in Theologicis nullius sunt authoritatis, & tantum suas ostentandi causa sequuntur inuentiones, & imaginationes. Quæ omnia per accidens, & respectu nostri, vel si maius à posteriori ostendunt, hunc sensum in Scriptura magis videri intentum, qui est, vt dicebamus, Terram nullo modo moueri, sed in suo naturæ loco motus omnis expertem quiescere, atque adeo Stationem fixam perpetuò tenere. Quibus addo vnum, quod videri possit per se & absolutè probare, nimirum ex contrario huius sensus, quatenus Terra moueri dicitur à suis, plura sequi, reuelatas partim explicite, partim implicite in Scriptura veritates destruunt. Quod iam ostendemus.

PRIMO igitur, de Fide est Deum fecisse *Firmamentum* in medio aquarum, ad diuidendas aquas ab aquis: hoc Firmamentum vocatum fuisse *Calum*; denique in eodem firmamento posita esse duo Luminaria magna, *Luminare maius* (id est Solem) vt præesset diei. Et *Luminare minus* (id est Lunam) vt præesset nocti; Vt lucerent in firmamento Cæli, & lucendo super Terram illuminarent eam. Gen. I. Sed si Terra motui destinata collocetur in Orbe magno supra Solem, Mercurium, & Veneream, (hic enim est vnus sensus quo sui authores moueri Terram volunt) sequitur primò Terram esse in Firmamento

extra

extra Cælum & firmamentum sydereum, quemadmodum nunc Terra propriè loquendo, est extra Cælum, & Firmamentum, & Centri locum in imo habens. Sequitur secundò, Firmamentum non diuissse *Aquas ab Aquis*, sed tam aquam elementarum, quàm partes eas aquæ crassiores, ac denique totum Mare Terram cingens, mansisse in ipso Firmamento, penè medio loco inclusas; nam aquæ istæ omnes, aut voluntur cum Terra in Orbe magno, & habetur intentum; aut manserunt in infimo loco, Solem ambientes & refrigerantes, & tum confirmatur prima sequela, Solem videlicet cum Aquis ambientibus esse extra Firmamentum, & extra Cælum sydereum, quod est manifestè contra Scripturam.

S E C V N D O, De Fide est Cælum esse sursum, & Terram deorsum. Deuteron. 4. *Scito ergo hodie, quòd Dominus ipse sit in Cælo sursum, & in Terra deorsum, & non sit alius.* Prou. 25. *Cælum sursum, & in Terra deorsum, & Cor Regis inscrutabile.* Psal. 102. *Secundùm altitudinem Cæli à Terra corroborauit misericordiam suam.* Qui modus loquendi eam inter Cælum, & Terram notat distantiam, vt Cælum sit in summo loco, Terra in imo: Quod ipsum significatur Ierem. 31. *Si mensurari poterunt Cæli sursum, & inuestigari fundamenta Terræ deorsum.* Et Isaia 55. *Sicut exaltantur Cæli à Terra, sic exaltatae sunt viæ meæ à vjs vestris.* Mitto quàm plurima alia. Mar. 13. Ioan. 11. Ad Coloss. 3. Ad Galat. 4. Deuter. 28. & 30. Baruch. 3. &c. Plurimorum denique Patrum in re indubitata sententiæ. Sed si Terra in Orbe magno voluitur supra Venerem, Mercurium & Solem, nunquã rectè dicetur esse deorsum respectu Cæli totius, vt argumentari liceat ab altitudine Cæli, ad humilitatē Terræ, quemadmodum sit in locis allegatis, longè enim inferiores erunt Venus, & Mercurius, & adhuc longius distabit corpus Solis, à quo proinde sumi debebat comparatio illa relatiua per particulas *sursum, & deorsum*. Nec dici potest, fieri comparisonem habita ratione inter Cælum supremum & Terram, tametsi non infimo loco sitam. Eodem enim modo poterat sumi comparatio à Cælo stellato respectu Emphyrei, aut respectu cuiusvis Planetæ longè sub Cælo stellato positi, quod tamen nullibi est factum in Scriptura, sed semper adhibita simplex relatio inter Cælum & Terram, tanquàm summè inter se distantia iuxta supremum & infimum.

Ex his obiter infero, quàm contrarium sit S. Scripturæ Systema illud Vniuersi, quo Terram in Cælo supra Venerem, Solem verò in imo, Centri instar, sui authores locant. Ex eo enim necessariò consequitur, non verificari secundum propriam locutionem, quæ de

Christo in Symbolo dicuntur, primum scilicet descendisse ad inferos, deinde ascendisse ad Cælos; qui enim alioqui hic potest esse figuratus sensus, & verbis expressis, & secundum communem & Catholicum usum acceptis contrarius? Quod enim defensores eius Systematis, hæc quoque sicut pleraque alia, secundum apparentiam dicta velint, tam propè est ad veritatem, quam hoc dicendi modo facillè totum Symbolum evertunt, ut iam aditum aperiant reuocandæ Hæresi Valentinianæ, plura ibi narrari, quæ secundum apparentiam & phantasticè, non verè sint facta. An verò in Articulis Fidei condendis, & ad salutem cognitu pernecessarijs, eiusmodi figuris est utendum, ut nesciamus quæ credamus, & longè aliter, immò reipsa contrario modo se habeant illa, ac credendo nobis persuadeamus, eòque pacto ab æterna Veritate ludificemur? Ceterum si hæc, & huiusmodi secundum apparentiam ad sensum sunt dicta, licebit ratione recta utentibus, veritatem, ut se habet apprehendere, & secundum eam veras propositiones formare, immò interpretis munere S. Scripturam ad verum, & proprium sensum reducere.

Itaque cum dicitur *Ioan. 11. Iesus eleuatis sursum oculis: dicam. Iesus depressis, vel demissis deorsum oculis. Et Act. 2. Dabo prodigia in Cælo deorsum, & signa in Terra sursum. Et Ad Coloss. 3. Quæ deorsum sunt querite, ubi Christus est in dextera Patris, quæ deorsum sunt sapite, non quæ super Terram*, id est, *quæ sunt sursum*. Denique illud Christi ad Scribas, & Phariseos *Ioan. 8. Vos de deorsum estis, ego de supernis sum, Vos de mundo hoc estis, ego non sum de hoc mundo: licebit ita reducere ad veritatem. Vos de sursum estis, ego de infernis sum; Vos de mundo hoc estis*, (intellige de Mundo iuxta Systema Ptolemæi) *Ego non sum de hoc mundo, sed de Mundo iuxta Systema Pythagoricum*. Apage has nugas & hæreses. Et tamen hæc sequuntur ex contraria sententia, cuius defensores, cum Pythagoram à Moyse, suam doctrinam accepisse tradant, mirum cur Scribas & Phariseos toties Moysen Christo obiectantes, non etiam Patronos sibi adiscant, nisi iam velint ex prædicto loco, Moyse, Pythagoræ, Christo, & Scribis & Phariseis, de suo Systemate benè conuenisse. Sed mittamus hæc absurda.

TERTIO, De Fide est Deum appendisse Terram super nihilum *Iob 26. Quod quemadmodum factum, sit Patres, Ambrosius, Isidorus, Damascenus, & alij, sciri ab homine posse negant: Idque de Fide est, Iob 38. Quis posuit mensuras eius, si nosti? Et Ierem. 31. Si mensurari possunt Cæli sursum, & inuestigari Terra fundamenta deorsum. At si Terra collocata sit in magno Orbe, atque adeò in*

Cælo sydere, non erit fundata super nihilum, sicut neque cetera sydera & astra in Cælo posita, fundata sunt super nihilum, vt considerati patet; & quicquid tandem in Cælo est corporei, nequaquam dici potest appensum esse super nihilū, nec difficile erit inuestigare fundamenta, & mensuras omnium, quæ visui patent, siue de cetero Cælū dicatur esse corpus solidū, & impenetrabile, siue liquidum, (quod mihi certius) aëreū, aut aqueū, ex varijs opinionibus, quæ circa hoc argumētū agitur.

QVARTO, De Fide est, Christo patiente Solem miraculoso deliquio laborasse, & per tres horas, hoc est à Sexta vsque ad Nonam (*Matth. 27.*) tenebras super vniuersam Terram durasse. At posito motu Terræ, qualem fingunt authores sui, nequaquam id potest earatione verificari. Cum enim interea vertigine diurna Terra mota sit ad Orientem, per gradus 45. necessariò subduxit Hierosolymorum Urbem, ne dicam totam Iudæam illis tenebris, hærente interea Luna sub Sole quiescente, & tantum partibus occidentalibus successiuè lucem adimente; vt proindè non simul fuerint tenebræ illæ super Terram, sed locorum successu per tres horas, quod est ludificare S. Scripturæ sensum, & omnium Interpretum sententiam. Quòd si dicatur Lunam continuò retrocessisse cum Terra, per eisdem 45. gradus ad Orientem, vnde contra naturam mota fuerat; illicò sequitur aut nouo quodam miraculo, cuius nec Scriptura nec Authores meminere, Solis radios fuisse impeditos ne lucem ederent; aut Occidentalioribus non paruissse Eclipsin, Lunæ interpositu duratam per tres horas, citiusq; detectum fuisse Solem, Luna Orientem versus subtrahita, quodque hinc necessariò se profert, non fuisse Tenebras super vniuersum Terrarum Orbem, iuxta communem omnium contra Origenem, & quosdam alios paucissimos, demonstratamq; ex oraculo Sibyllæ, Phlegontis dictis, Græcorum commentarijs, Echnicorum longè dissitorum testimonijs, denique Mathematicorum placitis, sententiam: præsertim quia nisi multiplicentur miracula, Luna redux ad Orientem, in motu suo situque obliquo, non nisi per obliquos, dissimiles item ac varios angulos in quibus se bases visionis interfecant, Solem potuerit occultare, atque adeò minorem eius abscondere partem, quam necesse foret ad Tenebras Orbi Terrarum affundendas, vtpote cum Luna Soli supposita, & totam Eclipsans Solarem discum, vltra 350. milliaria Italica, vmbra suæ diametrum non extendat, in præsentientu longè minori spatio Tenebras concluderit, necesse est. Quæ omnia ex doctrina planorum triangulorum hoc loco supponimus; addito etiam hoc alio, quòd cum ex principijs Optices Sol, de Terræ superficie plus hemispario illustret, positis motu Terræ, Lunæ re-

gressu, & Solis Statione, Tenebrarum durationem per tres horas sine nouo, vt dicebam miraculo, possibilem haud fuisse, Id, quia consideranti patet, alia demonstratione hoc loco non eget, ne tractatio prorsus Mathematica euadat. Ceterum hoc argumentum valere maxime putamus, si Lunæ interpositione tenebras eas extitisse verosimilius credamus, ne frustra Lunam loco suo motam dicamus; secus verò si quis cum nonnullis putet, subtractione concursus diuini cum Sole, factum, ne luce Mundum radiaret.

QVINTO, De Fide est Solem moueri, & quidem circulariter, quod Capite Nono ostendemus. Cum verò moueatur circa Terram, quemadmodum præter experientias Physicas & Mathematicas, ex locis S. Scripturæ adducendis constabit, necessariò consequitur eam in medio constitutam, omnis esse motus expertem, alioqui si moueatur & ipsa, nec ad aliquid immotum perueniatur, quiseiusmodi motus sit finis in præsentì ordine Vniuersi, cum motu Solis constituto assignari minimè potest. Quare Terram stare non solum per se est de Fide, sed etiam quatenus immediatè deducitur ex alia propositione de Fide, quæ est, Solem moueri circulariter, in qua propriè virtualiter continetur. Id fortasse eò sit certius, si etiam de Fide sit Terram esse Centrum Vniuersi, quod an dici queat, infra in loco videbimus.

Atque hac dicta sint de sensu literaliprincipalius intento circa Terræ Stationem, iuxta nostrum intelligendimodum supra

explicatum, quatenus etiam, quæ Terræ motui opponuntur faciliùs deducuntur ex Scripturis, & plerumque obuia sunt, & penè ad sensum clara.

Ex quibus vltèrius deducitur, si Solem moueri de Fide est, ruere Systema

affirmantium, eum in medio

quiescere,

omni etiam motu conuersionis in seipsum

priuatum, quem sui authores

Terræ attribuunt.



*Solem moueri omnium Sanctorum Patrum
& Interpretum, est unanimes sententia.*

C A P V T O C T A V V M.

PRO motu Solis absolutè, referri possunt omnes illi Patres, & Interpretes antiqui, vt nihil de recentioribus dicamus, qui loca Scripturæ 4. *Reg.* 20. *Isai.* 38. *Ecclesiast.* 48. 2. *Paralip.* 32. de miraculo in Horologio Achaz factò loquētia, de vero Solis cursu, & vera retrocessione intelligunt. Origen. *Hom.* 3. in *Matth.* Gregorius Nazianzenus *Orat.* 19. Augustinus *Lib.* 1. de *Ciuit.* cap. 8. Author mirab. *Script.* *Lib.* 1. c. 28. Hieron. 2. *Paralip.* 32. Et in c. 7. & 38. *Isai.* Cyril. Alex. In cap. 39. Theodor. In *Psal.* 20. Procopius In cap. 38. *Isai.* Glycas part. 2. *Annal.* pag. 271. ex Hippolyto, & Eustathio Antiocheno. Angelomus In *Stromat.* lib. 4. *Reg.* Dionysius Carthusianus In *Isai.* cap. 39. art. 67. Beda, Lyranus, Hugo, Abulensis In cap. 21. lib. 4. *Reg.* Thoringus, author replic. Ad *Glos. ord.* qui & bene refellit Burgensem. Longum esset singulorum verba referre.

Huc pertinent & illi, qui extra hunc locum Scripturæ, locuti sunt de motu Solis. Dionysius Areopagita In *Epist.* ad Polycarpum. Iustinus In *confut. Arist.* lib. 2. de *Calo*: & idem supponit In *resp. ad Quæst.* 59. Chrysostomus In *Psal.* 134. vbi, Sol (inquit) per totum diem Calum percurrit, fulgur autem minimo momento temporis vniuersum Orbem Terræ. Rabi Hacados. In cap. 1. *Genes.* Isidorus Pelusiotes *Epist.* 100. ad Paulum Solis cursum supponit, licet eius rei sicut & aliarum Astronomicarum inquisitionem, parum ad virtutem, allaturam dicat, Basilii In *Hexam.* *Hom.* 2. 6. 9. Et in cap. 13. *Isai.* Ambrosius *Lib.* 4. *Hexam.* cap. 5. & 6. Augustinus In *Hom. de S. Vincentio Mart.* Et *Lib.* 1. de *Gen.* ad *lit.* cap. 19. Procopius In cap. 1. *Gen.* supponit Solem moueri, nec in primo Cælo constitutum. Et super illa verba, Vocauit Deus lucem diem, Lux (inquit) eum cursum absoluebat, quem nunc Sol peragit. Bonauentura In *Eccles.* cap. 1. docet Solem moueri peculiari modo, Terram stare. Dionysius Carthusianus *Opusc. de Confid. Theol.* art. 57. Et In cap. 1. *Eccles.* Et In *Isai.* cap. 39. art. 12. Theodoretus *Serm.* 3. de *Angelis.* Solem ab ortu se attollere diemq; efficere, Et *Serm.* 5. de *Mat. & Mund.* contra infideles Græcos idipsum supponit, cum dicit. Neque Sol firmissi-

mum illud Cælum, per quod assidue currit eliquare potest, neque dissoluere, sed neque ipsum firmamentum, tametsi humida sit natura, flagrantem Solem extinguit. Sed notandum, à Dionysio Areopagita Lib. 1. de Diuin. Nom. cap. 4. Et In Epist. ad Polycarp. Solis cursum supponi ex principijs naturæ eatenus, ut non nisi vi superiore sistatur: quod ipsum ex eodem asserit Dionysius Carthusianus Opus. de Confid. Theol. art. 57. Et longè ante hunc Isidorus Hispalen. Lib. 3. Orig. cap. 49. Solem per se ipsum moueri, ait, non cum mundo verti, nam si fixus Cælo maneret, omnes dies & noctes æquales existerent, sed cum alio loco cras occasurum, alio occidere hesterno videmus, apparet eum per se ipsum moueri, non cum mundo verti. Hæc Isidorus.

Quòd verò. Chrysostomus In Psal. 90. dicat. *In Centro stans Sol medius dies dicitur*; loquitur de Sole in culmine, seu in vertice existente, in quo, quia præter summam altitudinem minus est ad sensum perceptibilis motus, stare quodammodò videtur. Vocatur autem, hæc altitudo, Astronomis, inter alia *Centrum* respectu Hemisphærij, in quo cum Sol existit, medius dies efficitur. Sic dicitur Iosue 10. *Sol stetit in medio Cæli*, id est sub Meridiem, medioq; cacumine Cæli, ut explicat Sedulius. Et Author mirabilium S. S. apud S. Augustinum, ait, *Iosue Principem Sole posito in medio die præcepisse ne se moueret.* An de hoc medio Cæli intelligatur Tertull. ad Scapulam, cum dicit Solem fuisse poscū in suo Hypsomate, idè nō potuisse portentosam illam defectionem luminis, ex ordinario deliquio pati; fusè dabimus in Demonstrationibus Chronologicis; Itaque Chrysostomus non intelligit propriè stare Solem, cum vera priuatione motus, alioqui contradiceret ijs, quæ paulò ante ex eodem In Psal. 134. attulimus. Eodem modo dixit Augustinus In Hom. de S. Vincentio Mart. videri absolute stantem, & tamen moueri velocissimè. Intueris (inquit) Solem, & tibi videtur quasi non moueatur, & tamen mouetur. Fortè dices mouetur, sed tardius. Vis ratione colligere, quòd non sentis aspectu? pergit deindè explicare celeritatem eius motus. Ita etiam Nazianz. Orat. 34. dixit, ratione stabilem, motus expertem, & præterea infatigabilem. Quid (inquit) eū perpetuò motu agitat, aut circūducit, cū interim ratione stabilis sit & motus expers, infatigabilis verè, vitæ dator, animantium pater, &c. Qui modus loquendi supponit motum, sed non variatē. Quamuis etiā intelligi queat de motu regulari, qui semper uniformiter se habet, etsi nobis irregularis interdū appareat; & ideo dici possit motus expers, quòd sit cōstās, & inuariabilis in perpetuo motu, in illa enim mouēdi inæqualitate (scilicet apparēti) mirabile seruat æqualitatē (inquit) Nazianz. in quo, & diuinitatē refert, quæ

cū sæper in actione sit, in aeterna beatitudinis trāquilla quiete cōssistit.

Atque hæc de Patribus, qui de motu Solis absolutè loquuntur. De motu circulari agentes, quàm plurimi etiam afferri possunt, cum hac tamen differentia, quòd aliqui inter illos locum illum *Eccles. 1. Oritur Sol & occidit, & ad locum suum reuertitur, ibiq; renascens gyrat per Meridiem, & flectitur ad Aquilonē, &c.* intelligunt de motu Solis diurno, alij de annua conuersione, alij denique loquuntur de circuitu absolutè. De motu diurno intelligunt. Greg. Niss. Greg. Neocesar. August. Chaldaeus, Chrysost. *Hom. 12 ad Popul.* vbi sentit Cælo immoto Solem cum reliquis syderibus quotidie circumuolui. S. Thomas *super Iob. 37.* De Annuo motu exponunt Hieronym. Olympiod. Theophilus Alexand. *Epist. 3. Paschali.* Glossa. Hugo de S. Caro. Hugo de S. Victore, Albinus, Bonauent. & alij posteriores, secuti interpretem, qui vocem Hebræam propriè significantem, *Circuire*, expressit per Verbum *Flectitur*, indicans videlicet obliquum illum motum, inter Tropicos, non obstante motu diurno. Denique de circumlatione absolutè, videntur loqui, Dionysius Areopagita *In Epist. ad Polycarp.* Iunilius *In Com. in Gen.* Procopius *In cap. 1. Genes.* Rabi Hacados *ibidem*, & quidam alij. Sed inter alios Claudius Mamertus *In lib. 2. de Statu Anima, c. 13.* eleganter hos omnes motus exprimit. *Nunquid inquires, hoc Cælum visibile non hominibus datum est, aut Solaris fulgor & calor, vel Lunaris globi per incrementa & decrementa variatio, vel astrorum vagus ratusq; circuitus. vel per magnos Orbes ingressus Syderum, & statuta progressio, siue cum diebus noctibusq; vices variant, siue quia caloris & frigoris alterno fotu mundum temperant, seu quòd dimensis limitibus articulos temporum signant, eodemq; termino linearum tramitem, in idipsum redeuntium, per easdem circulatorum vias reuehant, vel quo distinctis numeris, & horis, & musicis interuallis Aethera pingunt.* Hæc ille.

Quare ex omnium Patrum sententia certum est Solem moueri, quocunque tandem motu, proinde non posse esse Centrum quiescens Vniuersi, etsi alioqui Planetas aliquos circaipsū in suis peculiaribus circulis moueri ponamus. Quod argumentum, vel si nihil haberemus ex S. Scriptura, efficax esset ad stabiliendam in hac materia veritatem. Mitto hic illos, qui verè quidem supposuerunt Cælum circulariter moueri, errarunt tamen, quòd dicerent per reditum corporum Cælestium ad eadem puncta, in triginta sex millibus annorum, eosdem redituros rerum effectus, qui modò existunt: quem errorē meritò condemnarunt Parisienses. Vide Anathem. Stephan. Paris. Episc. contra varios in Fide errores. *Cap. 5. num. 2.*

*Solem moueri. Et Circulari motu ferri,
est de Fide.*

C A P V T N O N V M.

SOLEM absolutè moueri, habetur *Iosue 10. Sol contra Gabaon ne mouearis. Et. Steterunt Sol & Luna in medio Cali, & non fuit antea nec postea tam longa dies, obediēte Deo voci hominis.* Quæ dicta supponunt Solem moueri, idq; à prima institutione creationis, qua datum est, vt tanquam Luminare maius præffet dici: iccirco dicitur non fuisse antea nec postea tam longum diem. Supponunt deindè, nonnisi miraculosè suum stitisse cursum, obediēte scilicet Deo voci hominis. *Eccles. 43. Sol in aspectu annuntians in exitu, vas admirabile opus excelsi, In meridiano exurit Terram, & in conspectu ardoris eius, quis poterit sustinere?* Quo loco & exortus Solis, & progressus ad medium Cali manifestè significatur. Et paulò infra. *Magnus Dominus, qui fecit illum, & in sermonibus eius festinauit iter:* Vbi velocitas cursus, qua in creatione præditus est, exprimitur. *Isaia 38. Et reuersus est Sol decem lineis:* quod ipsum narratur *4. Reg. 20. Inuocauit itaque Isaïas Propheta Dominum, & reduxit vmbra per lineas quibus iam descenderat per decem gradus.*

Scio quosdam velle, miraculum accidisse tantùm in vmbra, & non in corpore Solis, quòd *4. Reg. 20.* non fiat mentio Solis, sicut neque in textu Hebræo: Immò neque *Isai. 38.* vbi eadem per epitomen repetuntur. *Ecce ego reueri faciam vmbra linearum, per quas descenderat in Horologio Achaz in Sole, retrorsum decem lineis.* Sed isti conuincuntur, ex lib. *Ecclesiast. c. 48. In diebus ipsius* (id est *Ezechia*) *retro redijt Sol & addidit Regi vitam.* Dindè ex *2. Paralip. cap. 34. Legati missi sunt Babylone, vt interrogarent de portento, quod acciderat super Terram.* Id sanè non aduertissent Babylonij, si tantùm in vmbra Horologii Achaz miraculum contigisset. Denique *Isai. 38.* immediatè post allata verba, vt occurreret opinor huic dubitationi, subdidit illa quæ initio attulimus. *Et reuersus est Sol decem lineis per gradus quos descenderat.* Quod autem *4. Reg. 20.* non fiat mentio Solis, nihil refert; satis enim fuit per effectum causam insinuare, præsertim cum *Ezechias* hoc signum petiuisset prolongatæ sibi vitæ, non vt vmbra

umbra cresceret decem lineis, sed vt reuerteretur retrorsum decem gradibus, vt proinde hic effectus proueniret, non tamen sine applicatione causæ, quæ fuit retrocessio Solis. Vnde cum *Isai. 38.* eadem, repetantur, quò significetur Isaiam, voto & petitioni Ezechix, ad litteram vt sic dicam respondere, dicitur; *Ecce ego reuertî faciam umbram linearum*, per quas descenderat in Horologio Achaz, &c. immediatè tamen subditur, *Et reuersus est Sol decem lineis per gradus quos descenderat*, vt insinuetur applicatio causæ in qua factum est miraculum.

Hunc eundem locum, de Solis cursu & retrocessione intelligi plerumq; à S. Patribus, vt ceteros taceam, longè certius est, quàm quòd probatione indigeat. Eam ob causam Caspar Sanctius, ab altera sententia, quam non parum probabilem iudicarat, deterritus fuit, secuturus alioqui, nisi omnium penè Patrum, & Interpretum autoritas, quemadmodum ingenuè fatetur, sibi aduersa fuisset.

Solem porro circulari motu ferri, habetur ex *Ecclesiaste Cap. 1.* *Oritur Sol, & occidit, & ad locum suum reuertitur, ibiq; renascens gyrat per Meridiem, & flectitur ad Aquilonem, lustrans vniuersa in circuitu pergit Spiritus, & in circulos suos reuertitur.* Quo loco quater inlinuat Solem in Orbem ferri, siue demum de motu diurno, siue de annuo, iuxta varias interpretationes, & partium Scripturæ applicationes intelligatur. Epitasis verò illa, quæ habetur in Hebræa, Græca, & antiqua Hieronymi lectione. *Et oritur Sol, & occidit Sol*, continuationem quandam motus absque interceptione significat, vt totus in eundo, & redeundo esse indicetur, eòq; magis, si cum Hebræo per futurum legatur. *Et orietur Sol, & occidet Sol*, tùm ad indefessam motus continuationem significandam, tùm etiam ad exprimendum, hunc motum Soli, & non Terræ conuenire; hanc enim, emphasim habere videtur vocabulum Solis, eo modo repetitum. Quod autem vltimo loco Spiritus appellatione Sol exprimatur, sic vel propter igneam Solis naturam; Vel propter Intelligentiam assistentem; Vel propter motus velocitatem, quem sensum literalem, esse dicit Olympiodorus; Vel denique etiam ab effectu, & vita velut rebus inspirata, quòd nimirum annuos cursus explendo, vegetet, & velut spirare, & vigere faciat inferiora, non autem quòd animam habeat informantem aut vniificantem, quemadmodum sensere Gentiles apud Olympiodorum; & Origenes de corporibus cælestibus *Lib. 2. Periarch. cap. 7.* De ignea Solis natura. Vide Eustathium Antiochenum, quem nuper Leo Allatius non minus eleganter primus à Græco Latinum reddidit, quàm doctis & eruditis Notis illustrauit. Eam

ob causam tribuerunt antiqui pro mansionem Soli signum Leonis, fortitudinem eius ex agendi virtute significantes, quæ dubio procul ex calida qualitate, & ignea quemadmodum diximus natura proficiscitur, quam Eustathius ex lumine, & igne coaluisse insinuat, quasi lumen illud quod ante Solis formationem Cælo insplenduit, in Solis deindè corpus collectum ignescere, & lucere perrexerit. Idem ferè habet ex Zenone, Alex. Lycopolyta Philosophus eximius, mox etiam Latinæ luci à Leone Allatio donandus, *In lib. aduersus Manicheos*. A qua sententia nec fortè abhorreant, qui Stellas ex elementis, nempe ex igne, aëre, & aqua cōstare velint. Vide Isaac Syrum *In lib. de Caus. Causar.* quem, ex Chaldæo Latinè loquentem nondum, quod sciam, vidi. Is verò *Orat. 5. cap. 7.* ubi hanc de Stellis sententiam asserit, tūc verò ab eiusmodi compositione Terræ elementum reijcit, quasi Deus (inquit) *Stellas utpote stabilia, & tenuia corpora Terra exemerit*. Verū hæc omnia quo loco sint habēda, non est huius loci examinare. Placeat interim & hos Patres eius fuisse sententiæ, vt nihil cōmune Terræ cum syderibus aut Planetis esse voluerint, quam natura in medio Vniuersi, atque ad eò in infimo loco constitutam esse voluit.

Secundò idem probari potest, *Ex 3. Esdra cap. 4. Magna est Terra, & excelsum est Cælum, & volox cursus Solis, conuertit in gyro Cælum in locum suum vnica die*. Qui Liber vnà cum quarto eiusdem Esdræ, et si extra seriem librorum Canonicorum, quos Concilium Tridentinum suscipiendos decreuit, seponatur: omninò tamen magnam authoritatem habet vterque, supra Scriptores non Canonicos, nec semel à Sanctis Patribus citantur: Immò in quibusdam Biblijs Latinis, tam manuscriptis, quam impressis immediatè post reliquos Esdræ libros reperiuntur. Quamquam hodiè in plerisq; sepositi, ad finem

librorum Canonicorum eodem volumine continentur. *In*

re tamen nostra eò maiorem habere debet hic locus

authoritatem, quòd vt Olympiodorus insinuat,

hæc sententia desumpta sit *ex Cap. 1. Eccle.*

siatis paulò ante allegato, secundum

quam aliorum etiam argumentis

Solem circulari motu ferri

affirmat.

Quid verò aliqui ad hunc locum respon-

deant, infra *Cap. 13.* vnà cum

ceteris argumentis affere-

mus, & soluemus.

*An sit de Fide Terram esse Centrum,
Vniuersi.*

CAPVT DECIMVM.

SI de Fide est Cælum vniuersa continens, esse figuræ Circularis & Sphæricę, fortasse facile quis inferat, de Fide etiam esse Terrā esse Centrum Vniuersi, ex ijs præsertim Scripturæ locis, quibus *Cap. 7.* ostendimus Fide teneri, Terram esse deorsum in summa à Cæli altitudine distantia. Tum enim oportebit Cælestis circuli Centrum aliquod esse, cum Centrum sit de definitione Circuli, hoc verò Centrum posita illa distantia, Terram esse, atque adeò in medio constitutam, quò æqualiter distet ab omnibus Cæli partibus, respectu quarum ipsa dicitur esse deorsum, Cælum verò sursum.

Et si verò Mathematicis rationibus, vt *Cap. 2.* diximus, sat certum habeatur Cælum esse Sphæricæ figuræ; non desuere tamen inter Patres, qui ex varijs Scripturæ locis aliter sunt opinati, plures verò hanc disputationem tanquam pro tempore impertinentem, non sunt ingressi; alij verò non Cælum vniuersum, sed Planetas duntaxat, puta Solem & Lunam, circa Terram moueri videntur adstruxisse; denique alij quibus fauent Chrysost. *Hom. 12. ad Popul.* & August. *Lib. 2. de Gen. ad lit. cap. 10.* Cælo etiam stante & non moto, Solem & sydera conuersiones suas aut reipta peragere, aut peragere posse saluis omnibus phænomenis existimarunt. Ob quam causam non videtur adeò certum Terram esse Centrum Vniuersi, vt de Fide asseri queat.

Quin immò licet de Fide sit Solem circulo moueri, quia tamen iuxta Systema vulgatum, suum habet Orbem eccentricum: respectu huius non potest tota Terra dici propriè Centrum, ita vt sit fixum; immò verò ne secundum partem quidem, quando eccentricitas illa, si Albategnio credendum, 38. semidiametros Terræ, vel iuxta Prolemæum 48. cum quadrante proximè contineat.

His non obstantibus existimo probabilius, de Fide esse Cælum esse figuræ Sphæricæ. Primò id firmiter elicitor ex motu Circulari Solis, quem Fide haberi, iam ostendimus; omnino enim par est, & motum Solis ad figuram Cæli perfectæ quadam symmetria concinere. Nec obstat huic rationi, quò dicebatur Orbem Solis esse eccentricum, quando Terra in ratione Centri, non consideratur respectu Orbis

partialis, sed respectu totalis, qui toti mundo concentricus est, ita ut verus motus Solis semper referatur ad Centrum Vniuersi, ex quo etiam nobis consideratur, etsi Medius & apparens motus, principaliter spectet ad punctum eccentrici, cui insidet angulus eiusdem motus, ut angulus Veri motus super Centro mundi.

Elicitur secundò ex *Ecclesiast. cap. 24. Gyrum Cæli circuiui sola. & profundum abyssi penetraui.* Quæ verba nihil obstat, quo minus respectu Cæli simpliciter & propriè, & absque figurata locutione accipiantur. Et *cap. 43. Vide arcum. & benedic eum, qui fecit illum, valde speciosus est in splendore suo, Gyrauit Cælum in circuitu glorie sue, manus Excelsi aperuerunt illum.* Quæ verba eodem modo propriè sumenda sunt, de arcu imitante Cælum in gyro, & circuitu suo, ut proinde rectè inferri queat ex illis, Cælum esse Sphæricum, & rotundum.

Accedit S. Hieronymus *Ad Ephes. 3.* super illud, *Quæ sit latitudo, & longitudo, &c.* Vbi ait, ex *Ecclesiaste* à plerisq; colligi Cælum esse rotundum, & in Sphæra modum volui. Locum ipse non indicat, sed videtur hic esse *Cap. 1. Oritur Sol & occidit Sol, & ad locum suum reuertitur.* Est enim motus circularis proprium, ad eundem locum recurrere unde capit; rursus, verò, motus circularis ita proprius est corporis Sphærici, nihil ut alteri magis. Quemadmodum autem Hieronymus ex motu circulari Solis, colligit Cælum esse rotundum, immò à plerisq; colligi dicit; ita & nos ex eodem motu tanquam harmonia quadam ad totius figuram temperata, deduximus totum Cælum esse Sphæricum atque rotundum. Cur autem nonnulli Patres diuersum videantur sensisse, diximus supra *Cap. 2.* Certè S. Augustinus, qui pro contraria opinione agmen ducere poterat, veriori sententiæ postmodum animum suum attemperauit, ut patet ex ijs, quæ ibidem diximus, & manifestè colligitur, ex *Lib. 1. de Gen. ad lit. cap. 10.*

Accedunt omnes illi Patres, qui Cælum Vniuersum moueri putant. Inter quos Dionysij Areopagitæ summa post Canonicos Scriptores est authoritas. Hic verò *In Epist. ad Polyc.* expressè supponit Cælum Vniuersum moueri, cum eius prodigij, quod Sol iussu Iosue steterit in medio Cæli, duplicem ponit modum; Vel ut vnâ cum Solis, & Lunæ Orbibus, vniuersa Cælestium globorum machina constiterit; Vel ut Luna duntaxat ac Sole subsistente, reliqui Orbes tam superiores, quàm inferiores, ordinarium cursum peregerint. Hic secundus modus admirabilior videtur Dionysio, prior tamen, qui dispositionem Cælestium Orbium nihil inter se mutat, alijs videtur verissimilior. Pro nostro instituto, vterque perinde est, vterque à Dionysio

affirmatus . Accedit alter Dionysius, qui de *Considerat. Theo. art. 57.* motum Cæli circularem dicit esse naturalem, loquitur autem de toto Cælo, idque probat ex priori Dionysio *Lib. 4. de Diuin. Nomin.*

Accedunt alij tam Sancti Patres, quam Scholastici, qui Cælum rotundum esse, & circulariter moueri, præter Empyreum, de cuius motu non constat, aut supponunt, aut rationibus adstruunt . Nec discedit S. August. *Lib. 2. de Gen. ad lit. cap. 10.* licet enim admittere videatur, Cælo etiam non moto, sydera moueri posse, & officio suo fungi; ad dubium tamen illorum, qui quærebant, quomodo Cælum moueri possit cum dicatur firmamentum; respondet, *non cogere nomen firmamenti, ut stare Cælum putemus. Firmamentum enim non propter stationem, sed propter firmitatem, aut propter intransgressibilem terminum superiorum & inferiorum aquarum, vocatum, intelligere licet.* Huc etiam faciunt Philosophi & Mathematici, qui id varijs demonstrationibus pro explorato habent .

Accedunt denique omnes illi Patres, qui Terram in medio Vniuersi constitutam esse volunt, de quibus diximus supra *Cap. 4.* In his Basil. *Homil. 1. in Hexam. Vniuersi* (inquit) *medium inferum esse locum, nostra demonstrauit oratio;* loquitur autem expressè de Terra, vt legenti patet. Simile quid habet *Hom. 9.* Ambrosius verò *In Psal. 118. in Octon. 12.* idem ex S. Scriptura *videri significatum* insinuat; quasi dicat non solum id sua sententia, sed etiam Gentilium Philosophorum opinione cognitum haberi, immò quod maius est, S. Scripturæ conforme esse . Accedit Anastasius Synaita, qui *Lib. 1. Anagogic. Contempl. in Hexam.* multis supponit atque etiam asserit, Terram esse Centrum Vniuersi: quamquam doctè refellat dicentes, *Terram esse principium Vniuersitatis, ut quæ sit Centrum Orbis Cælestis, atque adeo Orbe, seu Circulo antiquius:* hos dicit Logicè magis quam naturaliter, considerare, quasi humana arte & naturæ consequentia non superna. iter Deus operatus fuisset; nec simul Cælum & Terram creasset: & alioqui non fuisset dicendum, *Fecit Deus Cælum & Terram,* vel vt ipse loquitur *Sphærâ* deindè *Terram Centrû,* porteret enim reuera cōtra dicere *Fecit Deus Terram & Cælum, seu Centrum & tum Sphæram.* Accedit & Claudius Mamertus *Lib. 2. de Statu An. mæ. cap. 4. vbi* Imtū certè, ait, *elementorū omnium Terra est. In rotundo scilicet illud imum constat esse, quod medium est, quia in rotundo imum non est.* Denique S. Thomas vt vidimus *Cap. 4.* ita loquitur *In Opusc. 10. art. 16.* vt dicere videatur, attento ordine Vniuersi, ad quem pertinet quòd Terra sit in medio collocata, absque fidei periculo tolerari non posse, si dicatur ab Angelo moueri posse totā molem Terræ extra suum locum .

His positis . Cum de Fide sit Solem Circulari motu ferri , & hinc inferatur probabilius esse etiam de Fide , Totum Cælum moueri eodem motu , atque adeò Sphæricam habere figuram ; cum præterea de Fide sit Terram esse in infimo loco , certòq; colligatur ex Scriptura , Cælum circa Terram moueri : motus autem circularis requirat aliquod immobile circa quod feratur , & hoc immobile , de fide sit Terram esse , quam sicut de fide est , esse in infimo loco , ita iunctis Patrum sententijs , de fide probabilius est , esse in medio Vniuersi constitutam , atque adeò puncti fixi vicem habere : His inquam positis , probabilius etiam est de fide esse , quòd Terra sit Centrum Vniuersi : quod hoc loco pro instituto satis erit . Dico probabilius esse , nam si quis ex modo dictis Syllogismum conficiat , quemadmodum potest , cuius vtraq; præmissa sit certa de fide , etiam conclusio dubio procul de fide certa erit . Porro cum dico totum Cælum in circulum ferri , non derogo fluiditati , vtrumq; enim simul stare potest , quemadmodum si Terra cum mari fluido circumferretur . Vt enim Mare suis terminis , ita Cælum suis conclusum est , non vt minimè voluatur , sed ne defluendo transgrediatur . In quo deinde si plures Orbes iuxta Patrum loquendi modum norantur , non tam Orbium solidorum inter se diuisio , quàm periodica stellarum , & planetarum in liquido , ipsiusq; Cæli syderei itinera designantur .



*Quo pacto sint de Fide propositiones hæcenus
affirmatæ .*

C A P V T V N D E C I M V M .

P R I M A P R O P O S I T I O . *Terra in æternum stat*, ut opponitur motui locali secundum totum, est de Fide, non directè vel primariò ; sed indirectè & secundariò, immediatè tamen .

Primum patet . Quia Terram in æternum stare modo dicto, nec principaliter proponitur ad credendum tanquam fundamentum Fidei Christianæ , nec de se est necessarium ad beatitudinem obtinendam tanquam articulus fidei . *Secundum patet .* Quia ex opposito eius, sequitur aliquid contrarium Fidei, falsa nimirum esse loca Scripturæ , ex quibus id manifestè deducitur , & plura alia quæ his sunt connexa .

Tertium patet . Quia est aperta testificatio diuina, simplex , & eiusdem rationis in omnibus propositionibus : etsi fortasse quoad nos non sit sufficienter applicata , quod est per accidens . Est præterea immediata , quia non continetur in alia propositione reuelata, neque tanquam pars in toto , neque tanquam effectus in causa, nec denique formaliter tanquam in re omninò eadem , aut quouis alio modo .

S E C V N D A P R O P O S I T I O . *Terra in æternum stat*, quatenus opponitur motui Circulari, eo modo, quo à suis authoribus assertitur ; non est de Fide directè & primariò , sed indirectè & secundariò . Viriusque dicti, est ratio eadem quæ superioris propositionis, & ex opposito huius , sequitur Solem quiescere, Terram non esse stabiliter appensam in nihilo, quæ sunt contra Fidem . Est verò de Fide partim immediatè, quatenus continetur in ijs S. Scripturæ locis, quæ ex sua stabilitate, negant Terræ motum localem secundum totum , quem tamen authores sui attribuunt eidem Terræ, circumlatæ per omnes Cardines in Orbe magno .

T E R T I A P R O P O S I T I O . *Terra in æternum stat*, quatenus significat durationem . Est de Fide indirectè, & secundariò iisdem de causis ; Ex opposita enim sequitur, falsam esse comparisonem à Scriptura adhibitam , cum Generatione prætereunte & adueniente . Iccirco dici potest esse etiam de Fide partim immediatè, quatenus ex intentione dicentis clarè significatur ; partim verò mediare, quatenus in hac propositione , *Generatio præterit , & Generatio aduenit* , vel

continetur virtualiter, vel secundum nostrum concipiendi modum, ad positionem eius necessario inferitur ex connexione relativa.

QUARTA PROPOSITIO. *Cælum esse sursum, & Terram deorsum.* Est de Fide directe & primario, & partim mediatè. *Primum patet.* Quia continetur in ijs propositionibus, quibus Christus significatur descendisse in Terram, ad salutem hominum procurandam, & ea peracta rursus ad Cælum ascendisse, qui est articulus Fidei, necessario sub his terminis credendus ad beatitudinem obtinendam; Et eo semel negato, non solum plura destruentur, in Scriptura quocunque modo contenta, sed quæ tanquam articuli Fidei, atque ideo necessaria ad salutem, siue explicitè, siue implicitè credenda, proponuntur. *Secundum patet.* Quia Cælum esse sursum & Terram deorsum, passim, diserte & clarè, immò & cum sufficienti applicatione proponitur: quod est esse in se & immediatè reuelatum; deinde continetur in ijs propositionibus quæ sunt articuli Fidei, vel tanquam in re omnino eadem, vel tanquam pars in toto potenti: verè enim si Christus ascendit ad Cælum, ascendit etiam sursum, iuxta illud *Ad Colos. 3. Quæ sursum sunt querite, ubi Christus est in dextera Patris, &c.* quod est esse mediatè reuelatum.

QUINTA PROPOSITIO. *Solem moueri,* siue absolute siue circumlacione. Est de Fide indirectè & secundario, sed immediatè. *Primum patet.* Quia non est articulus Fidei, sed ex opposita sequitur aliqua contra Fidem, non solum ex eò, quòd cum expresse dicatur in multis locis Solem moueri, id negare, esset arguere Scripturam falsitatis; verum etiam, quia in plerisque de providentia Dei non rectè sentiendi crearetur periculum, nec absolute dici posset *Ad Rom. 1. Inuisibilia Dei à creatura mundi, per ea quæ facta sunt intellecta conspici, sempiternam quoque eius virtutem ac diuinitatem.* Quæ si ex vili creatura verificantur, maximè ex consideratione Solis, idq; manifestò patet, nedum ex varijs dictis S. Scripturæ *Genes. 1. Ecclesiastici 43.* sed etiam ex Sanctis Patribus, & varijs antiquorum Philosophorum, lumine naturæ inditis opinionibus. *Secundum patet.* Primò ex multis & apertis S. Scripturæ locutionibus, ut nulla explicatione egeant: deinde ex ipsa materia & fine propter quem Sol creatus est, & per se primò cum talibus qualitatibus institutus; denique quia Solem moueri, secundum se est reuelatum, & non quatenus virtualiter vel formaliter, vel quocunque alio modo continetur in alia propositione, immediatè & primario reuelata, ut ea ratione mediatè reuelata dici queat.

SEXTA PROPOSITIO. *Terram esse Centrum mundi,* si quem-

quemadmodum diximus probabilius est, esse de Fide: erit de Fide indirectè & mediatè. *Primum patet*, quia ex oppositò sequitur Terram non esse appensam in nihilo, nec esse remotissimam à Cælo, (contra pleraq; loca Scripturæ) quemadmodum esse solet Centrum à partibus sphæræ extremis, vel circuli peripheria. Præterea aliquod aliud corpus immobile constituendum erit in medio Vniuersi, quod iuxta præsentem ordinem, absque præiudicio Fidei fieri vix potest, præsertim si corpus Solis constituatur loco Centri, vel quodcunque aliud corpus, quod supra, vel circum, & iuxta Terram mouetur, aut quouis modo agitur. *Secundum patet*. Quia Terram esse Centrum Vniuersi, continetur in ijs propositionibus Scripturæ, *Ecclesiastici* 24. & 43. ex quibus elicitor Cælum Sphæricæ esse figuræ, qualis competeat corpori perfectissimo, & ad motum instituto; iuxta ea quæ Capite superiori adstruximus.

Ceterum quod hic monemus, est; nos in hoc discursu eatenus

vti huiuscemodi terminis syncategorematicis, *mediatè, im-*
mediatè, directè, indirectè, & id genus, quæ iuxta

Theologicam acceptionem, ad nostram

sententiam explicandam adhiberi po-

tuerunt, ne si fortè cuiquam iuxta

varias habilitates aliter su-

mi posse videantur, in

alienam à nostro

intento di-

scedat

interpretationem; rei

minus accommo-

datam.



*Posito quòd Terræ quies sit de Fide, an liceat
in contrarium disputare.*

CAPVT DVODECIMVM.

DICO primò, posito quòd sit de Fide, & sufficienter propositum, Terram stare, nullo modo licere contra disputare. Patet Quia si dubitare non licet, multò minus ob periculum proteruè disputare. Et ne alioqui ex pruritu, & calore curiosæ contentionis, facilius sit lapsus in manifestos, atque etiam in pertinaces errores; neque solùm vt quis priuato cum periculo male sentiat, verùm etiam publico malo alios in sententiam pertrahat. Difficile quippe est conceptam opinionem tenere, cui quoquo modo adhæreas, & coronam male feriatorum nactus sis, vbi effundas. Quod quidem periculum arcessere ex præsentì argumento magis procliuè est, quàm ex quibusdam alijs quæ subinde in Philosophia & Theologia, vt mox dicemus, disputantur; de quorum veritate ita religiosè constat apud omnes doctos, nemo vt Christianus vnquam dubitarit.

Dico secundò, licere ex hypothesi assumpto motu Terræ, vti adputationes Mathematicas conficiendas. Patet tum ex consensu Ecclesiæ, quæ Copernicanz putationis vsum permittit, etsi principia ex quibus illa deducitur absolutè damnet, iuxta ea quæ infra dicturi sumus in responsione ad Septimum Argumentum, ex sententia S. Congregationis Indicis: tum quia saltem ex hoc capite non omninò pœnitendus hinc existeret potest fructus, si Matheseos iuuandæ gratia, exerceantur ingenia, magisq; ac magis explorata systematis falsitate, contrario perficiendo opera detur. In quo tamen operoso negotio semper meminisse iuuabit eorum, quæ supra Cap. 4. ex Sanctis Patribus attulimus, & præsertim Ecclesiasticis dicentis. Cap. 3. *Cuncta fecit bona in tempore suo, & mundum tradidit disputationi eorum, vt non inueniat homo opus, quod operatus est Deus ab initio vsq; ad finē.*

Porrò in vfu calculi Copernici duplex esse potest progressus. Alter ex hypothesi purè Mathematica, quæ tamen à principijs veris & physicis etiam putatis, minimè censeatur pendere. Alter ex hypothesi, quæ existimetur principijs naturalibus & veris, vel quæ talia habentur niti, & ex eisdem conclusiones certas ac demonstratas, vel quæ tales reputantur, deducere.

I V X T A primum, licet eatenus operari, ut posito illo systemate pleraque phænomena explicentur, periodique omnes motuum, & quicquid huc spectare potest, arithmetice & velut ex arte subducantur, non aliter quam si ex positionibus Ptolemæi, aut quibusvis alijs præter Copernicanas censerentur. Ceterum sicut Mathematicus si postulet lineam dari infinitam, aut quavis quantitatē continua maiorem vel minorem, recte concludet superstrui posse triangulum infinitum, neque tamen verum erit in rerum natura dari lineam infinitam; recte præterea deducet lineam esse longitudinem sine latitudine, & profunditate, si punctum fluere, & lineam esse fluxum puncti supponat, quod tamen re ipsa falsum est: & physicè impossibile: denique aptè concludet posse absolutè, & simpliciter esse maiorem Orbium & Planetarum magnitudinem, itemque distantiam à Sole posito in Centro, neque tamen attento præsentī ordine Vniuersi, verum, erit, aut immensam esse eam magnitudinem, aut eam syderum distantiam, ut quavis stella Sole sit maior, & libero oculo diametri mensurabilis; ita prorsus dato Systemate Copernicano, etsi falso & à ratione alieno, deduci possunt putationes veræ, eademque principia vaga (ut hinc etiam falsitas arguatur & incertitudo) applicari possunt ad alia, quæ in physicis genuinas habent causas. Sic quippè dato motu Terræ, non nemo periodicos Solarium macularum cursus, in variam Terræ circumuolutionē reduxit, etsi ab alijs alia demonstrata sint causæ: Sic fluxum & refluxum Maris tot pridem rationibus physicis explicatum, in eundem motum referre quidam conati sunt, minus felici ausu, sed ut rectè audere viderentur, qualitatem Terræ magneticam indiderunt, eadem opera quavis alia imaginaria excoGITaturi, vel si Terram animal magneticum esse affirmant, In quibus tamen fortasse liberius, & ridiculè disputatur. At in Systemate Copernicano, progredi licet eatenus, ut examinari tantum queat, an ex falsis illis positionibus, rectæ & cum sydereis motibus coherentes eliciantur supputationes.

I V X T A alterum sensum; in vñ calculi Copernici eatenus est progrediendum; ut nedum de principijs, nisi ostendendo eorum falsitatem, sed neque de ipsa putatione tanquam ex vera hypothese pendente, liceat disputare: Idque tum ob rationes initio Capituli adductas; tum quia puri Mathematici, si in plerisque alijs, in præsentī argumento ad physicas, atque etiam Theologicas rationes reducto, non discernunt, quid ex quo sequatur, necessitate vel consequentiæ, vel consequentis; ideo non solum puralogizant, sed etiam inepta & falsa Scripturarum interpretatione errant, alijsque periculum errandi creant.

Ob quam, inter alia causam, rectè cauit S. Congregatio Indicis, ne quid præter vsum calculi Copernicani, circa hypothesen stabilindò affirmaretur.

Non est eadem ratio multorum aliorum, quæ quamuis de fide esse non nesciantur, citrà periculum & prohibitionem in vtramque partem disputantur; Velut an Mundus sit, vel potuerit esse ab æterno, & hoc posito, qui status rerum futurus fuisset, quomodò item generatio possibilis, pluraq; alia quæ vel in Philosophicis, vel in Theologicis agitantur, De Prima causa, De creatione, Infinito, Rerum animatione, De animorum immortalitate, & id genus haud pauca. In his enim non faciliè tanquam ex sensibilibus paralogizatur, & vera sine ambiguitate discernuntur à falsis, quæ interdum verosimilia videntur, denique contraria de fide Veritas firmissimum assensum, & vsum apud omnes, vel mediocriter doctos obtinet. Quamquam in ijs quæ non sunt de fide, liberius disceptatur absolutè & absque vlla hypothesi, dummodò discernantur, quæ sunt contra principia naturalia, & per se nota.

Contra, in præsentī de Terræ motu, & Statione Solis, argumento, puri Mathematici, quia putationes suas ex positionibus Copernici, ad numerum cadere subinde experiuntur, non faciliè accipiunt se ex falsis principiis vi consequentiæ operari, sed ea tanquam vera sumunt, immò in Postulata & Axiomata dirigunt, & in Mathematicis paralogizare assueti, si quas ad rem suam ex Theologicis suppetias se habere putent, non vno modo errant.

PRIMO enim, quòd attinet ad pura Mathematica, frequenter contingit in illis paralogizare, ob sensibiles vt putatur interdum, sed non ex veris causis ductas demonstrationes, quemadmodum multis accidit in quadrando circulo, in duplândo cubo, perpetuando motu, & sexcentis alijs, præsertim cùm non à priori deducunt necessarios effectus, sed quemadmodum fit in re præsentī, à posteriori venantur effectuum causas imaginarias. Ac vt in Theologicis omnes ferè Hæreses ex similibus natæ sunt paralogismis, ita in Mathematicis inducuntur errores quàm plurimi. Proindè quod docet Gerson *Propos. 5. De sensu Liter. Sensum Logicalem verū in assertionē Theologicā, non excusare asserentem, quin talem assertionem debeat reuocare, si falsa sit in sensu Theologico literalī*; simili quadam ratione dici potest in Mathematicis, non excusari à falsitate demonstrationes quædam apparentes, quæ reductæ ad verā principia, falsitatem illicò produnt. Sanè cùm problema Mathematicum ferè eiusmodi sit, vt vtræque pars firma ratione probari queat, faciliè eò delabuntur incauti, vt se Theore-

maticè demonstrasse arbitrentur, nec contrarium villo modo statui posse.

In hoc genere inveniuntur non pauca, quæ contra Eccentricos, & Epicyclos à diuersis obijciuntur. Inter alia, *Quod si Luna moueretur in Epicyclo, in perigeo aliam apparituram Luna medietatem, quam in apogeo, proinde non semper eundem Luna vultum visui obijciendum, quod est contra omnem experientiam.* Quo argumento qui vtuntur, non attendunt, Lunam in Epicyclo moueri circa proprium Centrum, motu Epicycli lationi conformi, verum in contrariam partem, vnde consequitur eandem semper Lunæ maculatam faciem, nobis apparere; neque in hoc motu mirabilius aliquid euenit, quam in motu Terræ, contrario motui eiusdem diurno, quem fingunt auctores sui. Ita qui argumentantur ab Epicyclo Veneris, *quasi is tanta sit magnitudinis, ut per Centrum Terræ ducatur*: non discernunt inter gradus, & partes, quarum sexaginta continentur in semidiametro Eccentrici, nec quoties semidiameter Eccentrici & Epicycli contineat semidiametros Terræ; quem numerum si subducant à distantia Terræ à perigeo Epicycli, tantam inuenient distantiam Epicycli à Terra, vt ea Mercurij, & Lunæ Orbes commodè recipiat, nedum Epicyclus Terram attingat, multoq; minus per Centrum Terræ ducatur. Quamquam cum Eccentrici & Epicycli, imaginarij sint duntaxat, cum per eos de reliquo, phænomenum ratio appositè reddatur, qualiscumque in ijs magnitudinis excessus fingatur, minus rei incommodet, quam si Terra physicè moueri affirmetur, vnde præter multa Veræ philosophiæ contraria, illa etiam in rebus incommoda consequantur, quæ Ptolemæus contra dictum motum argumentando adducit, ad quæ non nisi ridendam affert responsonem Copernicus, vt inter alios Iul. Cæf. La Galla *In lib. de Phænomenis in Orbe Lunæ Cap. 7.* aduertit.

Similia plura accidunt in Systemate, quod Terram motam in magno Orbe, Solem vero in Centro locat, cuius contrarium cum hætenus, seclufa etiam S. Scriptura, constanter verificatum sit, redditus ad amissim omnium Phænomenum causas: multi nihilominus ad alteram partem inclinantes, & quibusdam rationibus apparentibus eam stabilientes, constantius se rem totam demonstrasse putarunt, quam vt contrarium dici posset.

In hoc genere sunt ij, qui per Terræ motum, nec aliter, affirmant saluari Luminatum coniunctiones. Nam celebrata modò in hoc Cali puncto Synodo, digressisq; luminaribus, antequàm Luna 360. sui Orbis gradus emetiat, Sol interea proprio motu conficit gradus 29.

et amplius; itaq; à Luna nequaquam attingetur, quando hæc non nisi ad unctum prioris Plenilunij, unde recessit, hætenus potuit pertinere; proinde nisi motu Terra, gradus à Sole peracti compleantur, quo pacto sequens in diuerso puncto Nouilunium contingat, nequit intelligi. Ita ferè isti. Sed nimis paralogizant, ponentes Solis & Lunæ Orbis concentricos, & eatenus componentes motum Lunæ in Zodiaco, cum motu in proprio Orbe, & Solis in Ecliptica, nec rectè adhibentes Medios motus vulgò usurpatos. Positis quippè Eccentricis & Lunæ Epicyclo, ita partes periodici motus, quæ inæquales apparent, æquantur ex præscripto, nulla ut inæqualitas intercedat. Nam lineis Veri & Medij motus, regulariter super suo Centro incidentibus, etsi rationes Orbium ac Centrorum, alia fortasse puncta Cæli respiciant, ita omnia Luna Phænomena, nostro aspectui, qui est loco Centri Mundi se se offerunt, ut æquales anguli, semper contineant aut æquales angulos, si circuli sunt æquales, aut similes & proportionales, si circuli sunt inæquales, & præterea quando differunt linea Veri & Medij motus, semper cum Angulis lineæ constituent angulos æquales. Ex quo necessario consequitur, ut his angulis respondeant similes arcus Eccentrici & Zodiaci, semperq; loco & tempore debito eueniant Nouilunia, ceteraq; Lunæ schemata, ætatis tam in coniunctione, quam in oppositione media, & extra hos situs, varijs centrorum Epicycli & Eccentrici, nec non lineæ Medij motus Solis positionibus. An verò tot seculis adhibita huiusmodi æquatione quippiam peccatū est, quo minus proportionibus motuum Solis & Lunæ rectè dispensarentur, etiam absque fictio Terræ motu? minimè verò.

Adde positis etiam Orbibus Concentricis, non rectè istos argumentari; Quæ enim circa idem punctum in Orbem voluuntur, similes peripherias æquali tempore transcurrunt, atque adeo æquales angulos Opticos intercipiunt, ac proinde sicut spatia, quæ paribus angulis subtenduntur. (*per 33. Sex.*) sunt æqualia, necnon motus per illa peracti æquales; ita consequens est puncta Neomeniarum ne quicquam ab altero Luminarium aut præuerti, aut non attingi, sed suis temporibus & locis debitis cōtingere, etsi alioqui Sol, quia remotior est, tardius moveri videatur quidem, re ipsa tamen velocior sit motus, ideoq; longè maiorem Eclipticæ ambitum, quam Luna percurrat. Ceterum quo vitio laborat hoc argumentum, eodem, aut simili affecta sunt cetera, quibus authores sui apodicticè volunt ostendi Terræ motum, & varias inde consecutiones circa Planetarum lationes deducere.

SECUNDO, quòd attinet ad ea, in quibus Mathematica

S. Scri.

S. Scriptura vel metunt, vel suffragium petunt, multis etiam modis contra ipsam Scripturam, contra Sanctorum Patrum interpretationem, & communem Theologorum sententiam paralogizant & errant. Aiunt in primis, *Sacras literas de rebus vulgaribus, in quibus illarum institutum non est homines instruere, loqui humano more, ut percipiantur, ijsq; uti quæ sunt apud homines in confesso, ad insinuanda sublimiora & diuina.* In qua doctrina peccāt primò, cū supponūt ex Solis motu & Terræ Statione, & similibus nō esse institutū S. Scripturæ homines instruere; id enim est apertè cōtra ea, quæ traduntur *Ecc. 1. Et Ecclesiastici 24 & 43.* Et alioqui frustrā scripsisset Moyses historiam creationis, nisi ad instructionem fidei, morum, & scientiæ ad homines dirigere voluisset; neque enim instructio historica alium habet finem, quā morum quæ in ipsa fundatur præceptionem. Deindè peccant, quia non discernunt aliud esse, loqui cum hominibus humano more, aliud ex falsis ducere illos in cognitionem veri. Nam ut certum sit ex ijs quæ apud homines sunt in confesso, insinuari sublimiora & diuina, siue parabolicè & similitudinariè, siue alio quocunque modo; nunquam tamen ex ijs quæ re ipsa falsa sunt, & contra sensum aut opinionem humanam, consuevit S. Scriptura aut similitudines sumere, aut quouis alio modo docere. Quare errant boni isti Mathematici, cū ex prædicta doctrina sua, subsumunt, *Non esse mirum si S. Scriptura sensibus loquatur humanis, siue scitibus hominibus, siue ignaris, tunc, cū rerum veritas à sensibus discrepat.* Quo pacto autem Moyses, ex apparentibus locutus sit ad populum rudem, infra Capite ultimo patebit.

Rursum, cū suam doctrinam ex eo confirmant, *quòd nemo nesciat Poëticam esse allusionem, Psal. 18. ubi sub Imagine Solis, cursus Euangelij, & Christi in mundo exultantis peregrinatio decantatur:* non distinguunt inter sensus mysticos, & literales, in quibus illi fundantur: Et nisi literales veri sint, mystici non rectè significantur. Cū verò subsumunt *priorem apud Hebraeos fuisse Poësim*, ad parerga dilabuntur, nec iccirco cōficiunt impropriè locutos esse in literæ veritate, aut Moysen, aut Dauidem, aut Salomonē, aut quemuis alium Scriptorem Canonicum; quemadmodū locuti sunt Musæus, Linus, Orpheus, Hesiodus, Homerus, ceterique profani, quos ipsi ut Diuinos colunt. Denique cū addunt, hunc Scripturæ locum expressum imitatione Virgiliana, *Tithone croceum linquens aurora cubile*, more suo Theologizant.

TERTIO. Cū ponunt, *non egredi Solem ex Horizonte tanquam è Tabernaculo, etsi sic oculis appareat, idq; sciuisse Psalten,*
qui

qui tamen mouere Solem existimabat, propterea quia oculis ita apparet: non intelligunt se imponere Psalti & Scripturæ, quasi ea, literæ sensum in falso & apparenti fundare velit: neque enim ex oculorum deceptione, aut imaginaria comprehensione, sumi potuit aut debuit idonea secretiori Spiritus sancti instituto Veritas, ut quod reuera, falsum esset, & tantum in specie apparens, nec in literæ veritate contra morem Scripturæ fundatum, inde Euangelij, adeòq; filij Dei cursus in terris abumbraretur. Quod porro addit, Dauidem suo intento potitum, magnificentia nimirum Dei patefacta, quæ effecit, ut id ita oculis representaretur: iterum paralogizant, non intelligentes Dauidem non suo, sed Spiritus sancti intento seruijsse, cum ipse fortasse nesciret, quid mysterij in litera à se prolata contineretur; neque enim necesse est, ut quæ instinctu & motione diuina proferunt, ea, Prophetæ aut in se videant, aut in symbolis suis reipsa cognoscant. Eòdem recidit, quod de Iosua iubente Solem stare in Medio Cali imaginantur, non animaduertentes, Deum authorem falsi imprudenter argui, cum veritatem Fidei, in re apparente, & mysticum sensum per visibilia fictæ & falsò apparentia, ipsum fundasse velint.

Q V A R T O. Cum hanc interpretationem, quam aliqui ex Copernicana Hypothesi tanquam absurdam adstruunt, *Sol stetit*, id est, *Terra stetit*, dicunt esse eorum qui non perpendunt, *solam esse verborum contrarietatem intra limites Optices & Astronomiæ, nec extrorsum in usum hominum se efferre*: ipsi non perpendunt, quam sibi & veræ Philosophiæ contradicant. Si enim Terram stare, & Solem ferri iuxta sensum hominum, & secundum apparentiam tantum, volunt; certè iam hæc contrarietas extrorsum se efferre, & in usu hominum versari debet, præsertim si præter Philosophiam communem, contingat, ut deceptio sensus particularis circa sensile cõmune quale est motus, nec à proprio sensu (non variatè puta obiecto) nec denique à ratione possit corrigi, nisi multa absurda concipiat intellectus, quorum formæ nunquam in sensu præcesserunt: quemadmodum contingit in præsentì euentu. Ut enim quis Solem stare, ratione deducat, Terram moueri concipiat necesse est, omniaq; ea monstra intellectu formare, quæ authores huiuscemodi motus, necessariò fingenda, & tanquam vera accipienda putant, *Calum nimirum stare; sydera Firmamenti, à reliquis Astris penè immenso spatio remota esse; Grauiam non tendere ad Centrum Vniuersi, nec sursum proiecta descendere ad perpendicularum, sed cum aëre raptato circumferri, & sexcenta id genus alia.*

Deindè si Sol moueri videtur, quia Terra verè mouetur, ut hæc

vnica sit causa in radice, motus Solis apparentis; nulla est contrarietas intra limites Opticæ, nisi etiam sit intra fines Naturæ, & verè dicetur *Sol stetisse*, id est, *Terra stetisse*, vel si illatiuè & simpliciter reciprocando id efferatur, quemadmodum liquet ex Hypotheticis causalibus, *Sol est, dies est*, & id genus, eodem modo siue interpretaui, siue causaliter & inferendo, atque etiam per simplicem conuersionem prolatis; & alioqui nulla vnquam erit conuenientia Physicæ cum Opticæ, quod nemo rectè dixerit.

Ceteràm si motus Solis apparens, in motum Terræ verum referatur, consequens est, vt tum Terra stante, Sol quoque minimè moueri sit visus, sed verè stare deprehensus, & vicissim ex Statione Solis, velut à signo, Terræ quoque Statio explorata, idq; vel ratione, vel sensu, vel vtrisque. Si ratione, nonnisi propter eandem vbique parallaxim respectu Solis fixi, quæ, quia Terra etiam antea mota, & Sole ex Hypothesi verè stante semper similis, velle eadem fuit, tunc quoque cum Terra stetit, moueri à ratione iudicari debuit, quod implicat in terminis: Vel si similitudo parallaxis refunditur in apparentem antea Solis motum, in hoc etiam euentu, cum eadem omnino sit, Solis quoque motus apparens, ad sensum innariatus manebit, proinde cum Terra etiam stante, Sol moueri apparenter videatur, huius motus apparentis physicam causam aliam esse oportet, quam Terræ motum, atque adeò ruit tota Philosophia & Astronomia Copernicana: Et alioqui si Terræ latio, vnica est causa motus Solis ad sensum, ea stante, cum nihilominus eadem sint parallaxes, sequitur in dicto euentu & stetisse Terram, & vnà motam fuisse, vt his positis Sol etiam moueri videretur & nihilominus verè staret.

Iam si sensu deprehensa est Terra stare, nulla est ratio cur prius quoque minimè deprehensa sit eodem modo sensu moueri, quod tamen ex aduersa sententia subsistere non potest, hoc ipso, quod vt auctores sui volunt, Terra apparenter & ad sensum stare indicetur. Quid enim causæ sit, cur ex apparenti Statione cum Vero motu Terræ coniuncto, deprehendatur motus Solis apparens, non tamen contra ex apparenti motu & vera Statione Solis vt ipsi dicunt, deprehendatur motus Terræ apparens, assignari non potest, Nam quod prætendunt, *Solem apparenter moueri non Terram*, quia cum *Sol paruus appareat, Terra verò magna, neque Solis motus comprehendatur visu ob tarditatem apparentem, sed solum ratiocinatione, ob mutatam post tempus aliquam propinquitatem ad montes*, difficultatem non exhaurit. Et si enim montes nulli essent, adhuc motus Solis deprehenderetur post intervalla magis & magis producta à punctis fixis,

sive veris sive imaginarijs, non utique ob motum Terræ, idem enim eveniret quamvis Terra in Medio posita non esset, & Centri vicem, vel punctum imaginarium, vel oculus dictum motum observans obtineret. Proinde simile quid afferendum esset de motu Terræ, respectu alicuius fixi deprehenso, quod cum fieri nequeat absque imaginaria, & falsa Solis Statione, tota hæc Philosophia falsa & imaginaria sit, adeoque nec Opticæ nec Physicæ conveniens, necessè est.

Denique si Terræ Statio in dicto euentu tam ratione, quam sensu servata est; non id utique ex eo, quod Solem stare utroque modo sic deprehensum, alioqui & antea ex motu Solis apparente, motus Terræ verus fuisset animadversus, aut certè ex Statione Solis vera, Statio Terræ apparens. Sicut enim se habet Statio Solis apparens ad motum eiusdem apparentem, respectu sensus & rationis; ita se habet Statio Terræ vera ad motum eiusdem verum; Vnde à commutata, proportionè, ex Statione Solis apparente, motus Terræ verus, & ex motu Solis apparente, Statio Terræ vera deprehendi deberet. Vel si eatenus servanda est homologa proportio, ut ex Statione Solis vera, inferatur Statio Terræ apparens, quæ cum vero motu iungi potest, in eo euentu verè Terra non stetit nisi apparenter, physicè autem mota fuit; contra verò Sol reipsa stetit, à vero scilicet motu cessare iussus. quæ omnia cum nimium perturbent, immò evertant Copernicanam Philosophiam, satius est dicere, Terram in eo euentu, quemadmodum semper antea fixam stetisse, nullo habito respectu ad motum seu Stationem Solis, totumque illud miraculi in Sole tam reipsa, quam apparenter contigisse.

Sed hoc argumentum infra etiam recurret. Quod de cetero huc spectat. In usu putationis Copernicæ, quæ modo supra dicto permittitur, si minimè obnoxij esse velimus, ita operabimur, ut semper veritas opposita illis principijs, ex quibus ipsa putatio deducitur, mente firmiter retineatur; ut de iisdem nihil demonstratum haberi, censeatur, neque enim vlla est demonstratio contra Verum, præsertim Fide contentum; sed rationes duntaxat calculares hypotheticè tantum ducantur veræ ex vi consequentiæ, non consequentis respectu positionum. Vbi tamen diligenter cauendum ne ex vno genere fiat transitus in aliud, ex deductione videlicet calculi, argumentum ad principia seu positiones tanquam veras. Ob quam etiam causam minus rectè Reipublicæ consulunt, qui præcepta huc spectantia, & indoctis Scholis vsurpanda, lingua vulgari edunt, & passim ad omnium malè feriatorum notitiâ dimanare volunt, ut hinc occasionem ex vno in aliud præcipitandi offendant. Sanè eiusmodi versiones, & genus

tradendæ cognitionis si omnibus disciplinis grauioribus noxia sunt, cum maxime illis, quæ circa Fidei doctrinam magis reconditam versantur.

Denique ita erit faciendum, vt quod attinet ad principia physica dictæ putationis, semper veritas contraria vbi opus est, signatè, aut supponatur, aut stabiatur, illudq; Augustini de libro Genesis dictum, *Lib. 2. de Genes. Ad Lit. cap. 5.* semper in mente versetur, *Maiores est Scriptura huius, dicam ego pro re præsentis, maior est Fidei, auctoritas, quam omnis humani ingenij capacitas.*

Sed etiam in Concil. Later. iub Leone X. Sess. 8. In simili districtè præcipitur, vt Magistri Philosophiæ, principia aut conclusiones Philosophorû à recta fide deuiantes, teneantur manifesta religionis Christianæ Veritate castigare, & Argumenta Philosophorum dissoluere. Verba Decreti sunt. *Omniibus & singulis Philosophis in Vniuersitatibus studiorum Generalium, & alibi publicè legentibus, districtè præcipiendo mandamus, p̄t cum Philosophie principia aut conclusiones, in quibus à recta fide deuiare noscuntur, auditoribus suis legerint aut explanauerint, quale hoc est de anima mortalitate aut unitate, aut Mundi æternitate, aut alia huiusmodi, teneantur eisdem Veritatem religionis Christianæ omni conatu manifestam facere, & persuadendo pro posse docere, ac omni studio huiusmodi Philosophorum argumenta, cum omnia solubilia existant, pro viribus excludere atque resolvere.* Hac ibi.

In quibus aduerto, post exempla allata, quæ in specie damnantur tanquam assertiones Veritati illuminate fidei contraria, & omnino falsa: cum generalis fiat extensio Ad alia huiusmodi, huc reuocari posse hanc de Terræ motu, & Statione Solis assertionem, siue quatenus cum Mundi, & motus æternitate inuoluitur, siue quatenus simpliciter ex principiis Fidei illuminate Veritati contrariis (quod nos hactenus ostendere conati sumus) deducitur: vt hoc propter, eadem cum ceteris propositionibus sententia perstringi, ac damnari videatur. In materia enim extensionis, satis est quod militet eadem ratio decisionis, licet etiam aliquo respectu minor sit ratio in casu ad quem fit extensio, vt colligitur ex *Cap. Translato, extra de Constit.* Et declarat Panor. ibid. Proinde omnes huiusmodi erroris assertionibus inhaerentes, tanquam Christianam fidem labefactantes, vt cetera quæ in dicto Decreto adduntur prætereamus, vitandi & puniendi decernuntur.

Addo etiam, permitti in eo Decreto similium principiorum explanationem, addita nempe Veritatis religionis Christianæ manifesta-

tionem, solutisq; Argumentis contrariis; quia nunquam Philosophiæ præcepta commodè traduntur, nisi quam gentilis superstitio docuit, collata cum Fidei Veritate falsitas destruat. Eò maximè, quòd cum Aristotelis Philosophia in Scholas introducta sit, vix quæ bene ipse dixit, rectius explicantur, quàm refutando ea, in quibus male sentit. Quæ ratio cum in præsentis Argumento de Terræ motu, & Solis Statione non militet; neque enim vnquam aut in Scholis recepta fuere Pythagorica huiuscemodi somnia, aut aliquid momenti attulere ad rem Religionis: iccirco in putatiue Copernicana Philosophiæ Pythagoricæ nixa, non vtique docenda sunt, aut in Scholis explananda, eius physica principia, vt inde disputandi occasio arripiatur; sed vbi res tulerit, contraria veritate firmiter stabilita, aut simpliciter reijcienda sunt, aut ostensa eorum fallitate, sine ex principiis Physicis, sine etiam Theologicis, penitus proscribenda.

Atque hac ratione, si videlicet vt dicebamus, physicis principiis putationis Copernicanæ reiectis & disiectis, Veritas contraria signatè aut supponatur aut stabiliatur, omnis occasio errandi præcluditur, & ne aliqui tales euadamus in Mathematicis, quales Pyrrhonij in Philosophicis, de omnibus dubitantes, nihil vnquam decernentes; aut certè systematibus contra principia Fidei astruendis, in simili, Protagoræ Abderiti faueamus, vt de Mundo neque quomodo sit, neque quomodo non sit dicere habeamus; aut denique cum Diagora, & Theodoro Atheis, circa Vniuersi constitutionem, Dei conditoris sapientiam accusemus, & quoddammodo Deum e medio tollamus.

Quare quod Christiani Philosophi, & Sanctiores Theologi in re sua præstiterunt, id Mathematicis quoque pijs, in Argumento suo, exemplo esse debet. Sane S. Thomas cum quaesisset *1. part. quest. 2. art. 3.* An Deus sit, nonnullisq; rationibus in specie probare conatus fuisset Deum non esse, eadem seclusa etiam Fide, pluribus ostendit Deum esse; Et *Art. 2.* id ipsum demonstrari posse per effectus docuit: eundemque tenuit modum vbicunque de Questionibus ad fidem, & morum doctrinam spectantibus disputationem instituit; exemplo videlicet à principio Ecclesiæ usitato à Sanctis Patribus, quoties contra Gentiles aut Hæreticos disputatio incidisset; Nec alius hodie seruatur modus in Sapientum Scholis & Academijs, contra quem dubio procul in re sua faciunt, qui motum Terræ, Solisq; in Centro Stationem, contraria veritate neglecta, immo impugnata, absolute affirmantes paralogizant, nec ad veritatem penitus inquirendam & stabilendam, animum aduertunt.

Soluntur Argumenta pro Terræ motu militantia.

CAPVT DECIMVM TERTIVM.

AGIMVS tantum de Argumentis quatenus ad S. Scripturam spectant, quæ quidem pauci attingunt, ne sine religione sua placita videantur asserere; quamquam ad mentem suam, Sacris locis quæ pro se laudant, perperam ferè abutantur. Alij plerunque loca Scripturæ dissimulant, siue opposita sibi veritate pressi; siue insuper habentes, quod ad rem suam facere non arbitrantur; siue denique suis paralogismis, quàm Scripturæ plus adhærescentes, Cæterum primi hæc ferè obijciunt.

PRIMVM ARGVMENTVM.

PRIMO. *Præcipuà loca Scripturæ quæ referuntur pro quiete, stabilitate, aut firmitate Terræ, siue Orbis Terrarum, rectè intelliguntur de situ & ordine, quem Terra seruat in motu firmum & perpetuum, ad definitum Tempus; Et sicut Cælum dicitur Firmamentum, quia quamuis moueatur seruat eandem firmitatem, & constantiam in motu; ita Terra licet circumferatur, eundem retinet situm respectu sui, & eundem ordinem respectu motus. Illud Ecclesiastis 1. Terra in æternum stat, intelligitur de statu contra interitum, quatenus principaliter opponitur homini, qui Job. 14. nunquam in eodem statu permanet. Quod verò ibidem dicitur de Ortus & Occasu Solis, intelligendum est, quoad sensum & apparentiam, quo pacto S. Thomas 1. part. quæst. 70. art. 1. ad 3. dicit Moysen loqui de his secundum quod sensibilibus apparent; denique non una est huius loci explicatio, diuersa ab intento sequacium Ptolemæi & Aristotelis, de Terræ quiete, & vero Solis motu. Adde non unam esse apud Authores, huius Ortus & Occasus explanationem. Et inter alios S. Augustinus interpretatur de ortu, & occubitu Solis, quatenus post mōtes Aquilonares se occultat & iterum emergit, absque ulla subitus hemisphærium Terræ circumuolutione. Ergo, &c.*

RESPONDEO. Negando, antecedens de situ & ordine Terræ respectu motus: concedo de ordine, & situ absolute, in quo sensu iam inuoluitur positio inuariabilis virtute naturali, in medio Vniuersi, vt alibi diximus ad mentem S Thom. *Opusc.* 10. *art.* 16. atque adeò inuoluitur stabilitas, & firmitas absque motu, quæ innuitur passim in Scriptura. *Ad probationem.* Dico, non esse eandem rationem firmitatis Cæli & Terræ, Cælum enim etsi moueatur, non variat ordinem Vniuersi: sicut variaret Terra, præsertim existens inter Planetas, Sole in medio constituto: quamquam si moueretur circulariter in loco suo, non sequeretur talis variatio, sed aliunde fieret motus contra naturam, quatenus id accepit in Creatione, vt naturaliter quiescendo in medio, finem suum assequeretur.

Ad 1. Eccl. **RESPONDEO.** Illum locum non eo tantum sensu accipi in Scriptura, quemadmodum fusè stendimus supra *Cap.* 5. 6. & 7.

Ad alterum locum de Ortus & Occasu Solis. **RESPONDEO PRIMO.** Potius dicendum fore Solem, & Stellas stare secundum apparentiam, iuxta ea quæ diximus *Cap.* 9. ex S. *August.* & *Gregor. Nazianzeno*; tum quia nonnisi per spatia temporum percipiuntur puncta recessus & accessus ad Cardines, quæ cum tardius aduertantur in Stellis, planè fixæ videntur in Firmamento, quod iccirco nomen Aplanes à Græcis sortitum est. Idem accidit in Terra constitutis, obiecta enim, longè à visu diffusa, quamuis moueantur, ob eandem causam, & ob angulorum restrictionem stare videbuntur, donec in debita distantia constituentur.

RESPONDEO SECVNDO. Si Sol mouetur quoad sensum, Terra verò non mouetur quoad sensum, hoc ipsum satis Argumenti est ad probandam Terræ Stationem fixam: sensus enim non indicat Solem moueri, nisi quia percipit puncta recessus ab vno, & accessus ad aliud; quæ quia respectu Terræ non percipit, semper enim eadem seruatur longitudo & latitudo, immò eadem inuariatio quoad polos, rectè indicat Terram stare, & Solem moueri.

RESPONDEO TERTIO. Negando Ortum, & Occasum Solis excusari posse quoad sensum & apparentiam, quasi non ita se habeat in re veritate. Et alioqui in dubium vocabuntur plurima in S. Scriptura, vt iam miracula à Moyse coram Pharaone patrata, præstigia, & ludificationes dici queant, non miracula; idemque dici possit in plerisque alijs, tum in deserto tum alibi actis, quæ nefas est dicere secundum apparentiam tantum contigisse. Et profectò mirum sit Vniuersos penè Sanctos Patres, Solis motum cognouisse, neque tamen vlli venisse in mentē de apparentia quoad solum, vt authores sui somniar.

QVOD

QVOD ex S. Thoma obijcitur , Moysen loqui de his secundum, quod sensibilibiter apparent , retorquetur . Quærit enim S. Thom. 60 art. Vtrum Luminaria debuerint produci quarta die; & ad Argumentum Tertium quo vrgebatur produci debuisse secunda die, cum Firmamento cui infixæ erant; responderet: *Secundum Ptolemaum Luminaria non esse fixa in Sphæris, sed habere motum seorsum à motu sphaerarum; secundum Aristotelem verò esse fixa in Orbibus, & non moueri nisi motu Orbium; secundum rei veritatem tamen, motus Luminarium sensu percipitur, non autem motus sphaerarum, Moyses autem rudi populo descendens secutus est, quæ sensibilibiter apparent.* Hæc S. Thomas quasi dicat, Moysen non narrasse productionem Luminarium secunda die, cum Firmamento, in quo sunt fixa, sicut narrauit productionem plantarum cum formatione Terræ, cui sunt infixæ, quia rudis populus non percepisset distinctionem naturæ secunda die factam, sicut sensus percipit distinctionem ornatus quarta die factam, in qua Sol manifestè percipiebatur sensu moueri, quamuis non discerneretur moueri Firmamentum . Ex his verò manifestè sequitur, & verum motum Luminarium percipi sensu, & hoc secutum esse Moysen quod maximè sensu percipiebatur, tacuisse verò motum Firmamenti quem rudis populus, seorsim non discernebant, siue demum sidera, essent infixæ, siue secus. Aliam ibidem affert responsionem S. Thomas, sed hæc sufficit in re nostra.

Aduerto verò, quod plerunque à Sanctis Patribus Moyses secundum sensum, & capacitatem rudis populi locutus esse dicatur in Genesi; id non ita esse accipiendum, quasi quæ diceret de sensibilibus, apparentiam tantum haberent, & non veritatem, sed quia multa reticuit vera, quæ à populi sensu remota erant, & quibus auditis nec intellectis, facile in errorem induci potuissent, vt proinde non liceat inferre, ipsum locutum esse de ijs, non vt veris respectu intellectus & naturæ, sed vt apparentibus ad sensum.

Itaque iuxta S. Chrysostomum *Homil. 2. in Genes.* omisit expressè tractare de Creaturis Spiritualibus, ne rudis populus qui nihil nisi corporalia poterat capere, ad cultum velut Deorum abduceretur: Implicitè tamen secundum Augustinum *Lib. 11. de Ciuit. cap. 9. & 33.* illis verbis, *In principio Deus creauit aliam & Terram*, vocabulo *Cali* eas insinuauit. Cum item dixisset, *Diuisit aquas ab aquis* Aquæ & Terræ expressè meminit, Aëra non nominauit, non quia reuera non esset Aër, sed ne rudibus aliquid ignotum, præter illa, quæ manifestè sensui apparent, proponeret; nihilominus cum dixit *Tenebrae erant super faciem abyssi*, Aërem ipsum quasi aquæ annexum intelligen-

gentibus significauit, esse nimirum aliquod corpus diaphanum super faciem aquæ, quod esset subiectum lucis & tenebrarum. Præterea, (vt vidimus) præmisit productionem plantarum Luminaribus ad excludendam, vt inquit *Basil. Homil. 5. Hexam. Idololatriam; Qui enim credunt Luminaria esse Deos, dicunt primordiale Originem plantas habere à Luminaribus.*

Denique loquens de Cælis, & Syderibus, non expressit motum, eorum, ne seipsis moueri, atque adeò anima prædita putarentur; sed nec alium finem eorum exposuit, nisi qui vtilitatem populi spectaret, *Ne fortè, quod prohibetur Deut. 4. Eleuatis oculis ad Cælum, videntes Solem & Lunam, & omnia astra, & errore decepti adorarent ea & colerent, quæ creauit Dominus Deus eorum in ministerium cunctis gentibus, quæ sub Cælo sunt*, quemadmodum post Gentiles, de quibus sermo est *Sapient. 19.* etiam in Christianis seculis nonnullas sectas is error occupauit, Manichæos nimirum & Marcionitas, apud Constantin. Hermanopulum *In lib. de Opinionib. Heret.* vt Lunam, & sydera cæu Deos adorari iuberent. Ministerium porro in quod Deus ea creauit, Moyses explicauit per tria, *Vt luceant in Firmamento, & illuminent Terram; Vt sint in Tempora & dies & annos; Vt denique sint in signa:* Quæ tamen quomodò fierent, tum ipse non apertè explicauit, sed alijs explicanda reliquit; ea verò explicauit *Ecclesiastes Cap. 1.* per varios Luminarium motus, accessus & recessus, omnia fieri significans; eademq; diuersis alijs S. Scripturæ locis subindè sunt declarata, ex quibus deindè pleriq; Christiani Philosophi desumpserunt.

Atque ex his patet Moysen, nunquam ita ad sensum populi locutum esse, vt sensus non fundaretur in vero, etsi non omnia perciperet: nec præterea ita reticuisse vera, sed subtiliora, vt non aliqua ratione pro capacioribus insinueret, vel alio loco, & tempore explicanda relinqueret. Vide de his S. Thom. 1. part. *Quæst. 67. Art. 4.* Et *Quæst. 68. Art. 3.* Et *Quæst. 69. Art. 2. ad 3.* Et *Quæst. 70. Art. 1. ad 4.*

QVOD denique vltimò addebatur, non vnâ esse, dicti *Eccles. 1.* de Ortu, & Occasu Solis diuersam explanationem: facile admittimus, præsertim si admittatur etiam Epicuri apud *Cleom. Lib. 2.* sententia, *Solem nimirum mori & rursus renasci*, vt hîc etiam, ad sensum populi rudis dictum putes ridiculè, Oriri Solem & Occidere; Vel si cum Poëtisingas, Solem caput immergere in Mare Oceanum, apud *S. August. Lib. 1. de Gen. ad Lit. cap. 10.* Et *Strabon. Lib. 1.* Nos tamen non fabulis intendimus, sed qui sit sacer, & verus sensus Literalis ostendimus *Cap. 8. & 9.* Quod S. Augustinus alicubi non velit gyrare Solem

Solem sub Terra, sed à latere Terræ Aquilonaris obiectu montium, abscondi: locus non occurrit, nec ad rem facit; Scio tamen ex ijs quæ habet, *Lib. de Gen. ad Lit. imperf. cap. 12. & 13. Et Lib. 2. de Gen. ad Lit. cap. 13. & 14.* longè aliter deduci, quàm vt nolit sub Terra circumuolui. Immò verò *Lib. 1. de Gen. ad Lit. cap. 10.* planè contrarium haberi constat, quamquam fortasse ex eo loco, inconsiderantia quadam, alij secus sint opinati. Nec obstat interpretatio S. Thomæ *Opus. 10. art. 10. Et Opus. 11. art. 6.* de Spiritu Angelico mouente Solem: neque enim iccirco non mouebitur in Circulum, vt dici possit Oriri & Occidere, & reuerti in locum suum, & vno verbo, moueri, quod hic pro instituto satis est.

SECUNDVM ARGVMENTVM.

CÆLVM sydereum dicitur Firmamentum, nonnisi quia stat & est immotum, ergò verè Terra mouetur. Antecedens patet. Ex *Epist. Ad Hebr. 8.* ubi nomine Tabernaculi quod fixit Deus, intelligitur Cælum. Et *Cap. 12.* dicitur regnum immobile. Idem sentit Chrysost. tum alibi, tum *Hom. 6. & 13. Ad Pop.* Et S. Augustinus *In 2. de Gen. Ad Lit. cap. 10.* id affirmat à Mathematicis sui Temporis demonstratum. Consequentia probatur. Quia alioqui nullo modo possent saluari phenomena, quæ continuo experimur, vt de se manifestum est. Ex quo ulterius consequitur, in miraculosis illis euentibus, *Iosue 10.* cum dicitur Sol stetit in Medio Celi. Et *Isaiæ 38.* Sol reuersus esse in signum sanitatis Ezechig, verè Terram stetit, & retrocessisse, in eaque contigisse miracula non in Sole, quamuis Scriptura ea exprimat in Sole propter sensum nostrum. Sed neque cum dicitur *Esdra lib. 3. cap. 4.* Magna est Terra, & excelsum est Cælum, & velox cursus Solis, conuertit in gyro Cælum in locum suum vna die: intelligendum est de vero motu Solis per Cardines Celi: sed vel de motu apparenti, vel quòd lumine suo cõuertat Planetas absque motu spherarum, cum istæ sint fixæ, aut potius, aëra & vaporem, qui circa Planetas circuitum vaporosum efficiant; vel denique de motu circumgyrationis in seipsum in loco suo, vt hoc modo etiam reipsa verificetur velox cursus Solis. Ergò, &c.

RESPONDEO. Negando antecedens. Nam vt docet S. Aug. Lib. 2. de Gen. ad Lit. cap. 10. Nomen Firmamenti, non cogit vt stare Cælum putemus. dictum enim est Cælum Firmamentum, non propter stationem, sed propter firmitatem, aut propter intransgressibilem Terminum superiorum, & inferiorum aquarum; qualescunque tandem sint huiusmodi aquæ, iuxta varias Sanctorum Patrum sententias.

Ad probationem antecedentis. Respondeo S. Paulum priori loco nomen Tabernaculi sumere figuratè, sicut & S. Augustinus Cælum non semel nomine Camera expressit, Verbum *fixit*, indicat tantum firmitatem termini inter aquas interiecti, aut etiam inuariabilem ordinem respectu finis, tam ratione totius Cæli, quam partium in eo contentarum, siue demum Cælum sit Solidum siue liquidum, quod huc parum facit. In posteriori loco vocat Paulus Cælum, *regnum immobile*, hoc est permanens, & nunquam mutabile ratione status beatitudinis, comparatiuè cum mundo & statu Viatorum, in quo non habemus permanentem Ciuitatem, sed futuram inquirimus.

S. Chrysostomus eius quidem fuit opinionis, vt Cælum secundum se immotum putaret, stellas tamen cum reliquis syderibus quotidie circumuolui asseruit; quod quidem satis est, ne in eius sententiâ Terra moueri dicatur; licebit enim ita retorquere Argumentum. Stellæ & sydera quotidie circumuoluuntur, ergò Terra non mouetur, sed quiescit, oportet enim aliquid esse immotum, circa quod ipsa moueantur, nec præter Terram potest aliquid assignari.

S. Augustinus loco citato, non affirmat Stationem Firmamenti à Mathematicis sui Temporis fuisse demonstratam, sed loquitur ex hypothese: postquàm enim dixisset Firmamentum nō propter Stationē, sed propter firmitatem, &c. dicit: subdit, *nec si veritas Cælū stare persuasuerit, impediri nos circuitu syderum ne hoc intelligere possimus, & ab ipsis quippè, qui hoc curiosissimè quæsierunt, inuentum est, etiam Cælo non moto si sola sydera verterentur, fieri potuisse omnia, quæ in ipsis syderum conuersionibus animaduersa atque comprehensa sunt.* Hæc Augustinus, quæ longè diuersa sunt ab intento argumenti. Ceterum curiosissimi isti non quæsierunt, vtrum & Cælo stellato, & syderibus omnibus immotis, sola duntaxat Terra circumlata, euentura essent ea omnia, quæ de facto euenire experimur, vel fortasse cum Pythagoræis quæsierunt, & nonprehenderunt.

Hinc verò vterius ex mente S. Augustini satis liquet, cōcesso etiam Antecedente falsam esse consequentiam, Non posse, videlicet, saluari Phænomena, nisi Firmamento immoto Terra moueatur. Quippè Cælo non moto, si sola sydera periodis suis perfungantur, perinde est

est ad rationem Phænomenum , iuxta putationes id temporis Mathematicorum : quamquam vtrisque etiam motis , eadem planè lege , omnia euenire hodièq; sit exploratum . Quinimò contra , si Cælo & Syderibus immotis Terra sola circumuoluatur , plurima quæ modò ratis , ac statis momentis visuntur , necesse est minimè videri ; Vel si Cælum in directum extensum , iuxta quorundam antiquorum opinionem , & non conuexum existimemus , vt Phænomena ex aduerso quis tueatur , siue rectos angulos communis radius , siue obliquos cum connectente centra visuum efficiat . Nam si Cælum sphericum , (sicut est) ponamus , nisi Terram multiуго motu trepidationis , versus omnes Cardines ferri , aut extra Eclipticam latè inter Tropicos quosdam hinc inde vagari , & in suum circulum , aut spiram redire fingamus ; Phænomena quàm plurima quæ hodie cernuntur , occultentur necesse est . Quæ omnia vel minimum consideranti aperta sunt , si tamen considerando , tot diuersorum motuum species non exhorreat , etsi aliqui monstrosum Terræ motum admittat .

Quod dicitur in prodigiosis illis euentis , temporibus Iosua & Ezechia , in Terræ Statione , & regressu miraculum contigisse , veritate caret . Nam secus in priori euentu , quod attinet ad miraculum Iosua , non rectè diceretur in Scriptura . *Et Luna contra vallem Aialon* , puta ne mouearis : Cum enim Luna in paruo Orbe , simili motu feratur , ac Terra in Magno iuxta authores suos , ab Occasu in Ortum secundum successionem , Terra stante non magis dici poterat , ne mouearis contra Aialon , quæ erat Occidentalis respectu Gabaon , quàm ne mouearis contra Gabaon , cum interea ordine & motu proprio , dicto modo volueretur , & ne accessu suo ad Solem , vel diem pugnae adimeret si in nodo foret , vel extra nodum , Heliacè præter ordinem occumberet , præuertendum erat ; alioqui vana erat iussio , vt cursum filiteret : idq; multò magis , si cum alijs dicamus Lunam fuisse Orientaliorem , atque adeò vel plenam , vel proximam plenitudini circa initia Tertijs Mensis ; in quo statu , quia non tam aduersum venit Soli , quàm ab eo suo motu sensim recessit , nulla ratio erat cur sistere , nec moueri contra Aialon , si hæc etiam Orientalior fuit , iuberetur .

Quòd si Lunam quoq; fixam natura velint , & tantum Terræ motum inhibicum pro tempore , præter quàm quòd situs omnis respectiuis & ordo syderum tollitur , admirabilis inducitur confusio in modo loquendi Scripturæ , nullis regulis aut sensu figurato explicabilis , sed contraria planè ratione , vt cum dicit Solem moueri vel Lunam , hæc verè itare credamus , Terram verò moueri contra sensum nobis persuadeamus ; Et rursus cum iubeat Solem vel Lunam non moueri ,

Terram duntaxat, ipsis natura immotis, cursum continere intelligamus. Quibus adde, non fuisse futurum minus miraculum si Terra steterisset, immò ea ex parte maius, quòd moles adeò grandis, & sensibilis, voce hominis ligata riguisset; Verùm hoc ipsum miraculum, constare debuisset ijs, propter quos factum erat, ad Deum magis glorificandum; qui autem id fieri poterat, apud quos nulla de Terra motu sensibilis suadebat experientia, quin potiùs contrarium ceù exploratum habebant, ut iccirco risui potiùs proficeret tale miraculum, quàm Dei glorificationi; iussisse videlicet Terram stare, natura quiescentem, nec sensu magis quàm ratione immotam, & miraculum, edidisse populis non aduertentibus, quod necessariò percipere debuissent: nisi iam dicamus vniuersis propositum fuisse & explicatum systema Pythagoricum, idq; breui post Moylen intervallo, cui Iosue successit, qui nihilominus exemplo Moyfis, rudi populo miraculum in Sole & Luna factum, ad sensum prædicaret; fortè quia fieri non poterat, ut in Terra sentirent. Nugæ.

Veruntamen id Authores sui confirmant ex illo Virgilij, *Prouehimur portu Terraq; Vrbesq; recedunt. Sicut enim nauigantes motum naus minimè percipiunt, sed littora, Terras & Vrbes, etsi aliqui fixas moueri arbitrantur; ita Terram moueri, etsi quàm citatissimè feratur non sentiunt, iccirco Solem, Lunam & sydera, aliqui immota, circumuolui existimant.* Sic isti. Sed est argumentum perfrivolum, & quod còmodiùs ex ludo vertiginis petatur (vulgò ad Æneam mulcam dicunt) in quo circumactis in eodem situ, nec loco motis pueris, vniuersa iuxta motionem spirituum susque deque ferri videntur. In re præsentì experientia constat, nauigantes nisi obtutum in nauim qua vehuntur immotum defigant, re ipsa sentire progressum suum ad motum naus, & obiecta corpora post se sensim, & longo tractu relinquere, tanquam si & ipsa vero motu moueantur; id quod ex visu organì motione contingit videri, ob quam præteruehentium oculi ad res post se relictas conuertuntur, quæ tamen verè stare cognoscuntur. Nihil horum experimur in Terra, quantumuis multiplici motu, & quidem velocissimè feratur, cum interea Planetas & reliqua sydera tametsi remotissima, moueri aut mota esse per se aduertimus, idq; varijs rationibus comprobamus; immò vel ex mutatione loci, vel quiescente etiam oculo, ex distinctis temporum intervallis ad sensum deprehendimus, nulla interim prorsus ex Terra habita sensili experientia, quæ tamen esse deberet quemadmodum in motu naus.

Addi potest ad motum naus, vel currus, non velocius videri ferri

corpora obiecta quàm ipsam nauim, aut currum, quæ alioqui si mouerentur, ex ratione Opticæ duplo velocius ferri putarentur: cum tamen interea velocissimè videamus ferri Luminaria, nulla habita experientia veri motus Terræ, nam imaginarius motus variatur ad lationem nauis, quæ si ad Occidentem pergat, ipsa videbitur pergere ad Ortum, si contra ad Orientem tendat nauis, Terra existimabitur ferri ad Occidentem, & sic de ceteris differentiis, quæ reipsa Terræ, etiam opinione authorum suorum conuenire nequeunt. Dixi velocissimè videri ferri Luminaria; nam propter magnitudinem nec adeò immensam distantiam, quemadmodum ceteris paribus ex axe optico attinguntur, ita oculis motum eorum spontè prosequentibus, moueri deprehenduntur, ad eum ferè modum, quo præterlabentes amnes, si attentius inspiciantur, fluctus quoque aspectû, & aciem intentam rapientes, decurrere percipiuntur. Ceterum si de Astris præsertim Firmamenti sit sermo, etsi velocissimo ciccantur motu, ob longissimum tamen interuallum, eòq; diminutos angulos visuos, quiescere potius quàm moueri videbuntur, nec nisi iuxta dicta, post tempus locum mutasse deprehenduntur, idque verum est etiam in obiectis medio aspectu, & communi radio ad Horizontem librato spectatis, neque solum si recta linea abscedant ab oculo, verum etiam quando illorum cursus directum radium transuersum secat.

IN posteriori euentu, quod spectat ad miraculum Ezechie factum, falsitas argumenti patet ex dictis supra *Cap. 8.* Quibus addo Regem Ezechiam non fuisse adeò rudem, vt de motu Terræ nihil scisset, ac proinde tam implicatis verbis miraculum ab Isaia flagitaret. Poterat quippè Isaia optionem danti, vno verbo proponere, Volo vt Terra retrocedat; poteratq; Isaia eodem sensu & facilitate dicere, *Et reuersa est Terra*, non verò, *Et reuersus est Sol*. Neque enim in palatio Regis, aut potius in toto Regno obscurum esse poterat Terram moueri, si ita fuisset, tot præsertim elapsi à Moysè seculis quibus non amplius ea ruditas populis inesset, vt duntaxat sensu apparentia, non etiam ratione probata perciperent. Quis enim dubitet Ecclesiastes de Terræ Statione, & Solis motu scripta reliquisset, eademq; ipsa experientia quotidiana, doctisq; rationibus, quemadmodum apparet ex propositione Isaie, facta comprobasse; proinde secundum veritatem de regressu Solis, non de retrocessione Terræ sermonem formauit, quo tamen nihil fuisset facilius, si reipsa constisset.

Huc accedit, quòd cum Scriptura, quæ sub Metaphoris & Tropis

tradit, pleraq; alijs in locis expresse & propriè significet, mirum admodum esse, nullibi in ea clarè significari Terræ motum, & Solis quietem, vnde maiora naturæ miracula ad Creatorem cognoscendum & glorificandum, suppetere queant, iuxta ea quæ multis dicuntur *Sapient.* 13. sed contrarium non vno loco aut indicari, aut manifestè contineri: neque enim semper rudes populi perseuerarunt, quibus nihil nisi pro capto sensuum proponeretur, præsertim cum id ad Deum in suis admirabilibus prædicandum referatur. Quis enim in Terra positus non dicat, maius esse miraculum Terram cum aqua circumferri, nec obrui cum omnibus super eam viuentibus, quam nunc Solem moueri, siue in liquido, siue in solido spatio, eòq; firmato, vt nequeat decidere? Quin verò hoc vno Argumento, periculum omne Idololatriæ procul fuisset à principio, si Solem & sydera motu carentia, adeòq; spiritui destituta, quamquam moueri viderentur populi cognouissent, explicata præsertim eius apparentiæ causa ex motu Terræ orta, ne tamdiu cum vario periculo ludificarentur. Nisi iam fortè dicamus, Scripturam vbique in contrario sensu accipiendam, vt cum dicit Terram stare, Solem moueri, hunc quiescere, illam ferri intelligamus.

Ceterum *omnia Elementa suum custodire sonum*, vt dicitur *Sapient.* *Cap.* 19. hoc est sui situs, ordinis, officij, seruare harmoniam, iuxta ea quæ ex Clemente Alexandr. supra *Cap.* 4. diximus, sicut in omnibus verum est seruata proportione, ita in Terra, etiam ratione suæ Stationis; vt huc etiam, & quidem præcipuè referri possit, quod eodem *Cap.* 19. subiungitur, *Vnde æstimari ex ipso visu certè potest*, hoc est sine alio discursu, vel à rudibus populis percipi, Terram stare, & nullo modo moueri: quod à contrario transferri potest ad Concentum Cæli, de quo *Iob Cap.* 38 *Concentum Cæli quis dormire faciet*, vt nempe Solem qui præcipua huius concentus pars, & velut Chorda Cælestis Organi habetur, continuò moueri, & nullo modo stare, æstimari ex ipso visu certò possit.

QVOD denique additur in Argumento ad explicationem loci Esdræ, ridiculum est. PRIMO enim si Sol quiescit æquè in omnes partes lumen & radios diffundens, nulla est ratio cur in vnam potius quam in alteram partem Planetas conuertat, atque in suis motibus dirigat, ipse interim priuatus omni motu. DEINDE eadem ratione, qua motus Planetarum in ipsam refunditur, refundi etiam debet motus Terræ, atque adeò motus Orbis Magni in quo Terra fertur, quod quàm cohærenter dicatur, viderint patroni. TERTIO, quod dicitur de aëre, & vapore circa Planetas, non subsistit: Aër enim

enim , & vapor , vel mouentur ad motum Planetarum à Sole , & redit prima difficultas ; vel à principio extrinseco distincto à Sole , & cum idem dici queat de Planetis siue ad motum Sphærarum , siue motu proprio seorsim , nihil motus recipiunt à Sole . Quod verò iterum , repetitur de motu apparenti , iam sæpè profligatum est .

Illud de motu circumgyrationis in se , intento non fauet . Is enim cum vniformis sit in vnâ partem , in eandem rapere secum debet Planetas , vt vna die in gyro suo ad eundem locum conuertantur : at quomodo motus Planetarum cieantur in aduersum , Sole in diuersum nitente , explicari vix potest , idq; præsertim in Luna in paruo Orbe circa Terram mota , (eademq; ratio videtur esse de satellitibus Iouis , in suis Orbibus circa Iouem .) Nam si in eo Orbe Luna circumuoluitur singulis diebus motu seorsim à Terra , singulis diebus contingent nouilunia & plenilunia ; vel si motu suo regulari pergit in præcedentia , remouendo se à Sole , nihil habet ab illa circumgyratione Solis quotidiana , nisi vt moueatur ad motum Magni Orbis vnâ cum Terra , quod illi quidem non admittent , qui Sphæras moueri negant : Alij verò admittere non audebunt , nisi prius de regulari , vel irregulari motu circumgyrationis determinent , quod an fecerint , ambigo .

Eadem verò difficultas est de motu Terræ proprio , quem habet annum circa Centrum proprium , motui diurno cōtrarium ; qui enim is fiat à circumgyratione Solis contraria , intelligi non potest . Dubitabit deindè quispiam , an cessante dicta circumgyratione , Planetæ quoque cum Terra ferientur à motu ; ita enim videtur asserendum , habita ratione causæ , à cuius actuali influxu dependent ij effectus : Proindè cum Iosue stare iussit Solem , de hac , à gyratione in seipsum , cessatione , intelligi potest in sensu literali , eritq; sensus Scripturæ , *Sol ne mouearis contra Gabaon* , id est , vt Septuaginta vertunt , *ad Occidentem* , sensus inquam erit *Sol ne mouearis ad Orientem* , qualis est motus circumgyrationis : Vel si Planetæ ad Stationem Solis , à motu duntaxat diurno cessarunt , pergentes interim motu suo annuo , falsò diceretur Terra quieuisse , & in ea , non in Sole factum miraculum , quando Terra non quieuit nisi apparenter .

QVARE sensus Verborum Elidræ , non est quem fingunt dicti Authores , quali Sol actiue conuertat Cælum , seu quod idem est Cælum aut Planetæ passiue conuertantur ad motum eius , aut etiam , actione virtutis eius : sed sensus est intransitiuus , vt idem significet , *conuertit* , atque *perambulat* . & *peragit in gyro suo* totum Cæli spatium , redeundo *in locum suum vna die* : loquitur verò de motu diurno ad exaggerandam velocitatem cursus ; & de loco ratione situs Orientalis ,

talis, quicquid sit de loco secundum idem punctum, si non tam sphaeram, quam spiram describat, quod parum refert ad præsens institutum. Hunc esse genuinum sensum eius dicti, patet inter alios ex Olympiodoro *In 1. Ecclesiasticis*, qui id ab Esdra ex Ecclesiaste desumptum insinuat, eo dubio procul sensu, quem iuxta dicta supra. Cap. 8. ipse intendit.

TERTIVM ARGVMENTVM.

SCRIPTURA non tantum loquitur Metaphoricè, & iuxta communem vulgi modum in plerisque locis, sed hoc præsertim facit in Mathematicis, dissimulando demonstratas & Theorematicas Veritates; ergò licet Terram stare, & Solem moveri dicat iuxta vulgi sensum, non inde sequitur, Physicè & Mathematicè ita se habere. Antecedens patet. Quia Genes. 1. Sol & Luna dicuntur Luminaria magna, scilicet quoad sensum, cum tamen longè minora sint stellis Firmamenti. Et Iosue 10. Dicitur Sol stetisse in Medio Cali, cum tamen staret versus Occasum. Et 3. Reg. 7. Maris enei diameter à labio usque ad labium, dicitur fuisse decem cubitorum, & rotunditas triginta cubitorum, cum tamen diameter non se habeat, ut 10. ad 30. sed potius, ut 10. ad 31. Et 7. ad 22. Et sic de alijs. Ergò, &c.

RESPONDEO. Negando consequentiam. Terram enim stare, & Solem moveri, nullum habet Metaphoricum sensum, quis enim sit iste sensus? nec verò id dici iuxta vulgi morem, patet inter alia ex solutione superioris Argumenti. Addo deinde, quando Scriptura loquitur Metaphoricè, sensum Literalem non esse illum, quem propriè Metaphora significat, sed quem figuratè; neque enim cum Dei nominat oculos, aut brachium, significat in Deo esse huiusmodi membra, sed ostendit potentiam & virtutem operativam. Vide S. Thom. 1. part. quest. 1. art. 10. Hinc aliqui dicunt, sensum literalem non esse accipiendum secundum literam latè, vel quod significatur in cortice literæ, aut etiam secundum vim Logicæ siue Dialecticæ, sed potius iuxta locutiones in Rhetoricis sermonibus vsitatas, & iuxta tropos & figuratas locutiones, quæ communis vsus committit cum consideratione circumstantiarum literæ, & præcedentibus & posterioribus appositis. Tostat. *In Cap. 13. Matth. quest. 28.* Gerson. *Tract. de sensu Lit. propof. 2.* Ceterum, quod ad Metaphoras attinet, ita in vno loco

loco traduntur in Scriptura, vt in alijs expressius exponantur. S. Thom. 1. part. quest. 1. art. 9.

Quamquam & in mysticis interpretationibus id ferè seruarunt Patres, vt de Terræ immobilitate Physicam rationem aut supponerent, aut iuxta eam interpretationis suæ sensum explicarent. Quod inter alios præclarè præstat Olympiodorus, vbi hoc dictum Ecclesiasticis *Terra in æternum stat*, mysticè de immobili Veritate S. Scripturæ exponit. Sacra (inquiens) Scriptura, Terra nuncupatur, instar enim Terræ immobilis est, fructus gignit, omnibus pater, ac omnes accipit, Veteriq; ac nouo Testamento subnixæ manet in seculum, immobiles habens & iussorum promissiones, & quæ peccatoribus declarantur supplicia. Mitto alios.

Q V O D Sol & Luna vocentur Luminaria Magna, Chryf. Hom. 6. in Gen. explicat de magnitudine secundum efficaciam, & virtutem in inferioribus. S. Thom. 1. part. quest. 70. art. 3. ad 4. etiam de magnitudine quoad sensum, & loquitur præsertim de Luna, quia nimirum maior apparet. Non fit autem comparatio Luminarium cum Stellis, quia & minores sunt respectu Solis, & ob nimiam distantiam diameter earum visualis, non ita facillè potest comprehendì, quicquid aliqui in ijs dimetiendis secluso tubo optico sint nugati; Sed Luna dicitur magna, vel absolutè ob conspiciuitatem, absque comparatione cum Sole, qui licet maior sit, & maior etiam in Horizonte præsertim, vel citra vapores interceptos appareat, interdum tamen ob distantiam in altitudine sua minor videtur, ob quam etiam causam, superficie plana constare indicatur, sensu non facillè deprehendente inæqualitatem, aut globositatem. Vitell. Lib. 4. propof. 65. cum interea Luna plena ob vicinitatem, tumidum quid atque eminens in medio corporis exhibet, etsi ceteroqui aspectus noster, minus semper intuetur hemisphærio corporis Lunaris, quòd oculorum interstitium minus est dimetiente corporis Lunaris, & eadem est ratio respectu Solis. Nulla porrò est in hoc casu deceptio sensus, verè enim magna sunt Luminaria quoad sensum, etsi etiam maiora quoad rationem. Effet verò deceptio si Solem stare, & Terram moueri iudicaret contra rationem.

Ceterum quod assumitur Solem & Lunam minora esse Stellis Firmamenti, deducitur ex immensa illa intercapedine, quam inter Firmamentum & dicta Luminaria, Systematis Copernicani defensores sibi imaginantur, vt cum ab infinita propemodum distantia Sydera cernuntur, magnitudinem habeant vix vlla proportionem explicabilem. Alioqui iuxta veritatem, Sol quauis Stella etiam primæ magnitudi-

nis est maior, sicut Luna minor omnibus syderibus etiam sextæ dignitatis, utpote quæ Terræ quoque magnitudine cedit. Ut hac etiam accommodari queat, Solem esse *Luminare maius*, & Lunam *Luminare minus*, habita ratione syderum Firmamenti, quamvis id propriè de Sole & Luna mutuò comparatis intelligatur.

I A M verò, Iosue pugnante Solem non stetisse in Medio Cæli, sed versus occalum, falsò dicitur, nec vlla sufficienti ratione, quasi Iosue timuerit, ne beneficio noctis hostes euaderent, & ideo frænare Solem ne præcipitaret, vel ut Hebræus legit, *ut expectaret*. Potuit enim Iosue maturè prævidere, defecturum victoriæ diem, & anticipando petiisse Luminarium Stationem. Standum itaque Literæ, Solem scilicet in Medio Cæli vel iuxta stetisse, præsertim cum Septuaginta legant, *Et Sol in Medio Cæli non procedebat ad Occidentem*, idque manifesta ratione ostenditur; d' cum enim est, *Sol contra Gabaon ne mouearis*, & *Luna contra vallem Aialon*, ex quo sequitur utrumq; Luminare fuisse supra Horizontem, sed Lunam versus Occidentem, contra Aialon, qui locus Occidentalis est respectu Gabaonis, contra quam Sol iussus est stare, proindè non sequebatur sed præcedebat Solem, ea distantia, quam quatuor horarum cursus adeòq; 60. gradus interciperent, essentq; residui 30. gradus ad Occasum, Luna quoque paulatim cum vigesima secunda, vel circiter, ætatis die, senescente.

Q U O D attinet ad Maris ænei diametrum. Dico id factum non quia Scriptura præcisam dimetientis ad circumferentiam proportionem, efferre non potuerit, sed quia pro instituto satis fuit dicere, quod res Mechanica in opus deducenda poscebat, ut tamen iuxta præscriptum, absque defectu rotundum euaderet Mare, habēs cubitos decem diametri physicè proportionatos, & circumferentiam ita æqualiter curuatam, ut nihilominus Mathematicè infinita (ut ita dicam) pro natura rotunditatis, æqualia latera, & infinitos quodammodò angulos comprehenderet, ideoq; capacissimum esset; nulla interim habita ratione mystica, cur tantæ, & non maioris, aut minoris magnitudinis esse oporteret. Quamquam si penitiùs inspicimus implicitum Scripturæ sensum, facile etiam ad Mathesim eam proportionem liceat commodè elicere.

Nam quod 3. Reg. 7. legitur in Hebræo, Chaldæo, & Latino, *Et resticula triginta cubitorum cingebat illud in circuitu*, Septuaginta vertunt, *Tres & triginta in cubito*, quo pacto habent emendatiores Codices: nempe utrimque crassities Maris absumebat palmum, proindè duo palmi (spichamas intellige, seu maiores palmos) vnum cubitum efficientes, & dimetienti additi, reddebant cubitos vndecim,

qui

qui ter in se ducti , edunt tres & triginta cubitos : Hi si rursum in se ducantur per senarium palmorum cubiti minorum , numerus qui exit , dabit palmos minores circumferentiæ dicti Maris , cuius diametro per auream regulam inuestigata , quartus numerus , trium ac sexagenorum prodibit , quot nempe palmos habuit Mare iuxta Septuaginta ; qui demum per senarium distributi , reddent denos & tres palmos , à quibus si subducantur cubiti deni diametri Maris , & bini palmi crassitiem vtrinque constituentes , remanebit palmus hinc inde labium extendens . Atque hinc colligitur quæ ratio fuerit Septuaginta , ut calculum magis Mathematicè ducerent . Vide Theod. in 3. Reg. 7.

QUARTVM ARGVMENTVM .

FIRMAMENTVM stare, & sydera in eo, non est contra Scripturam, Ergò per consequentiam necessariam, Terram moueri non est contra Scripturam ; Vel si Terram moueri est contra Scripturam, etiam Firmamentum moueri, quod pleriq; volunt, erit contra Scripturam ; neque enim plura loca asserunt Terræ, quàm Firmamenti stabilitatem . Adde vocabulum originale Hebraum, quod Terram dicit, deriuari à radice quæ idem ac currere significat, ad denotandum videlicet, velocem eius motum, et si sensu imperceptibilem . Ergò, &c.

RESPONDEO . Negando antecedens, si nomine syderum, intelligantur etiam Planetæ indefinitè ; in hoc enim sensu copulatiua illa propositio est falsa, immò contra Fidem, quia Solem non moueri est contra Fidem, ut constat ex dictis Cap. 9. Si nomine syderum non inuoluantur Planetæ, quicquid sit de antecedente, nego consequentiam ; Non enim si Terram moueri est contra Scripturam, contra eandem erit etiam Firmamentum moueri, quando Terram stare plura loca apertè ostendunt, non item apertè Firmamentum stare aut moueri .

Vnde ad replicationem, dico, falsum esse non plura loca asserere Terræ quàm Firmamenti stabilitatem & Contrarium enim constat, tum ex dictis cap. 3. & 6. tum ex eo, quòd Terra est Centrum Vniuersi, quod etiam de fide esse probabilius dictum est, Cap. 10. proindè competit illi Statio firma saltem respectu Planetarum, aut etiã aliorum syderum, si Firmamentum non moueatur. Illa porro loca quæ stabilitatem Terræ, & Firmamenti videntur insinuare, non sunt eiusdem

dem rationis. Nam de firmitate Terræ vix aliquid legitur sine addito, quo explicetur eiusmodi firmitas. Velut cum dicitur, *Firmauit Orbem Terræ, qui non commovebitur. Fundavit super stabilitatem suam non inclinabitur in seculum seculi*, & plurima id genus per nomen Fundamenti expressa; cum interea de firmitate Cæli simpliciter, & sine addito vlllo sæpè fiat mentio, vt simplex tantum eius creatio indicetur; vel si quid amplius, ordo, situs, ornatus, significetur; quo pacto plerumq; verbum *Firmaui* apud Latinos interpretes. effertur nomine extensionis, vel expansionis, & similibus; interdum ad ornatum exprimendum alijs, vocabulis, iuxta illud *Iob. 37. Tu forsitan cum eo fabricatus es Cælos, qui solidissimi quasi are fusi sunt*. Vbi alij legunt, *Fortes quasi specula solidissima*, neque enim firmitatem, id est statum oppositum motui, sed vel soliditatem quandam in summa perspicuitate intransgressibilem significat, vt quamvis moueatur, nullo modo deteratur; vel quod certius & commune, si liquidum sit, nullo modo defluat, nec sydera, & Planeta in eo, regularem suum cursum variant à terminis præfixis. Quæ in re pleriq; mirantur & collaudant sapientiam & potentiam Creatoris, qui corpus quamvis tenuissimum, & liquidissimum ita formarit, vt vna & speciosum redderet, & contra defluxum stabilitate quadam armaret, quasi are fusum, cuius natura fusilis speculorum in splendorem, læuorem, & tersitudinem exprimit, cuiusmodi creditur esse Cæleste corpus, quod igitur aliqui ex aqua, alij ex subtilissimo igne factum existimarunt, alij denique quintam quandam essentiam, & à natura elementorum secretam affirmarunt.

Dixi. Quicquid sit de Antecedente si nomine Syderum inuoluantur Planeta, &c. Et si enim de motu Firmamenti præcisè nihil adeo expressè videatur haberi in Scriptura: tota tamen hæc propositio *Firmamentum moueri & sydera in eo*, ex natura sua copulatim accepta implicite continetur, quatenus & stellas posuit Deus in Firmamento, vt quemadmodum Luminaria, suo peculiari officio fungerentur, motu videlicet suo, sicut & Luminaria motu peragunt institutum suum, vt præsent diei ac nocti, iuxta dicta supra *Insolut. Prim. Arg.* Mitto Firmamentum etiam præcisè sumptum, moueri, sensum habere Catholicum, non solum ex communi sententia, sed præterea ex ijs quæ deduximus supra *Cap. 10.* ex variorum Patrum, præsertim Dionysij Areopagite sententia.

Ceterum quod huc spectat, nec S. Chrysostomus concessit totum hoc coniunctim acceptum, *Firmamentum stare & stellas in eo*, non esse contra Scripturam, licet velit Cælum immotum permanisse.

Nam

Nam *Homil. 6. in Gen.* Posuit (inquit) illas (hoc est stellas) in Firmamento Celi, Quid est posuit, nunquid quasi diceret aliquis, fixit? absit; Videmus enim ipsas unico temporis momento magnum transire spatium, & nunquam in uno loco stare, sed suum quem illis Dominus præcepit cursum perficere. Hæc Chrysostomus: Quæ etiam cogunt fateri aduersarij cum dicunt, *Stellas in Firmamento, seruare quidem semper eundem ordinem & situm inter se, sed variare secundum latitudinem quoad Aequatorem, nisi velint id euenire propter motum Firmamenti, vt proinde hæc duo coniunctim non possint verificari Firmamentum stare & Stellas in eo, etiam in contraria sententia; sed alterutrum, vel vt Cælum moueatur syderibus stantibus, vel contra Cælo stante, sydera moueantur, aut verumq; simul, quod nonnulli putant.*

Nec verò sufficit de Planetis explicare, quod Sancti Patres dicunt Stellas moueri, de vtrisque enim seorsim, & expressè loquitur Chrysostomus, vt alios taceam: de Stellis *Homil. 6. in Cap. 1. Gen. de Sole* (& eadem est ratio reliquorum Planetarum) *Homil. 12. Ad Pop. Antioch.* Elicitur verò motus Stellarum, quod paulò ante insinuaui-
mus; tum ex illo Scripturæ, *Genes. 1. Et posuit eas in Firmamento Celi, vt lucerent super Terram, &c.* vnde etiam elicit S. Chrysostomus, tum clarissimè ex illo *Sapient. 13. Aut ignem, aut spiritum aut citatum aërem, aut gyrum stellarum, aut nimiam aquam, aut Solem & Lunam, rectores Orbis terrarum Deos putauerunt.* Sic motus Planetarum, nisi aliundè etiam constaret ex vtroque loco, sed maximè elici posset ex Verbis antecedentibus prioris. *Fiant Lumina in Firmamento Celi, & diuidant diem & noctem, &c.*

Ex his infero. Si Cæli nomine, Firmamentum, Planetæ & reliqua Sydera intelligantur, hæc duo iuxta præsentem ordinem contradic-
tionem inuoluere, nempe *Cælum esse, & non moueri*: Secus si Cælum absolutè sumatur, vel quatenus includit Empyreum, vel in quorundam opinione motum eiusmodi inuoluat, sine quo in natura desinat esse, vt iccirco perpetuò moueri id oporteat. In quo sensu damnatæ sunt olim hæc propositiones in Articulis Parisien. *Dicere Cælum esse & non moueri, est dicere contradictoria. Cælum, esse suum esse, virtutem habens à motore suo. Et hoc conseruat Cælum per motum suum, Vnde si cessaret à motu, cessaret ab esse. Si Cælum staret, ignis in stip-
pam non ageret, quia nec Deus esset.* Ex quibus vltèrius inferebatur Generationem inferiorù, quæ est finis motus Cæli, nunquā cessaturam, nec rectè supponi quieturum motum deficiente rerum generatione. Vnde & hæc propositiones tanquam falsæ perstringuntur eodem loco.

Theologi dicentes Cælum quandoq; quiescet, arguunt ex falsa suppositione: Cælum nunquā quiescet, quia generatio inferiorū, qui est finis motus Cæli, cessare non debet. Et Ratio Philosophi demonstrans motum Cæli æternum, non est sophistica. Quamuis hæc vltima propositio referatur non tam ad negationem finis, quā inceptions motus. Vide de singulis Anathem. Stephan. Parisien. Cap. 5. num. 13. 17. 18. 25.

TERRAM porro non moueri, & hoc ita esse secundum Scripturam, vt oppositum sit expresse contra Scripturam; ostendimus Cap. 3. 6. & 10. Proinde rectè negari potuit consequentia, dato quamuis antecedente. In quo enim sensu non est contra Scripturam Firmamentum stare, quia nimirum non apertè, immediatè & sine deductione elicitur ex Scriptura; in eodem sensu ex opposito, est contra Scripturam Terram moueri, quia partim apertè habetur contrarium in Scriptura, partim facillimè ex diuersis elicitur, iuncta Patrum interpretatione; quorum licet alij alios sectati philosophos, de Cælo & Terra variè senserint, & quidam etiam Terram in aquis ferri existimarint, nemo tamen affirmavit Terram moueri in circulum, cum interea omnes, si non de toto Cælo, saltem de Planetis & Stellis, & minimum de Sole idem sint arbitrati, vt patet ex dictis Cap. 9. Ceterum nonnulla quæ Sancti Patres subindè dixerunt, secundum diuersam Philosophiam minùs certa, *non tradiderunt quasi asserentes, sed quasi vtentes ijs, quæ in Philosophia didicerunt, in quibus proinde non sunt maioris authoritatis, quā dicta Philosophorum quos sequuntur, nisi in hoc, quod sunt ab omni infidelitatis suspicionē separati*, quemadmodum hæc omnia egregiè, ex verbo notat S. Thomas *In 2. sent. dist. 14. art. 2. ad 1.*

Quod verò S. Thom. *Lib. 2. de Cælo, lect. 20.* examinans sententiam de motu Terræ, non dixerit eam esse contra Scripturam, vt in alijs facere consuevit, sed ad summum esse contra Aristotelem; Ratio inter alias est, quod non eam examinaret, iuxta principia Fidei, sed tantum iuxta principia naturalia, vt inter alia patet in simili, ex ijs quæ dicit, *In Opus. 10. art. 16.* de virtute naturali Angeli, respectu molis Terræ mouendæ vsque ad globum Lunæ. Quamquam & hoc in more positum habuit S. Thomas, ne vel affirmaret vel negaret quasi pertinentia ad Sacram doctrinam, quæ Philosophi communes falsò aliqui senserunt, quando scilicet nulla ratio pro re, & tempore ad id faciendum vrgeret, *ne aliqui faciliè sapientibus huius mundi, contemnendi fidei occasio praberetur*, quando non recurrendo etiam ad principia fidei, faciliè ex naturalibus, absurda conuelli poterant, quemadmodum idem S. Thom. egregiè, plerunq; præstitit in libris

contra Gentes . Vide quæ præmittit . *Opus. 101.*

Ceterum, Argumentum hoc loco propositum, facile etiam his vel alijs modis retorqueri potest, Terram stare non est contra Scripturam, immò maximè conforme Scripturæ, ergò Firmamentum stare & sydera in eo, copulativè vel disiunctivè, est contra Scripturam: Vel, Terram moveri est contra Scripturam ergò, Firmamentum & sydera in eo (iuxta dictum sensum) non moveri est contra Scripturam, si huiusmodi propositiones, mutuam quandam & necessariam habeant inter se connexionem, ita ut posita affirmatione vel negatione unius, sequatur affirmatio vel negatio, & viceversa; alterius.

Quod additur de radice Hebrææ vocis . Dico eam non unam esse: nullam tamen proposito favere . Quod huc spectat, Terra figuratè dicitur à currendo, quòd Cælestis sphaera ipsam ambiens immotam, circumcurrat; Sic apud Latinos lucum dicimus, quod minimè luceat; bellum quòd minimè sit bellum, & sexcenta id genus alia . Immò vero eadem radix non currere solum, sed etiam terere significat, ex quo stabilitas quædam fixa plerisque arguitur, ut quamvis omnium ambulantium pedibus Terra teratur (vnde ferè apud Latinos vocabulum, fortita est) ac velut trudatur, nihilominus in eodem loco immota, consistat, quicquid falsò præsumserit Archimedes, aut quicumque is fuerit, qui si pedem extra Mundum figere potuisset, totum Orbem se loco moturum, sibi imaginatus est . Quin verò Græcis à sensu contrario tota sydereæ plaga Æther appellatur, à velocissimo nimirum cursu, quæ opinio, Græcis ab antiquissima veritate sensu etiam, percepta hæsit, ut iccirco quantum inde ex Hebræa radice ambigè peti potest, tantum hinc autoritate certa in sensili experientia, & rationis demonstratione accedere queat.

QVINTVM ARGVMENTVM.

INFERNVS est in Centro Terræ, in eoq; est ignis crucians damnatos, ergò Terra omninò necessarià movetur. Antecedens patet. Ex 4. *Ad Ephesos.* Descendit ad inferiores partes Terræ Et *Act. 2.* Non derelinquas animam meam in Inferno. De igne verò damnatorum, patet. *Matth. 25.* Discedite à me maledicti in ignem æternum qui paratus est diabolo & Angelis eius. Consequentia probatur. Quia ignis est causa motus, Vnde & Pythagoras, qui teste Aristotele ponit in Centro locum pœnarum, sentit Terram esse animatam, & motu præditam.

RESPONDEO. Posito etiam quod Infernus sit in Centro Terræ, & ignis in eo, nego consequentiam. *Ad probationem*, dico, si quippiam valet, probat etiam fornaces calcarias, furnos pistrinos, & focularia hypocaustorum esse animata & per se mobilia. Deinde dico Ignem, non esse causam motus naturalis, nisi sursum rectâ ferêdo per se, cuiusmodi motum nec Pythagoras, nec alij sectatores recentiores Terræ concedunt, etsi nonnulli motum corporum circularem e medio conentur tollere. Quod si sermo sit de igne in corpore animantis, is verò non est causa motus nisi instrumentaliter, & in virtute animæ informantis, siue formaliter inexistat siue refractus, loquendo de igne elementari, aut quouis alio modo. Cuiusmodi animam si Pythagoras Terræ tribuit propter ignem in ea contentum, ignoranter fecit, & contra sua propria principia, alioqui & sydera dicenda sunt ignea & animata, immò & Sol ex ignea natura animatus, ideòq; motu præditus; quomodo ergò quiescit in Centro, vt Terra circa ipsum, moueatur? Vel si Solem dicant moueri motu conuersionis in seipsum, redibunt difficultates obiectæ supra in solutione Secundi Argumenti.

Terram porrò non esse animatam, pluribus ostendit S. Thom. *Lib. 2. de Celo, Lect. 18.* contra rationes Alexandri sequentis errores Gentilium, iccirco Terræ cultum Deitatis tribuentium. Et profectò cum omnis motus sit à motore aliquo, præter formam naturalem; in motu autem corporum Simplicium qualis est Terra, non sit alius motor essentialis præter generantem, clarum est ipsam non esse animatam, neque enim generans potest esse anima Terræ coniuncta, quemadmodum vellet Pythagoras, sed potius motor separatus, qui tamen Terra non sufficit in sententia Pythagoræorum, & aliorum antiquorum, sed requiritur præterea anima Terræ coniuncta, tanquam mouens proximum, cuiusmodi, si Pythagoræi velint esse ignem, fateantur etiam, hunc ignem esse productum à forma separata, & rursus ab igne productam Terram iuxta eandem Philosophiam; quæ omnia quàm sint ridicula & absurda nemo non videt.

Ita nimirum in plerisque contra propria principia impingunt Pythagoræi, maximèq; in eo, quòd cum Pythagoras velit Terram compleri angulis octo & quadraginta, contineri autem sex triangulis æqualium laterum, & *Cubo* similem esse, atque adeò iuxta dicta supra *Cap. 3.* ad motum prorsus inhabilem; eam nihilominus anima præditam, ac latione velocissima cieri affirmet, suosq; sequaces in nugaces errores mittat, non immeritò ab Hermia Philosopho *In Lib. de Gentil. Philosoph. irrisio*; ob hanc præsertim rationem Cubi, Terræ adscriptam, risu exceptus.

Quòd verò aliqui dicunt , *Ignem violenter contineri in Centro, & ided cum secundum naturam suam petat esse supra Terram in sphaera & loco suo , ea ratione mouere Terram :* hoc inquam nihil facit ad rem . Primò enim huiusmodi motus est per accidens , & non determinatus à natura , qualis deberet esse motus regulatus in Terra , deindè multa competunt igni Inferorum , quæ non competunt igni Elementari , & inter alia ex ordine diuinæ iustitiæ habet , vt contineatur in illo loco in æternum , vbi etiam ad conseruationem & adiuuitatem intendendam , plurimum iuuat frigus Terræ vndiq; circumstans . Vide S. Thom. *In 4. dist. 44. art. 2. quest. 3. ad 2.*

Dixi posito etiam quòd Infernus sit in Centro Terræ . Nam Gregorius *Lib. 4. Dial. cap. 42. De hac re* (inquit) *temerè definire non audeo* , Probabiliorè tamen putat opinionem eorum , qui dicunt esse sub Terra *Quia si ided* (inquit) *dicimus Infernum quòd inferius iacet , quod Terra à Cælo est , hoc Infernus debet esse ad Terram :* deindè , quod dicitur *Apocal. 5. Nemo poterat aperire librum , &c. neque subsumunt Terram , Hoc* (inquit) *refertur ad animas existentes in Inferno.* S. Thom. *In Opus. 10. art. 31. Vbi* (inquit) *sit Infernus , an circa Centrum Terræ , vel circa superficiem , nihil arbitror ad doctrinam fidei pertinere , & superfluum est de talibus sollicitari asserendo , vel improbando .* Et *Opus. 11. art. 24.* dicit de hac re nihil sibi videri temerè asserendum , præsertim cum Augustinus neminè arbitretur scire vbi sit . *Non tamen* (inquit) *æstimo quòd sit in Centro Terræ :* cuius dicti cum nonnullas causas reddidisset , subdit demùm . *Non autè dicitur Christus descendisse ad infimas partes Terræ , sed ad inferiores , ad cuius veritatem sufficit qualitercunque nobis inferiores videantur .* Et *Art. 25.* supposito quod Infernus sit in Cêtro , vel circa Cêtrũ , putat sciri posse distantia à superficie Terræ vsque ad Centrũ , non tamè vsque ad Infernum ; *Quia* (inquit) *non credo ab homine sciri posse vbi sit Infernus .*

Ex his tamen nollem à quibusdam inferri , Infernum esse in Terra , sed ignorari vbi sit , proindè ignotum etiam esse Terræ situm , & consequenter non posse constitui in Centro Vniuersi , Alioqui retorquetur argumentum ; si enim ignotus est Terræ situs , non poterit dici esse in Orbe magno , vt circum Solem moueatur . Deindè dico , Terram de facto sciri vbi sit , idq; ostendunt tum omnes differentia loci , à Cardinibus fixis desumptæ , tum obseruationes & mensuræ Geometricæ , etsi nesciantur omnia quæ in ea continentur , & quem locum singula particularem & proprium habeant , nam si Infernus in Centro vel circa Centrum Terræ sit , etiam eius locus communis cognitus erit , sicut Terra ipsa cognita est .

Nihilominus S. August. *Lib. 2. de Gen. ad Lit. cap. 34.* Constituit Infernum sub Terris, quem locum citans ipse *Lib. 2. Retract. cap. 24. In duodecimo (inquit) libro, de Inferis magis mihi videor dicere debuisse, quod sub Terris sint, quam rationem reddere cur sub Terris esse credantur, siue dicantur, quasi ita non sit.* S. Thom. *In 2. Sent. dist. 6. art. 3. ad 4.* cum ex Pythagoræ sententia dixisset locum Ignis esse carcerem, quem Ignem ipse in medio Vniuersi ponebat, *Hunc nos (inquit) dicimus esse locum Inferni.* Et *In 4. dist. 44. art. 3. ad 2. in Arg. Sed contra.* Ex illo *Isaia 14. Infernus subtus conturbatus est in occursum tui: infert, Ergo ignis Inferni sub nobis est.* Et *dist. 48. quest. 7. art. 3. ad quest. 4. Post resurrectionem (inquit) quando lux Lunæ augmentabitur secundum rei veritatem, non erit alicubi nox super Terram, sed solum in Centro Terra, ubi erit Infernus.* Et *dist. 50. quest. 2. art. 3. ad quest. 4. In Terra (inquit) medio ubi Infernus ponitur, non potest esse nisi Ignis faculentus, & turbidus.*

Ceterum quod idem S. Thom. *Opus. 10. art. 31.* non arbitratus est ad doctrinam fidei pertinere ubi sit Infernus; intelligendus est de loco particulari præcisè; nam alioqui ad doctrinam Fidei pertinet, Christum descendisse ad Inferos, vel inferiores Terræ partes: sicut etiam ad doctrinam fidei pertinet, Terram in qua est Infernus, in infimo atque adeò medio Vniuersi loco esse constitutam, iuxta ea quæ supra passim diximus, sed præsertim *Cap. 7. & 10.* Terram scilicet esse Centrum mundi probabilius videri esse de Fide: Neque hinc sequitur Deum non posse creare plures mundos & plures Terras, ut putant nonnulli, quia omnia systemata deberent inclinare ad Centrum huius Vniuersi: In eo enim euentu, quodlibet Systema seorsim subsisteret iuxta omnes partes, nec vnum inclinaret ad Centrum alterius, etsi partibus eiusdem speciei constarent; tum quia non esset maior ratio vnus quam alterius, tum quia sicut Deus legem posuit aquis, ne transirent terminos suos: Et iuxta *Eustath. In Hexam. Aetheri Igneo & incenso præcepit, ne totum Terrarum Orbem consumeret*; ita, & multò magis si plures mundi essent, singulis legem poneret. S. Thom. *1. part. q. 7. art. 3. ad 3.* cum dixit, *non esse possibile aliam esse Terram quam istam*; locutus est non de potentia Logica, & secundum potentiam Dei actiuam, ut notat Caetanus, sed secundum potentiam inditam rebus creatis, iuxta præsentem ordinem, secundum quem ita ordinauerat, diuina sapientia, ut hic mundus constaret ex tota materia, nec esset alius velut casu existens, quemadmodum dicebat Democritus, *hunc mundum esse concursu atomorum factum, & infinitos alios.* Hanc esse sententiam S. Thomæ, liquet ex *Corpore Articuli.* Et ad 3.

vbi cum hanc assignet causam impossibilitatis, quòd *hic mundus conslet ex tota materia*, clarum est, cum tantummodò loqui de potentia iuxta explicationem Caetani. Et cum addit, *Quia omnis Terra ferretur naturaliter ad hoc medium ubicunque esset*, patet locutum contra sententiam Democriti, si nimirum casu, & non à sapientia ordinante constitueretur aliud Vniuersum. Neque huiusmodi opinio potest à quoquam improbari. Et alibi satis constat de mente S. Thomæ in simili, qui alias species Angelorum non negat creari posse (quicquid sit de indiuiduis) nec quamuis creaturam perfectiorem & perfectiorem in infinitum.

SEXTVM ARGVMENTVM.

IN Cælo super Firmamentum, & infra, sunt Aquæ. Genes. i. Ergò & Terra, cum Aquæ non nisi in Terræ soliditate contineantur, & consequenter locus Terræ naturalis, non est Centrum, poteritq; extra illud ferri motu circulari in Orbe Magno.

RESPONDEO. Negari in primis posse consequentiam. Satis enim est Firmamentum, vt in eius soliditate Aquæ contineantur, neque defluant, cum Firmamentum iccirco dictum sit, quòd intransgressibilem terminum aquis ponat, atque adeò firmet; multoq; magis si ex aquæ concretæ sint, & velut in glaciem vel crySTALLUM coactæ, vt sentiunt ij qui Cælum stellatum, Cælum glaciale seu CrySTALLINUM, ponunt, siue ex aquis concretum, siue speciem aquæ referens, vnde & aqueum vocant. Quamquam satius sit fortassè, id Firmamento duntaxat tribuere, quod iccirco Eustathius *In Hexæm.* diuersum putat esse à primo Cælo, & *solidiore natura* præditum, vt immensam Aquarum vim supra & infra abundantem seiungeret: loquitur verò de diuersitate ex accidente, ne ijs quæ paulò ante affirmauit contradicere videatur. *Tenuem*, videlicet, & *non solidam, neque crassam esse naturam Cali*, idq; his verbis Isaïæ significari, quemadmodum ipse legit. *Qui stare fecisti Calum velut fornicem.* Vel alibi, his alijs. *Qui firmasti Calum quasi fumum*, velut siccam quandam fluiditatem ab humida discernens.

Dixi negari posse consequentiam, quia si ibidem admittamus esse Terram, sicut non paucis admittitur Ignis & Aër, non est necesse eas omnes illi tribuere qualitates, quas habet Terra in Centro posita: Erit enim Terra quædam Cælestis, à fæculentis concretionibus immunis, nec supposita generationibus rerum, & duntaxat in eum, (si

non alium) finem instituta, vt Cæli Systema perficiat: Quæ sententia locum habere potest apud negantes Cælum esse quintam essentiam, quamvis & ab ijs tolerari in parte possit, qui materiam diuersi generis Cælis attribuant, quæ proinde non expleatur eisdem formis specie cum formis inferiorum, sed ad summum quæ genere conueniant. Sicut autem illi, qui posuerunt Firmamentum esse de natura quatuor Elementorum, non quasi ex Elementis compositum, sed quasi Elementum simplex, videntur multis non malè sensisse, ita possunt loqui de Aquis super Cælos, & eodem modo de Terra super Cælos aut Firmamentum existente.

Huc potest applicari doctrina S. Thomæ 1. part. quæst. 78. art. 2. *Si Firmamentum ponatur esse de natura quatuor Elementorū, etiam aqua poterunt credi eiusdem naturæ cum aquis Elementaribus; si autem non ponantur de natura quatuor Elementorum, neque aquæ erunt de natura elementarium aquarum, sed dicentur aquæ solum propter diaphaneitatem.* Quæ similiter de Terra ibidem existente dici possunt, vt vel eiusdem sit naturæ cum elementari & nostrate; vel diuersæ, & tantum dicatur Terra, propter densitatem & soliditatem, quatenus sustinet aquas. Nec obstat grauitas quo minus ibi sistat, sed descendat, cum quia Firmamentum est intransgressibilis terminus, tum quia sicut Aquæ, etsi naturaliter sint graues, virtute tamen diuina super Cælos continentur, vt dicit S. Thom. loco cit. ad 2. ita de Terra dici potest; Vel, ne quæramus, quid Deus miraculosè potiùs faciat, quàm quid naturæ rerum secundum institutionem suam postulent, quod inuenit S. August. 2. de Gen. ad Lit. Cap. 1. Et S. Thom. Opusc. 11. artic. 24. quemadmodum iuxta S. Thomam dicendum est Aquas circa Cælum esse tenues, & non spissas sicut circa Terram; ita simile quid ponendum est de Terra; quamvis iuxta eorum Patrum sententiam quos supra Cap. 9. adduximus, probabilius sit nullam ibi esse Terram; cum nullus eius finis in particulari assignari queat, cui Firmamentum ipsum non sufficienter respondeat: nec sunt multiplicanda Systemata, quæ plures Terras exigant, quando certum est præsentis Vniuersi ordinem ita esse institutum, vt vnum sit ex multis partibus consistens, cuius infimum locum, Terra velut Centrum in medio positum occupet.

Ijs porrò quæ ex S. Thomæ hic attulimus, consona sunt illa, quæ tradit à Deo docta & illuminata Virgo S. Hildegardis; neque enim verebor pro auctore laudare eam feminam, cuius scripta Eugenius III. S. Bernardo alijsq; commendantibus laudauit ad probauit, sed etiam ceteri Summi Pontifices Anastasius IV. Hadrianus IV. Alexander III.

vt patet ex eorum literis ad eam datis, ob sanctitatem & diuinorum secretorum cognitionem, in magna existimatione habuerunt: præterea Imperatores Conradus, & Fridericus, necnon innumeri alij, præsertim Ecclesiastici Principes, denique totus Orbis Christianus ea de causa suspexit, sed sua Germania præcipuè venerata est. Ea verò *In Lib. 38. Quæstionum*, quas VVibertus Monachus Gemblacensis scripto proposuerat, sic respondet ad *Quæst. 2.* qua quærebatur, *Quid est quod scriptum est, Diuisit Deus aquas quæ erant sub Firmamento, ab his quæ erant super Firmamentum: nunquid credendum est materiales aquas super Firmamentum esse?* Sic inquam respondet, *Deus aquas quæ super Firmamentum erant, diuisit, vt sicut inferiores aquæ terrenis constitutionibus adsunt, ita etiam & superiores aquæ superioribus constitutionibus adessent. In aquis enim superioribus nihil est, quod crescat aut deficiat, sicut in inferioribus aquis, in quibus quicquid uiuit, hoc, quemadmodum homo crescit & deficit. Sed illæ superiores aquæ in primo statu suo, sicut Deus eas constituit persistunt, & in Circulo suo fluunt, & materiales sunt; non tamen vt aquæ inferiores, quoniam multò subtiliores, & nostris visibus omninò inuisibiles existunt; quarum humiditate & ignis ibi extantis calore, desuper Firmamentum solidatur, velut corpus per animam subsistit ne dissoluatur. Aqua verò inferiores ista de sub Firmamento, grossiores, speculum sunt Cælestium Luminarium, Solis scilicet, Lune, & Stellarum, quia inferiora diuersarum specierum animalia continent, quæ in eis nascuntur & subsistunt, idedq; officia superiorum, & inferiorum aquarum in cunctis dissimilia sunt.*

Hæc Hildegardis: in quibus & Circularem motum Cæli, cum Aquis super Firmamentum existentibus, absque defluxu in inferiora, & tenuitatem illarum insinuat, vt hæc inter alias qualitate differant ab Aquis circa Terram manentibus. In eo verò quòd humiditate aquarum illarum, & Ignis ibi extantis calore superum Firmamentum solidari ait, & liquidum esse Cælum iuxta veterum, & recentiorum hodie communem opinionem ostendit, & præterea sensum eius lectionis, quam ex Eustathio paulò supra attulimus. *Qui firmasti Cælum velut fumum*, clariùs explicat, eius scilicet firmitatis fumo comparatæ, ex humiditate & calore ignis, causam reddens. Atque hos auctores, nempe Eustathium Antiochenum, Isaac Syrum, Alexandrum Lycopolitam, Hildegarden, pro hac sententia eo libentiùs afferimus, quòd Christophoro Scheinero in sua Rosa Vrsina, partim non occurrerunt, partim non sunt visi, ex quo nihilominus plurima, quæ hic desiderantur abundè peti possunt.

CETERVM, simile quoddam adduxit argumentum Auerroes contra Eccentricos & Epicyclos, *Si dentur Eccentrici, omnes mouebuntur circa proprium Centrum, sed in omni Centro circa quod fit motus Cali, est Terra quiescens, cum omne id quod mouetur indigeat quiescente; quare quot erunt Eccentrici & Epicycli, tot erunt Terra quiescentes.* Sed parum Philosophicè; Vt enim mittam Eccentricos ratione totius Orbis habere idem Centrum, & Epicyclis seorsim sumptis sufficere punctum medium, sicut etiam Soli, & fortassè etiam alijs Planetis, si in seipsas convertantur, quæ tamen omnia ratione totius mouentur circa Terram; Vt inquam hæc mittam, falsum est necessariam esse Terram quiescetem in quolibet Centro, vt circa eam Cælestes Orbes moueantur; licet enim Terra de medio tolleretur, adhuc Cali mouerentur circa medium Mundi, sicut & Eccentrici, & Epicycli motu suo peculiari, circa medium sibi correspondens, quodcumque tandem illud esset futurum, siue corpus aliud, aqua nimirum vel aër, rarefacta, siue punctum in vacuo imaginarium.

Quod itaque dicitur, *Omne quod mouetur indiget suo quiescente,* præcipuè intelligitur in corporibus, quoties aliquid aut actu mouet efficienter, aut ita requiritur ad motum, vt sine illo fieri nequeat. In hoc sensu dixit Claudius Mamert. *Lib. 1. de Statu Anime, Cap. 18.* nihil moueri posse nisi ab immoto, nec enim digitus mouetur nisi flante manu, nec brachium nisi immoto humero, nec denique gradiendo, pes alter nisi altero fixo promoueri potest. In motu autem circulari non est necesse, vt id quod quiescit concurrat efficienter, sed duntaxat vt circa illud fiat motus velut innixu quodam, ideòq; in medio sistat. & non extra illud. Quod medium comparatur quodammodo pedi fixo, & tanquam parti infimæ Vniuersi, cui ceterarum partium motus innititur. Quare si vllus alius motus Circularis requirit medium quiescens, maximè reuolutio Cali circa Terram.

Simile quoque ferè est Argumētum Copernici *Lib. 1. Reuol. Cap. 10.* Terra non potest esse Centrum, vel in Centro, loquendo respectu Vniuersi, Vniuersum enim si sit infinitum, nullum habebit punctum medium, à quo ad peripheriam lineæ ducantur æquales; si finitum, medium erit punctum indiuisibile & imaginarium, quale non est Terra, vt pote corpus ingens & vastum. Si sermo sit habita ratione partium Vniuersi, Planetæ in primis sunt Eccentrici, proinde non habent Terram pro Centro, sed singuli habent proprium Centrum, sicut & ceteræ partes Vniuersi, ad quod solum inclinant, & non ad Centrum Vniuersi.

Sed enim est debile Argumentum, & quatenus arguit ex passionibus

bus Finiti ad Infinitum, est etiam Sophisticum (vt alibi ostendimus) velut si quis ex humano corpore argumentetur ad Angelicam substantiam, aut ex figura spherica & circulari concludat Mundum esse infinitum, non habens principium & finem. Quam philosophiam ex paralogismis Geometricis, præclare irridet Zacharias Mithylenen. *In Lib. de Mundi Creat. contra Philosophos.* At concessa veritate, Vniuersum videlicet esse finitum & sphericum, non necessario sequitur Medium esse imaginarium & indiuisibile, neque enim hic sermo est de medio Mathematico, & corporis abstrahentis à motu & loco, sed de medio reali, physico & locabili, quod in constitutione Vniuersi corporei, est corpus Physicum ac trinè dimensum, etsi respectu Cælestium Orbium sit minimum, eiusmodi tamen, cui motus Vniuersi quodammodò ignitur. Quamquam si vel Mathematicè concipiatur instar puncti, illicò secum trahit immobilitatem, non modò quia Mathesis abstrahit à motu, sed quia indiuisibile moueri nisi per accidens non potest. Et vt semel dicam, ex Mathematicis ducta argumenta ad physicas considerationes, sæpè incautos paralogizare cogunt; & alioqui eodem medio quo Theodosius *Lib. 1. Spheric. Propos. 3.* & alij ex ipso, ostendunt à Sphæra quiescente non tangi planum nisi in puncto, demonstrari potest idem etiam euenire in motu, & consequenter indiuisibilia componere quantitatem. Mirum de cetero est Copernicanos non animaduertere, idem ferè Argumentum per omnia fieri posse, si Solem statuamus Centrum Vniuersi.

Quod attinet ad partes Vniuersi, Etsi vnumquodque corpus singulatim consideratum habeat suum Centrum, ad quod reliquæ partes inclinant, velut cum aquæ guttæ conglobantur, & quodlibet Elementum ad suum locum natura fertur; quatenus tamen est pars Vniuersi, Centrum habet commune cum Vniuerso, quod est Terra, & à suis partibus ea ratione, vt sic dicam integratur, vt ipsum ad integrandum Vniuersum, harmonicè secundum situm & ordinem aliaq; id genus, concurrat. Quare Planetarum motus in Eccentrico aut Epicyclo non facit, quin vt diximus supra *Cap. 10.* ratione totius Orbis, habeat idem commune Centrum; id est Terram: Ad Elementa verò ita se habet Terra, vt cum omnibus grauitate præponderet, omnibus etiam per se loquendo subsideat, nec id quispiam facilè negarit, quando manifestum est, in corporibus sphericè dispositis, & alterno ambitu se complectentibus, quod grauissimum est, necessario etiam esse Medium ceterorum, ex ea dispositione Vniuersum constituentium. Vt mittam vel ex sententia Pythagoræorum recentium, omnium Elementorum aptissimā esse Terram ad quiescendum in medio, tanquam

omni calore, qui causa est motus, carentem, atque adeò Elementum summè frigidum. Nec satis est dicere eam extra suum locum, moveri quidem motu recto deorsum, in proprio tamen loco moveri circulariter, & circa suum Centrum, idq; motu naturali, etsi aliqui quiescat quiete opposita motui recto deorsum. Terra enim cum sit Corpus simplex, unam exercet operationem & motum simplicissimum, non plures, neque enim hos motus habet à generante, quia tota non generatur; neque à remouente prohibens, quia id euenit in detentis extra proprium locum; habebit igitur à seipsa, & ideo distinguenda erunt pars mouens & pars mota: & quidem pars mouens, à qua Terra in hanc potius quàm in alteram, immò in plures partes inuicem oppositas moveatur, quemadmodum volunt Copernicani ratione motus diurni & annui; quod quo pacto fieri possit, vel si Terra animi rationali prædita esse impie dicatur, intelligi nequaquam potest.

Quòd verò non nemo se tueatur illo dicto *Sapient. Cap. 19. In se Elementa dum conuertuntur, sicut in Organo qualitatis sonus immutatur*: perperam facit; neque enim eo loco sermo est de circumuolutione, sed quemadmodum ex Græco textu liquet, de apta Elementorum inter seipsa, & velut harmonica transpositione, quatenus ita sunt conglutinata inuicem ac disposita, vt nihilominus transmutatione & conuersione, sicut in Organo siue Psalterio, soni, concentus & modulationis nomen permutant, semper tamen harmoniam aliquam obtinent; ita Elementa situm & ordinem seruant, & nihilominus aliqua ratione inter seipsa transmutantur: Vel si de vero sono accipiendum est, quod nonnulli videntur colligere ex textu Græco variè lecto, non iam id intelligendum est de Terra tanquam mota, sed de superiore Æthere, vt præclare dicit illuminata Virgo S. Hildegardis *In Lib. 38. Quæstionum, Quæst. 27.* quanquam eius dicta iuxta ea, quæ supra *Cap. 4.* attulimus etiam de sono metaphorico intelligi queant, hoc est, de concordia Elementorum velut harmonica, ratione ordinis, situs & aliorum, quæ in sua Constitutione acceperunt.

SEPTIMUM ARGUMENTUM.

HAEC opinio de Terra motu, & quiete Solis in Centro est antiquissima, nec à Pythagora primum, sed à Moyse tradita à quo Pythagoras genere Iudeus accepit. Eandem secuti sunt doctissimi non Gentiles solum, sed Christiani, & inter alios Cardinalis Cusanus, alijq; ante Copernicum, post quos Copernicus ipse, eandem
ita

ita restaurauit, ut penè author haberi possit. Huius libri à Paulo III. cui dicarar, approbati, iussi etiam sunt imprimi magno Catholicæ rei bono, quòd ex calculo Copernicano, qui Systemate Pythagorico nittitur, tanquam maximè certo, & Calendarium Gregorianum sit concinnatum, & Ephemerides hodièq; omnium exactissima construuntur; ut non possint non esse veræ suppositiones de Terræ motu & quiete Solis, ex quibus tam euidentēs veritates deducuntur, Verum enim non sequitur nisi ex Vero; ut non immeritò post Copernicum tot Viri præstantissimi in dies abeant, quos omnes aut erroris aut temeritatis arguere difficile est. Ergò, &c.

RESPONDEO. Nec propter antiquitatem probari opiniones, sed propter Veritatem; nec damnari propter nouitatem, sed propter falsitatem. Antiqua est opinio Platonis, Angelos esse corporeos; Anaxagoræ, Solem esse lapidem ardentem; Eorum, qui Solem carcerem esse dixerunt cuiusdam animæ peccantis, & inclusæ corpori Solis; denique ne in infinitum abeamus, Manichæorum, qui Solem & Lunam naues esse dixerunt, purgandis mundi inquinamentis destinatas: de quibus vide S. August. *Epist. 119. ad Ianuar.* Et *Lib. de Hæresib. ad Quod vult Deum*, *Lib. 11. de Ciuit. cap. 24.* Et *Lib. 20. cap. 16.* Et tamen hæc omnes opiniones, aliæq; id genus innumeræ, falsæ sunt, & reprobæ.

Quòd hæc opinio primùm tradita sit à Moyse, est ex illo genere, impossura, quo non pauci vanas & nugaces adinventiones suas Salomoni quoque ascribunt, & S. Scripturæ verbis, & sententijs persapè ad nefaria quæque abutuntur. Quamquam alioqui nulla hæresis sit, quæ se non tueatur S. Scriptura perperam intellecta & deprauata. Interim, tam est certum, Moysen huius doctrinæ esse authorem, quam quod falsissimum & contra Scripturam, etiam in ijs, quæ Moyses scripsit in Capite primo Genesis, ut supra passim ostendimus. Pythagoras porrò Iudæus genere fuerit an Gentilis, parum refert, num. iccirco illi cum Carpocratis Marcellina thus adolendum? Et notum est, non paucos Philosophos antiquos, Moysen lecitasse, nec intellexisse, pleraq; corrupisse, in suas fabulas transfuisse.

Fateor verò non paucos esse huius opinionis sequaces, præsertim à Copernico; plures tamen esse constat exceptione maiores, qui commune Systema amplectuntur, Copernicanum insuper habent, cum quibus ceteros nec genere nec numero comparaueris. Et hi quidem Astronomiæ perficiendæ causâ prudenter & sobriè laborant, quos
etiam

etiam illi sanctè imitentur, si Systema suum non astruant tanquam natura certum, sed cum norint non esse S. Scripturæ, & Sanctis Patribus consentaneum, hypotheticè tantum id assumant, & in calculis progrediantur, & hoc solum sibi licere cogitent; quamquam longè melius facturos arbitramur, si retenta veritate, alia via & ratione inita, & suo labori, & Matheseos perfectioni, & Christianæ Reipublicæ utilitati consulere studeant, quò in sacras literas non offendant. *Tantam* (inquit Author Frisicarum tabularum, pag. 3 18.) *apud nos esse testamur auctoritatem S. Scripturæ, tantumq; eius reuerentia moveri animam nostrum, ut contra apertam sententiam illius, in sententiam Pythagoræorum descendere non audeamus.*

Fuisse approbatam à Paulo III. Copernici opinionem, temerè dicitur; probatum Viri ingenium à plerisque; & laudatum in putationibus labore non diffiteor, quoad ea, quibus Mathesi, & Temporum directioni haud parum profuit; magis laudandum, si absque absoluta sui Systematis atque thesium assertionem, quemadmodum potuit, præstitisset. Et quamvis ob dictam causam accepta Pontifici eiusdem opera, imprimi primùm, deindè ab alijs iterum iterumq; recudi iuberentur an permetterentur, nunquam tamen creditum affirmatumve, nihil in eis contra Catholicam sententiam contineri. Quin verò ne inde alij in errores mitterentur, animadversione S. Congregationis Indicis cautum non nuper est. Ea est huiusmodi. *Quamquam Scripta Nicolai Copernici nobilis Astrologi, de Mundi revolutionibus, prorsus prohibenda esse PP. S. Congregationis Indicis censuerunt, ea ratione, quia principia de situ & motu terrestris globi, S. Scripturæ, eiusq; veræ & Catholice interpretationi repugnantia (quod in homine Christiano minimè tolerandum est) non per hypotheseos tractare, sed ut verissima adstruere non dubitat. Nihilominus quia in ijs multa sunt Reipub. utilissima, unanimi consensu in eam iuerunt sententiam, ut Copernici opera, ad hanc usque diem impressa, permittenda essent, prout permiserunt, ijs tamen correctis iuxta subiectam emendationem locis, in quibus non ex hypothese, sed asserendo de motu & situ Terræ, disputat. Qui verò deinceps imprimendi erunt, non nisi prædictis locis ut sequitur emendatis, & huiusmodi correctione præfixa Copernici præfationi permittuntur.* Hæc S. Congregatio.

In Calendario Gregoriano calculus Copernici non eatenus fuit adhibitus, ut negligerentur putationes antiquiores. Aloysius Lilius primus optimam Calendarij emendandi formam proposuit, sed ex Alphonsi ratione, quantitatem anni definiens, quòd hæc media esset, ideòq; certior, aut minus erroribus exposita; iuxta hanc, ita cogitavit

tauit intercalationes dispensare , vt æquinoctia perpetuò fixas & certas haberent sedes . Quod si eo in humanis desiderato , alij fuerunt Copernici calculos etiam adhibentes , id videntur præstitisse , quod hodie Ephemeridum conditores , qui omnium calculis examinatis , eam rationem vsui suo accomodant , quæ proximè ad rem videtur proficere . Ex his porrò non magis licet inferre , Copernici positiones de motu Terræ esse veras , quàm aliorum id negantium hypotheses , ex quibus eadem sequitur ratio , etsi diuersis putata vijs , quemadmodum interdum vna conclusio pluribus Syllogismis deducitur . Certè Clavius , qui ceteris vita functis , postremus Calendarium Gregorianum perfecit & edidit , Systemati Copernicano tantum tribuit , vt id non semel S. Scripturæ aduersari fateretur , interdum verò diuersam illam Terræ conuersionem , qualem authores sui fingunt , à se non percipi liberè professus sit .

Quod spectat ad Ephemerides ; placere harum fabris Copernici calculationes , quatenus is , aliorum visis erroribus suas Tabulas correctiores dedit , neque tamen absolutas . Itaque nec ipsæ sufficiunt ad integras Ephemerides condendas , & deficiunt in multis , quæ postmodum recentiores , sed in primis Tycho Brahe , emendari conati sunt . Immò non contenti calculo , nedum Systemate Copernici , & vitro persistentes in fundamentis Ptolemæi , Terra immota , aut Systema versum correxerunt , aut calculum , nouumq; putandi modum , cum nouis Theorijs inuenerunt . Certè hypotheses Lunæ Tychonianæ , etsi partim è Ptolemæo , partim è Copernico sint depromptæ , nouis tamen accessionibus ita sunt auctæ , vt inuentione sua sint planè insignes , & certiores , futuræ quoque faciliores , si vita hominis longior indulgisset . Sed neque Mathematici recentiores , ita vtuntur calculis Copernicanis , vt eis Tychonianas postponant ; sanè ex huius Tabulis hoc seculo omnium exactissimè supputantur , Solis & Lunæ motus , tum Syzygiarum & Eclipsium momenta quæque , vt non pauci ex eiusdem fundamentis , Tabulas Lunæ Solares condât faciles , & simplici methodo , Ptolemaicæ persimiles , vnica anomalia contentas , etsi differentia intercedat in tempore prosthaphæretico , ad momenta horarum rigidè examinato . Operosiores sunt Tabulæ Copernici ob duplicem anomaliam , apogæi nimirum , seu eccentricatis , & medijs motus , vt nil dicam de multiplicibus Solis prosthaphæresibus .

Iam si cætera spectentur , non ita præferendæ videbuntur rationes Copernici , quin aliorum putationes æquè valeant : In subigenda , siquidem vera Syzygia , Ptolemæus , Alphonsus , Copernicus , ferè sunt pares , Tycho superior . Sic in motu Solis , Alphonsus , Copernicus ,

& Tycho, non multum differunt, iidem tamen in constituenda Solaris aoni quantitate euant; non secus in Aequinoctiorum intervallo, in eorundem prosthaphæresibus, denique in Medio interdum motu; eluctantur tamen suis rationibus eatenus, vt illi quidem propius ad Cælum quàm Ptolemæus accedant, sed Tychonis labor cum Cælo prorsus congruere existimetur. Quare non rectè quidam opinantur, Mathematicos recentiores, non alijs certioribus vti, quàm Copernici calculis & argumentis. Mitto Maginum, Mitto Keplerum, quorum subductiones, aliquid etiam certius tentasse existimantur.

Quod postremò dicebatur, *Verum non sequi nisi ex Vero*; si id intelligatur respectu hypothesium Copernici duntaxat, paralogismus est. Neque enim minus ratæ sunt causæ Phænomenum ex positione Eccentricorum & Epicyclorum, quàm si fingatur Terra moueri, Sol in Centro fixus esse, idq; iam à multis seculis est exploratum; vt hodie non certius venemur Eclipses, & alias phases & apparitiones, quàm olim venabantur Alphonsus, Ptolemæus, & alij superiores; ex quorum positionibus ducti numeri nonnulli, si hoc seculo non ad agnam respondent, non ipsis positionibus, sed nunquam satis cognito cælestium corporum motui, est adscribendum; Quis enim rectè vnquam deduxit præcessionē Aequinoctiorū? quis mortaliū vel vnus Planetæ periodum sine errore determinauit, vt iccirco singulis seculis plures sint cudendæ Tabulæ, quæ Ciuilem duntaxat, sed inter Mathematicos habeant certitudinem, & verum sit illud *Ecc. 3. Et mundum tradidit disputationi eorum*. Iam si Copernici positiones aptari possunt futuris temporibus, multò certius & Ptolemæi, & Alphonsi, & aliorum, qui ex assertis Eccentricis & Epicyclis, per multa secula ita omnia phænomena saluarunt, saluabuntq; in posterum, vt hanc ob causam, alia argumenta non sint excogitatu necessaria, quibus Systema Vniuersi perturbetur, quæ præsertim nec Philosophiæ veræ, nec S. Scripturæ sunt conformia.

Si porrò eadem propositio, *Verum non sequitur nisi ex Vero*, ita attribuitur positioni Copernici, tanquam vnica sit causa veræ demonstrationis, similis est paralogismus; Nam & ex ceteris eadem sequitur conclusio vera, facilisq; ductu, nullis vt incommodis laboret, quæ expediri nequeant; cum interea Copernici hypotheser, pluribus & maximis implicentur difficultatibus, quamquam ad Sacram Scripturam à qua deficiunt, non expendantur: quod ostendere alterius erit loci. Hic interim aduerto, causas phænomenum physicas, non esse has vel illas positiones, sed hos vel illos motus syderum, & periodos, quæ multis experiētijs obseruata; eiusmodi positionibus sūt sub-

subactæ, vt ex illis ratio motuum constaret. Ita planè, quod hæc vel illa passio insit rei subiectæ, non est causa hic vel ille Syllogismus, cum hac vel illa terminorum, & præmissarum dispositione, sed natura huius & illius rei, cui, vt conuenire talis affectio cognoscatur, inseruit eiusmodi dispositio, ex qua conclusio efficiatur, prædicatum subiecto conuenire manifestans. Ex quo fit, vt idem, diuersis Syllogismis concludatur, si tanquam certæ apprehendantur, etsi reipsa falsæ sint suppositiones terminorum; velut si quis certò putet, Omnem lapidem sentire, & omnem hominem lapidem esse: Item omnem plantam sentire, & omnem hominem esse plantam; ex vtraque dispositione, perindè & per æquè veram inferet conclusionem, omnem videlicet hominem sentire; & tamen principia ex quibus eam deducit falsa sunt. Haud secus in re nostra, æquè ex Systematibus Ptolemæi & Copernici concludas, phænomenum euentus hoc vel illo modo & momento præstandos, & tamen vtrunque Systema est falsum & imaginarium, vt iccirco plures in dies positiones inueniri queant. Nam & Ptolemæus eodem modo reddit causam Phænomenum in Sole per Epicyclum, atque sine Epicyclo; & plures alij quasdam syderum affectiones apparentes, per motum trepidationis, alij alias per retardationem, &c. Sic longitudes & latitudes, si ab alijs terminis sumantur, aliæq; positiones à Cosmographis statuuntur, æquè certæ elicientur conclusiones, atque iuxta ordinem vulgò vsitatum: quod ipsum dico si quis Centrum in polis imaginetur, & circulos maiores alio ordine disponat; si denique punctorum fixorum & Cardinum, locumq; differentias, alia atque alia imaginatione dispenses, quæ tamen omnia reipsa falsa erunt, ac duntaxat ratione supputationis ad huiusmodi positiones accommodatæ verificabuntur. Quemadmodum enim certum est apud Dialecticos, ex Vero ceteris paribus nunquam sequi falsum, sed sèper Verum, intuitu materiæ & consequentis; ita constat, *ex Falso, & Falsum & Verum sequi* ratione consequentiæ, & dispositionis, vt patet in prædictis Argumentis.

Atque hæc de Argumentis quæ ferè in loco versari solent. Quibus profligatis, eò demum lubricè confugiunt haud pauci aduersæ opinionis Patroni, vt Terram moueri, & Solem stare verum esse affirmant, *secundum Philosophiam* (vt ipsi aiunt) *quicquid sit secundum Theologiam*; quam verò Philosophiam Deus bone? Scilicet hac ingeniosa distinctione, se rem totam confecisse arbitrantur, non intelligentes nihil esse Verum secundum Philosophiam, nisi etiam sit verum secundum Theologiam, *Verum enim non contradicit Vero*, quemadmodum dicitur, *In Decr. Concil. Lateran. Sess. 8.* quando omnis creata

Veritas est participatio quædam æternæ Veritatis, in qua non est confusio, neque falsitas, *Tenebræ non sunt ullæ*. Et rectè ibidem dicitur, huiusmodi distinctio esse *temerè philosophantium*, & vno verbo, *pestis* appellatur, quam ex inscitia natam, meritò quis affirmarit. Vt proinde sicut in eodem Decreto rectè præcipitur ijs, qui in Sacris sunt constituti, aut à Iure ad ea arctantur, ne *Philosophia aut Poësis studijs, sine aliquo studio Theologia aut Iuris Canonici* dent operam, unde *infectas Philosophia, & Poësis radices purgare, ac sanare valeant*; ita vniuersim omnibus præcipi iure queat, huiuscemodi Mathematicæ aut non esse tractandam, aut non nisi ab ijs, qui veræ Philosophiæ, aut Theologiæ sunt periti, ne ex earum ignoratione paralogizare contingat, & in plurimos errores incidere. Et alioqui tutius est abstinere, quàm falli, aut fallere.

Sed postremò aduertendum est, falsò quosdam conqueri, nisi liceat insistere Systemati Copernicano, præcludi omnem viam speculationis ad Mathesim perficiendam. Antequam enim Copernicus illuxisset, Pythagoræorum Philosophia pluribus erat perspecta, neque tamen in Scholas inducta, siue quòd naturæ esset aduersa, siue Fidei diuinæ; nec tamen defuerunt omni seculo, qui gloriosis laboribus suis, ipsis syderibus lucem afferent, etsi non in omnes difficultates radiantem: quibus tamen neque Copernicus ita consuluit, vt non interdum innotem præcipitarit. Licebit proinde nouis Theorijs ingenia exerceri, vt quàm proximè absint à veritate, si pertingere nequeunt ad exactam scientiæ integritatem, neque tamen transiliendi termini, vnde ad absurda & pietati Christianæ minimè cõformia præcepta deeretur. Alioqui nunquam magis docta fuerit Philosophia, quàm cum apparëtibus rationibus errores tueri gloriosè censebitur; vt iam tres in vnoquoque homine animas substantialiter distinctas; vnã in omnibus esse animam rationalem informantem, eandemque in singulis mortalem, Angelos item esse corporeos; alios in Sole & Luna existere Mundos, aliasq; creaturas ratione & humanitate præditas, & sexcenta alia monstra iterum excitata, in Scholas inducamus, & obfirmatis speculationibus defendamus; quãdo multà huiuscemodi, seclusa Fide, philosophicè disputari, & quãdam similitudine veri, non vno discursu probari possunt. Ceterum non desunt insignes in omni disciplinarum genere difficultates, quæ præciara quæuis ingenia publico bono & ad Creatoris gloriam, in certamen vocent, nec erit necessarium, dum à S. Scriptura, genuinaq; eius, & Catholica interpretatione minimè discedas, in huius aut illius Magistri verba iurare: ne quispiam sit fortalsè meticulosus, qui se flagris in sententiam Aristotelis,

& D. Thomæ cogi conqueratur; ipse interim, vt cum Tatiano (*Orat. contr. Gen.*) loquar, aniles Phærecidis fabulas, & Pythagoræorum dogmatum hereditariam successiōem, & Platonicam illius imitationem secutus, & cum nulli velit esse additus, ab Aristotele verò etiam longè positus, Pyrrhonius, vagus, & nullus sit Philosophus.

HÆC modò pro instituto Theologico, & breuitate Tractationis, satis esse remur, dum alij pro systemate vtitato Mathematicè velintantur, relicturi nihilominus & nobis Prouinciæ partem, post implendam. In his porrò ob oculos versabatur illud S. Thomæ, *Opusc. 10. in principio. Tutius videri quæ Philosophi communes senserunt, & nostræ fidei non repugnant, neque sic esse asserenda, vt dogmata fidei, neque sic neganda tanquam contraria, ne sapientibus huius mundi, contemnendi doctrina fidei occasio prebeat: In quorum altero sapientum præiudicio omnia concedimus, in altero religioni deferendum censuimus; vt quam de Terræ motu & Solis in Centro Stationis sententiam, Philosophi quidam communes an Pythagoræi, sed Christiani, sunt amplexi, Fidei Scripturarum esse contrariam ostenderemus: cum præsertim non deessent inter illos, quibus ex parte opponi posset grauis illa S. Augustini Lib. 5. Confess. cap. 5. de Fausto Manichæo censura, Cum de Cælo ac Stellis, & de Solis & Lune motibus, falsa dixisse deprehenderetur, quamuis ad doctrinam religionis ista non pertineant, tamen ausus eius sacrilegos fuisse, satis emineret, cum ea non solum ignorata, sed etiam falsa, vel falsata tam vesana superbiæ vanitate diceret, vt ea tanquam diuinæ personæ tribuere sibi niteretur: Sic enim uerò non nemo ex istis, cum in tuendo Systemate Copernicano, nec paucis, nec vulgi erroribus hallucinetur, ita nihilominus seipsum effert, nihil vt humani sapiens, diuinitus sibi pleraq; reuelata gloriatur.*

Quare & nostrarum partium fuit, cum hanc de Terræ Statione & Solis motu tractationem, hoc tempore ad pietatis & fidei doctrinam pertinere arbitraremur, vt quæ piè & Catholicè sentiremus, aperte affirmare, & scripto tradere auderemus; alioqui religioni obnoxij, si calamo fauissemus, In quibus tamen ita sententiam nostram iudicio Sapientum attemperamus, ac in primis S. Matris Ecclesiæ Romanæ censuræ submittimus, vt nihil dictum assertumue, quod eidem dicendum asserendumue non videatur, velimus, memores consilij S. Augustini Lib. 2. de Gen. ad Lit. cap. 18. Ne non tam pro sententia diuinarum Scripturarum, quàm pro nostra dimicantes, eam velimus Scripturarum esse quæ nostra est, cum potius eam quæ Scripturarum est, nostram esse velle debeamus.

ERRATA

Pag.	Lin.	II		
7			iuxta	circa
21	7		Theodorus	Theodoretus
40	7		Lycopolyta	Lycopolita
40	14		stabilica	subcilia
57	21		existant	existent
79	17		subfunt	subtus
80	32		q. 7.	q. 47.

INDEX RERVM

Iuxta Paginas.

A

- A**er in Cælo qualis. pag. 81. 82.
 Aeneæ Muscæ ludus. 66.
 Aequiuocatio sensus Literalis. 24.
 Aeternum quomodo accipiatur in
 Scriptura. 27. 28.
 Aether cur dicitur Sydere a plaga.
 pag. 77.
 Aetheri igneo terminus positus.
 pag. 80.
 Annis 36000. redire eosdem esse-
 ctus, error. 37.
 Aqua cur tributa figura Icosæ-
 dron. 10.
 Aqua superiores in Circulo flu-
 unt. 83.
 Continetur à Firmamento. Ibid.
 Inferiores Solis, & Lunæ specu-
 lum. Ibid.
 Archimedes Mundum pede motu-
 rus. 77.
 Argumenta à Mathematicis ad
 Physica, sæpè paralogistica. 85.
 Argumentum ex finito ad in-
 finitum, Sophisticum. Ibid.
 Auerrois Argumentum contra
 Eccentricos & Epicyclos. 85.

C

- C**alendarij emendandi ratione,
 quis primus proposuit. 88. 89.

- Qui postremus perfecit. Ibid.
 Cæli altitudo non potest inuesti-
 gari. 17.
 Cæli firmitas non opponitur mo-
 tui. 74.
 Cælum liquidum. 64. 74. 81.
 Quomodo dicatur solidum, &
 quasi ære fustum. 74.
 Firmatum sicut fumus. 81.
 Cælum Empyreum immobile.
 pag. 16. 43. 64.
 Cælum qui putarunt non esse
 Sphericum. 45. 41.
 Esse Sphericum olim non fuit
 demonstratum. 6.
 Sphericum esse probabilius est
 esse de Fide. 41. 42.
 Cælum an totum moueatur. 42. 64.
 Affirmatiua videtur, esse de
 Fide. 44.
 Mouetur Circulariter. 33.
 Cum eo moueri etiam Sydera
 est secundum Scripturam. 74.
 Cælo immoto Syderibus motis sal-
 uantur Phenomena. 43.
 Cælum esse & non moueri quo-
 modo contradicant. 75.
 Cælum ex qua materia putarunt
 quidam constare. 74.
 Centrum stabilitatē significat. 9.
 An Circulo antiquius. 43.
 Centrum Vniuersi datur præter
 cætra corporum particularium. 85.
 Non

Non necessario est indiuisibile. Ibid.
 Harmonicè integrat Vniuersum. Ibid.
 Etiam Mathematicè consideratum est immobile. Ibid.
 Copernicanaeputationes quomodo in Scholis tradendæ. 58.
 Cur à multis adhibita. 89.
 Non magis vera, quàm ex aliorum Hypothesibus ducta. Ibid.
 Cum alijs comparata quales. pag. 89. 90.
 Copernici Argumentum probans Terram non esse Centrum quale. 84. 85.
 Eius sententia non fuit approbata à Paulo III. 88.
 Semper fuit habita contraria Scriptura. Ibid.
 S. Congregationis Indicis de eadem censura, & quomodo eiusdem libri cautè sint permissi. Ibid.
 Corporū Sphæricorū grauissimū est medium ceterorum. 85.
 Corpora longè disita etiam mota stare videntur. 60. 67.

D

Deus creando Mundum, prius fecit culmen postea fundamentum. 17. 18.
 Disputare contra Terræ Stationē an liceat & quomodo. 48. 50.
 Doctrina de motu Terræ & Statione Solis implicite prohibita à Leone X. 57.
 Disputare contra Terræ Stationē

cur periculosus, quàm contra quadam alia etiam de Fide certa. 50.

E

Elementa quomodo immutantur sicut in Organo qualitatis sonus. 86.
 Esdræ tertius, & quartus liber, cuius auctoritatis. 40.
 Ezechiæ motus Terræ latere non potuisset. 77.

F

Falsum, & Verum quomodo sequatur ex falso. 91.
 Fausti Manichæi Mathesim ignorantis præsumptio. 92. 93.
 Firmamentum cur sic dictum. 81.
 Non infert Cali Stationem. 84.
 Est diuersum à primo Calo. 81.
 Quomodo igni & aqua solidatur. 83.
 Quomodo aliqui putarunt esse compositum ex Elementis. 82.
 Firmamentum stare cum Stellis, est cōtra Scripturam. 74. 75.
 & 77.
 Firmitatis Cali & Terræ non eadem ratio. 60. 74.
 Firmitas Cali non opponitur motui. Ibid.

H

Harmonia Mundi. 15.
 Arguit rationem Centri, & Stationem Terræ. 15. 16.
 S. Hildegardis à Deo docta & illuminata laudes. 82. 83.
 Ignis

INDEX.

I

- I**gnis in Cælo qualis. 81.82.
 Ignis locus, Pythagora est Carcer
 in medio Vniuersi. 80.
 Ignis inferorum an violenter con-
 tineatur in Centro Terræ. 79.
 Infernus ubi. An in Centro
 Terræ. 79.80.
 Iosue pugnante Sol ubi stetit. 72.

L

- L**iteralis sensus eiusdem dicti
 multiplex. 22.23.28.
 Literalis sensus qualis. 23.
 Semper est determinatus. 24.
 Non est accipiendus Logice,
 aut Dialectice. 70.
 Quando dicitur impleri. 24.
 Luminaria cur videntur ferri
 velociter. 67.
 Quomodo moueri deprehendun-
 tur. Ibid.
 Motu peragunt officium suum.
 Luna quomodo dicitur Luminare
 Magnum. 71.

M

- M**aris ænei diameter. 72.73.
 Maris æstum quidam in motum
 Terræ conantur reducere. 49.
 Mathematica quedam, physice
 impossibilia. 49.
 Mathematica absque Systemate
 Copernici perfici potest. 38.
 Mathematici puri cur facile pa-
 ralogizant. 48.50.51.
 S. Scriptura abutuntur. 53.54.

- Asserentes Solem stare, Terræ
 moueri, tanquam paralogizan-
 tes conuincuntur. 54.55.56.*
Mathematicus nullus, vel vnus
 Planeta periodum rectè deter-
 minauit. 90.
 Medium Vniuersi comparatur
 pedi fixo. 84.
 Medius motus Solis spectat pur-
 itum Eccentrici. 42.
 Miraculum Horologij Achaz in
 Sole, non in umbra. 38.39.
 Mobile indiget quiescente. 84.
 Motus circularis indiget Cen-
 tro quiescente. Ibid.
 Moysen sensisse Terram moueri,
 impostura. 88.
 Moyses quomodo locutus est rudi
 populo. 61.
 Alijs etiam subtilia insinuauit.
 pag. 61.62.
 Cur non expressit motus Syde-
 rum. 62.
 Quem finem intendit in Syde-
 ribus explicandis. Ibid.
 Mundum Deus tradidit disputa-
 tioni. 48.
 Mundos plures non esse possibiles
 quomodo intellexit S. Thomas.
 pag. 80.81.
 Mundus est finitus & Sphæricus.
 pag. 85.
 Mysticus sensus non elicitur ex
 litera. 22.
 Interdum, sed raro fit litera-
 lis. 23.

N

- N**auigantibus Terra cur mo-
 ueri videtur. 66.

Diuersi motus Terra apparent.

pag. 67.

Motus navis ab illis percipitur. 66.

Naui mota, an velocius videntur ferri corpora quam ipsa navis. 67.

P

P *Atrum nullus expressè dixit Terram moueri.* 41.

Eorum sententia de Terra Statione. 14.

Supposuerūt potius Terra Stationem quàm probarunt. 12. 13.

Mathematica non magnoperè curarunt. Ibid.

Secūdum variam Philosophiā, variè sunt locuti. 76.

Paralogismi ex quibus asseritur motus Terra. 51. 52.

Contra Eccentricos & Epicyclos. 51.

Phenomenum Physica causa quæ. pag. 90.

Philosophia quomodò rectè tractanda. 58.

Philosophiam publicè docentes ad quid teneantur ex Constitut. Leonis X. 57.

Propositiones quadam de Calodamnata. 75. 76.

Pythagoras ignoranter Terra tribuit animam. 78.

Eius error ex Cubo & motu Terra. Ibid.

Ridetur ab Hermia. Ibid.

R

R *Otundi mediū est imum.* 43.

S

S *Acra Scriptura instar Terra immobilis.* 71.

Nusquam indicat Terram naturam moueri. 8.

Metaphoricè loquentis Scriptura, quis sensus Literalis. 70.

Quæ uno loco tradit metaphoricè, alio explicat. 67. 68. 70. 71.

Sensus à Spiritu sancto intenti signum. 25.

Sol quomodò Luminare Magnū. pag. 71.

Quauis Stella maior. 11. 72.

Stellis minor apud quos. 71.

Cur stare videtur. 60.

Quomodò stare quidam Patres intellexerunt. 36.

Cur spiritus dicatur. 39.

Solis Ortus & Occasus non est tantum quoad apparentiam. 60.

Variis eius motus. 37.

Solis natura ignea. 39.

Non idè animata. 78.

Solis Eclipsis Christo patiente, redarguit motum Terra. 33.

Solem moueri non habet Metaphoricum sensum. 70.

Moueri secundū varios sensus, quomodò est de Fide. 34. 38. 39.

Est unanimis Patrum sententia. 35.

Non gyrare sub Terra, falsò imponitur S. Augusino. 63.

Eo stare iussò à Iosue, an totum Calum steterit. 42.

Standi proprium apud Latinos significatum. 26.

Sta-

INDEX

Statio Terra omnem motum excludit. 26.
Stella sunt minores Sole. 71.
Cur quiescere videatur. 60.67.
Eas moueri est secundum Scripturam. 75.
Nec id intelligitur de Solis Planetis. Ibid.
Sunt subtilia, & tenuia corpora. 40.
Ex Elementis quibusdam eas constare quidam putant. Ibid.
Systema Copernicanum hypotheticè tantum, & quomodo potest assumi. 87.
Ex eo licet falso, quomodo deducantur putationes verae. 40.
Est contra S. Scripturam. 31.
Multa parit absurda. 32.
Vulgatum, plures habet sequaces.

T

Terra interdum significat habitatores Terra. 2.
Suspensa in nihilo. 17.18.32.
Producta est prima die, motus expers. 18.19.
Quomodo voluntate Dei immobilis. 13.14.
Magna Mater, Ceres, Vesta, cur dicta. 16.
Eius Originale vocabulum in Hebraeo quid importet. 10.11.
Terra à terendo. 77.
Acurrèdo quomodo dicta. Ibid.
Terra miraculosa commotio. 2.
Terram commoueri in S. Scriptura quid importet. 25.26.
Vnus tantum illi motus compe-

tit naturaliter, & quando. 86.
Terra aptissima ad quiescendum, in medio. 86.
Cubo comparata. 10.
Eius Statio sensu deprehenditur. 68.
Ita stat, ut nō moueatur. 25.26.
Eadem est sententia Sanctorum Patrum. 20.
Quomodo se habeat ad reliqua Elementa. 85.
Aquis ferri quidam putarunt. pag. 16.20.
Terra quàm Firmamenti stabilitatem plura loca Scriptura indicant. 80.
Terram moueri est contra Scripturam. 76.
Stare, nullum habet Metaphoricum sensum. 70.
Terra in aeternum stat, quot modis sumitur in S. Scriptura. 35.
Terra Centrum Vniuersi. 9.10.
& 12.13.14.20.41.
Id esse de Fide probabilius est. pag. 41.44.46.47.
In ratione Cœtri non consideratur respectu Orbis Eccentrici. pag. 42.
Terra in medio constituta. 17.
& 59.40.43.
In infimo. 16.17.19.43.
Esse deorsum, est de Fide. 31.46.
Terra in Cælo qualis, & in quem finem. 82.
Probabilius est nullam esse in Cælo. Ibid.
Terra non est animata. 17.18.
Nauigantibus cur moueri videatur. 66.

I N D E X.

<p><i>Quomodo opponatur Aquæ gra- ui.</i> 17.</p> <p><i>Terram aliam non esse possibi- lem, quo sensu intellexit. S. Tho- mas.</i> 80.</p> <p><i>Tychoniana Lunares Hypotheses laudate.</i> 89.</p> <p style="text-align: center; margin: 10px 0;">V</p> <p>V <i>erum non contradicit Vero.</i> pag. 19.</p>	<p><i>Ex Vero nunquam sequitur falsum,</i> Ibid.</p> <p><i>Verum aliquid dicere secundum Philosophiam, & non secun- dum Theologiam, error dam- natus, & pestis.</i> 91. 92.</p> <p><i>Verus motus Solis refertur ad Centrum Vniuersi.</i> 42.</p> <p><i>Vsus Copernicani Calculi quo pa- cto licitus.</i> 48. 49.</p> <p><i>Quomodo adhibendus, ne reli- gio offendatur.</i> 56.</p>
--	--

F I N I S.





